



Inatsisartut Aningaasaqarnermut Akileraartarnermullu Ataatsimiititaliaat
Imaneq 2
3900 Nuuk

Brevdato: 17-10-2024
Sagsnr. 2024 - 980
Akt id. 24582398

Ataatsimiititaliap 2025-mut aningaasanut inatsisissatut siunnersuummut apequtaanut akissutit

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Ulloq 18. september 2024 ataatsimiititaliap siuliani taaneqartut pillugit siunersueqatigiinnissamut aggersaavoq. Siunersueqatigiinnissarli taamaatinneqarpoq. Kingorna Aningaasaqarnermut Akileraartarnermullu Ataatsimiititaliap allatseqarfiata 17. oktober 2024-mi mailikkut Aningaasaqarnermut Akileraartarnermullu Naalakkersuisoqarfiup siunersueqatigiinnissamut apeqqutit siusinnerusuklut nassiussamik allakkatigut akineqarnissaat kissaatigalugu nalunaarutigaat. Tamanna allakkaklut matumuuna pivoq.

Attassinissamut Ineriartortitsinissamullu Pilersaarut II-mik malitseqartitsineq.

1. Aningaasaqarnikkut pingaarnertigut pisut

2025-mut aningaasanut inatsisissatut siunnersuummi qupperneq 168-ip qeqqata tungaani Naalakkersuisut ima paasissutissiipput:

"Naallu suliffissaqartitsilluarnikkut, suliffissaaleqisut ikinnerisigut aamma suunngitsumik aningaasat naleerukkiartornerisigut pitsaasumik aningaasarsiornikkut ingerlalluortoqaraluartoq aningaasaqarnikkut pissutsit ilungersunartunik aamma nassataqarput."

1.1. Tamatuma peqatigisaanik aningaasaqarnikkut annertuumik ingerlatsisoqarnera aammalu sulisinnaasut tamarmik suliffissaqarnerat eqqarsaatigigaanni aningaasat annikitsuarsuarmik naleerukkiartornerat pillugu Naalakkersuisut qanoq nassuiaatissaqarpat?

AKISSUT:

Akit qaffakkiartornerisigut aningaasap nalingata appariartornera ilaatigut atuisunut akigititat, soorlu ilaatigut assartuinermi, inuussutissani, ineqarnermut akiliutini, kiassarnermi innaallagissanilu, ilaqutariit atuineranni ilaasuni akit agguaqatigiissillugu qaffakkiartornerisigut takuneqarsinnaavoq. Atuisunut akit 2023-mi 2,2 procentimik qaffariarput, tamannalu Aningaasaqarnermut Siunnersuisooqatigiit januar 2024-mi 3 procentit missaannik missingiutaanniit appasinnerularpoq.

Kalaallit Nunaanni akit qaffakkiartornerisigut aningaasap nalingata appariartornera nunarsuarmi ineriartornermik annertuumik

toqqammaveqarpoq, inuinnaammi atuineranni eqqussukat annertuumik ilaammata. Kalaallit Nunaata nioqqutissami sullississutimilu ilaat annertuut avataanit eqquttarmagit, nunarsuarmi niuerfimmi akit allanngornerat piffinni akit allanngornerisigut sukkasuumik takuneqarsinnaasarpog. Eqqussukat akiini appasinnersumik qaffakkiartulerneq erniallu appariartornerannik nunarsuarmi ineriartorneq pitsaasoq, ukiuni aggersuni Kalaallit Nunaanni appasinnerusumik akit qaffakkiartornerisigut aningaasap nalingata appariartorneranik tatineqarnissamik ilimanarpoq. Tamanna Kalaallit Nunaata nunarsuarmi aningaasaqarnikkut pissutsinik attuumalluarneranik ersersitsivoq, avatanilu pissutsit aningaasaqarnermi ineriartornermi annertuumik sunniuteqarput.

1.2. Naak aningaasarsiornikkut pitsaasumik ingerlalluortoqarnera ingerlaannartussatut isikkoqaraluartog kiisalu sanaartornermi akit qaffakkiartoraluartut aningaasat annikitsuaqqamik naleerukkiartornerat siunissami aamma atuutissasoq Naalakkersuisut naliliippat?

AKISSUT:

Aningaasaqarnermut Siunnersuisooqatigiit nalunaarusiaat kingulleq naapertorlugu, 2024-mi akit qaffakkiartornerisigut aningaasap nalingata appariartornera 2,2 procentiussasoq, 2025-milu 3 procentimut qaffarialaassasoq ilimagineqarpoq.

Aningaasaqarnermut Siunnersuisooqatigiit qaffariarneq taanna pingaarnertut pissutsinik marlunnik tunngaveqartippaat. Siullertut 2024-mi uuliamik tunisassiat akiisa qaffakkiartornerat nunarsuarmi niuerfimmi ilimagineqarsinnaasunit minneruvoq, tamannalu siunissami akit arlaleriarlutik qaffassinnaanerannik kinguneqarsinnaavoq. Aappassaattut ilaatigut inissiani attartortittakkani nukissiornermilu atortuutini iluarsartuussinermik kinguussaaneq annertoog ukiuni aggersuni atuisunut akigititat qaffannerannik malitseqarsinnaavoq.

1.3. Aningaasat annikitsuararsuarmik naleerukkiartornerat ulluinnarni nioqqutissanik pisiortornermi atuisartunit aamma malugineqarsinnaasut Naalakkersuisunit nalilernerqarpa?

AKISSUT:

Akit qaffakkiartornerisigut aningaasap nalingata appariartornerata eqimattat assigiinngitsut assigiinngitsumik sunnertarai Naalakkersuisut naliliipput, ilaqutariinnullu isertitakitsunut akit annikitsuinnarmilluunniit qaffanneri annertuumik sunniuteqarsinnaasarpog, taakkumi isertitaasat ilaat annertuut nioqqutissanut sullississutinullu pisariaqartunut atorneqartarmata. Taamaammat akit qaffakkiartornerisigut aningaasap nalingata appariartornerataalaatsinaannissaa pingaaruteqarpoq, taakkumi aningaasaqarnermut ataatsimut ersiutinut sunniuteqaannarneq ajorput, aammali inoqutigiit nalinginnaasut ulluinnarni aningaasaqarnerat sunnertarpat.

Taamaammat sulisartut aningaasarsiaasa naliviata ineriartornerat Naalakkersuisut immikkut eqqummaariffigaat. Aningaasarsiat naliviat

aningsarsiat akit qaffakkiartorerisigit aningaasap nalingata appariartoreranut nalimmassagaq takutittarpaa. Taamaalilluni aningaasarsiat naliviat, nioqqutissanik sullississutinillu akit allanngorneri isiginiarlugit, aningaasarsiaqartup pisisinnaassusianik takussutissiisarpoo. Aningaasarsiat qaffakkaangata, akilli suli qaffannerullutik, taava aningaasarsiat naliviat appariassaaq, aningaasammi pisissutigineqarsinnaasunut sanilliullutik nalikinnerulissapput. Akerlianik aningaasarsiat akinit annertunerusumik qaffakkaangata, aningasarsiat naliviat annertusisarpoo, aningaasarsiaqartorlu aningaasarsiani atorlugit pisisinnaanerulissaaq. Aningaasarsiat naliviata ineriartornera ukiuni arlalinni qaffakkiartorpoq.

Pisortat immikkoortuanni sulisartut kattuffiannik isumaqatiginninniarnerni, aningasarsiat naliviisa minnerpaamik sulisartunut attanneqarnissaa, Naalackersuisut pingaartittarpaat. Ataatsimut isigalugu aningaasarsiaqartorlu sulisartut nalinginnaasut amerlanerit pisisinnaassusiisa attanneqartarnera tamatuma ataatsimut kingunerisarpaa.

- 2. Suliffeqarneq, nalilinnik pilersitsinissaq avammullu tunisineq eqqarsaatigalugit aalisarneq nunatsinni suli inuussutissarsiuutit pingaarnersaraat. Naalackersuisut allapput 2022-mi aammalu 2023-mi aningaasaqarnikkut siuariarnermut 2 %-ip missaanniittumut pingaarnertut pissutaasoq tassaasoq pisat annertuut aalisarnermik suliaqarfimmut akigissaartillugit tunineqarsimanerat. Tamatuma peqatigisaanik nalunaarsuuffik 4-mi, akileraarutitut akitsuutinullu takussutissiamut tunngasumi, allassimavoq N 2023-mit AIS 2025-mut isumalluutit erniaannut akitsuutit 64 mio. kr.-it missaannik appariaateqarnissaat Naalackersuisunit naatsorsutigineqartoq. Aalisakkanik tunisassiat avammut niuerutigineqarnerat pillugu Naatsorsueqqissaartarfiup juli 2024-mi kisitsisaataanit takuneqarsinnaavoq ukioq taanna piffissami januar-julimi avammut niuerutigineqartut nalingat 2.712 mio. kr.-iusoq, tamannalu ukiup siuliani piffissap taamaalineranut sanilliullugu 107 mio. kr.-inik appariaataavoq 3,8 pct.-imik appariarnermik naleqartoq. Naalackersuisut nangillutik allapput aalisarnermut inatsisip ulloq 16. maj 2024-mi akuersissutigineqaaqqammersup nassatarisaanik aalisarnermi aqqqissuusseqqinnissanik arlalinnik nassataqassasoq, tamatumani siunertarineqarluni inuiaqatigiinnut iluaqutaasumik aalisarnermik inuussutissarsiuutip piujuartitsinissamik tunngaveqarluni ungasissumullu isigaluni pitsaasumik ineriartortinneqarnissaata qulakkeerneqarnissaa.**

- 2.1. Aalisarnerup iluani aqqqissuusseqqinnissat suut Naalackersuisunit eqqarsaatigineqarpat aqqqissuusseqqinnissallu taakku Naalackersuisunit qanoq naatsorsuuteqarfigineqarpat?**

AKISSUT:

Naalackersuisut salliutillugu aalisarnermut inatsimmi nutaap Attassinissamullu Ineriartortitsinermullu Pilersaarut 2-p atortuulersinnera sallertut erseqqissaatigiumavaat.

Aalisarnermut inatsimmi aalisarnermi pijuartitsisumik ineriartortitsinermit aalaakkaasunik sinaakkusiinissaq pingaarnertut siunertaarineqarpoq. Tamanna ilaatigut aqutsinemi pilersaarutini piumasaqaatit aqutugalugit qularnaarneqarpoq. Aalisarnermut Piniarnermullu Naalakkersuisoqarfik maanna inuussutissarsiutigalugu aalisarnermut tamanut aqutsinermik pilersaarutiniq suliaqaleruttoq. Ulloq 1. januar 2027 aalisarnermut pingaarutilinnut tamanut aqutsinermut pilersaarutit piareersimanissaat ilimagineqarpoq.

Tamatuma saniatigut pisassanik niuerutigineqarsinnaasunik nammineq pigisaqarnerup (PNNP) eqqunneqarneratigut pisassanik agguagarsianik aalisartut tuninerisigut pingaarnertut siunertaq qularnaarneqassaaq, avataasiarlunimi qalerallinniarnermi saattuarniarnermilu kiisalu aqutsiveqarfik 47-mi nammineq piumassutsimik PNNP-mik eqqussinikkut. Aqutsiveqarfik 47-mi aalisartut amerlanerit PNNP-mut ikaarsaarnersigut, aalisartunut inuiaqatigiinnullu aningaasatigut kinguneqaatissat annertunerunissaat naatsorsuutigineqarpoq.

1. januar 2024-mi avataasiarluni pisassat ilaannut 100 %-mik tulaassisussaataaneq atorunnaarsinneqarpoq, taamaalluni maanna kitaani avataasiarluni qalerallinniarnermi tulaassisussaataaneq maanna taamaallaat 25 procentiulerpoq. Tamanna ingerlatseqatigiiffinnut, aalisartunut pisortanullu aningaasatigut pitsanngoriaammik malitseqarpoq. Tamatuma saniatigut suliniutit sulisartunik nunatsinni piffinni allani nalilinnik pilersitseqataasinnaasunik suliniut periarfissiivoq.

Tamatuma saniatigut siusinnerusukkut sinerissap qanittuani raajarniutini raajartat 70 procentii tikillugit tunisassiorsinnaanermik periarfissamik atuutilersitsineq, ingerlatseqatigiiffinnut, aalisartut aningaasarsiaannut pisortanullu akileraarutitigut isumalluutinillu atuinermut akitsuutitigut sinneqartoornerunermik malitseqassasoq ilimagineqarpoq. Suliniut taanna siulini taaneqartutulli, sulisartunik nunatsinni piffinni allani nalilinnik pilersitseqataasinnaasunik suliniut periarfissiivoq.

Tamatuma saniatigut aalisarnermut inatsisissatut siunnersuummi nassuiaatit nalinginnaasut innersuussutigineqarput, tassani suliniutinut ataasiakkaanut aningaasatigut kinguneqaatit nassuiarneqarlutillu kisitsisitalersorneqarput.

3. Aningaasaqarnikkut ingerlatsinissamut Naalakkersuisut anguniagaat tunngavissaallu

3.1 Namminersorlutik Oqartussat NunaGreenimut 400 mio. kr.-inik aningaasaliissuteqarnerat nunatta karsiani uninngassuutinut qanoq sunniuteqarpa?

AKISSUT:

NunaGreenimut aningaasaliissutit Nunatta Karsiata aningaasanik uninngasuutai 400 mio. kr.-nik annikillissavai, peqatigisaanillu NunaGreenimi aningaasat uninngasuutit 400 mio. kr.-nik annertusineqassapput.

Missingersuutininik malitseqartitsinerimi kingullermi, ataatsimiititaliap aamma tigusimasaani, juuni 2024-mi Nunatta Karsiata aningaanic uningasuutai 1,3 mia. kr.-t ataatilaarlugit annertussuseqarput. NunaGreenimut aningaasaliissutit taamaalillutik Nunatta Karsiata uningasuutaanut ajornartorsiulersitsissangilat.

3.2 Isertitat immikkut ittut Siunissamut Ungasinnerusumut Aningaasaliinermut Aningaasaateqarfimmut ilannguttarnissaat inatsimmi aalajangersagaasoq Naalakkersuisut allapput. Aningaasaateqarfimmi tassani aningaasat qanoq amerlatigisut ileqqaagaanersut paasissutissiissutigineqassasoq ataatsimiititaliamit kissaatigineqarpoq.

AKISSUT:

Aallarniutigalugu Naalakkersuisut 2023-mut Nunatta Karsiata Naatsorsuutaani nalunaarsugaq 18 innersuussutigissavaat, tassani Piffissaq ungasinnerusoq eqqarsaatigalugu aningaasaliissuteqarnissamut Aningaasaateqarfiup uningasuutai naatsorsuutinilu nikeriarnerit sukumiisumik nassuiarneqarput.

Aningaasaateqarfiup 2023-p naanerani uningasuutai 196 mio. kr.-usut tassani takuneqarsinnaavoq. Kingorna ilanngaasigaanngitsumik akileraarutitut akiliutitigut aningaasaateqarfimmut aningaasanik ikisisoqarpoq, taamaammallu ulloq 17. oktober 2024 uningasuutit 234.529,186 kr.-upput.

Aningaasat taakku inatsisit naapertorlugit taamaallaat aningaasaliinernut inuiaqatigiit aningaasaqarnerannut sinneqartoorfiusunut atorneqarsinnaapput. Aningaasaateqarfiup aningaasaatai Inatsisartut siusinnerusukkut Aasianni/Qasigianguani Nuummilu engup nukinganik innaallagissiorfinnik sanaartornissamik aalajangigaannut ilaannakortumik aningaasalersuutitut atorneqarsinnaanerat ilimagineqarpoq.

3.3 Missingersuutininut naatsorsuutinullu inatsit Namminersorlutik Oqartussat EU-mik isumaqatigiissutaanic, PFM pillugu isumaqatigiissummik taaneqartartumik tapersersuisoq Naalakkersuisut allapput. Tamatuma itisilerneqarnissaa ataatsimiititaliamit kissaatigineqarpoq.

AKISSUT:

PFM tassaavoq "*Public Finance Management*," kalaallisuunngorlugu "Pisortat aningaasanik aqutsinerat".

Namminersorlutik Oqartussat Europa Kommissionimi suleqatigiinnissamik isumaqatigiissutaannut piffissami 2021-2027 missingersuutininut tapiissutit 1.679 mio. kr.-t ilaapput. Piffissami tassani missingersuutininut tapiissutinik akiliinermik pisinnaangortitsisunik, Namminersorlutik Oqartussat Europa Kommissionimik aningaasalersuineramik isumaqatigiissuteqartarput. Isumaqatigiissutilli taakku aamma piumasaqaatinik imaqarput. Kalaallit Nunaata PFM-imik isumaqatigissutigineqartoq aqqutigalugu aningaasaqarnermik aqutsinermik naammassinnissinnaassutini

siuarsassagaa, tassanilu naammaginantumik siuariartussasoq, immikkut piumasaqaataavoq.

Taamaammat PFM-imik isumaqatigiissutit Missingersuutinullu naatsorsuutinullu inatsit annertuutigit ataqatigiiffearput; tassa illersorneqarsinnaasumik attanneqarsinnaasumillu pisortat aningaasaqarnerannik qulakkeerinninnissaq.

3.4 EU-mut isumaqatigiissut mingutsitsinngitsumut digitalimullu allannguinnissamut tunngasoq sumut killippa?

AKISSUT:

Europa Kommissionip qanittumi Mingutsitsinngitsumik siuariatornermut aningaasalersuineramik isumaqatigiissutip qarasaasiakkut atsiorneqarsimasortaa nassiuppaa. Aningaasalersuineramik isumaqatigiissutip akuerineqarneratigit Namminersorlutik Oqartussanut missingersuutinut tapiissutit akilerneqarsinnaalerput, taamaattoq akiliinermi piumasaqaatit naammassineqarsimanerat tunngavissaatillugu. 2024-mi Mingutsitsinngitsumik Siuariatornermut aningaasaliissutit pissarsiarinissaat Namminersorlutik Oqartussat ilimagaat, mannali tikillugu akiliutit kinguaattoortarnerat nalinginnaasuvoq, EU-mimi aningaasanik annertuunik nuussinerni annertuumik suliat suliarineqartarnerat pissutigalugu aningaasat ukiumik nikingasumik nuunneqartarput.

4. Namminersorlutik Oqartussat A/S-iutaanni kommunilu A/S-iutaanni akiitsut ineriartorfiunerat

4.1. Nalinginnaasumik nassuiaatini nalunaarsuiffik 8-mi paasissutissiissutinut tunngatillugu Sanaartugassanut Iluarsagassanullu Aningaasaateqarfimmi aningaasaatit qanoq inissisimanersut paasissutissiissutigineqassasoq ataatsimiititaliamit kissaatigineqarpoq.

AKISSUT:

Naalakkersuisut aallaqqaasiullugu 2023-mut Nunatta Karsiata Naatsorsuutaani nalunaarsugaq 17 innersuussutigissavaat, tassani aningaasaateqarfiup imai nalunaarsorneqarput.

2023-p naanerani aningaasaateqarfiup aningaasaatai 802 mio kr.-usut tassani allassimavoq. Aningaasaateqarfiup aningaasaatai taamaalillutik 2023-p ingerlanerani 135 mio. kr.-nik annikillippat.

Aningaasaateqarfimmi suliniutini ataasiakkaani atuinert pillugit erseqqinnerusumik paasissutissanut, Sanaartornermut Iluarsartuussisarnermullu Aningaasaateqarfimmi, Nunatta Karsiata naatsorsuutaani ilanngussatut ilaasumi, immikkut nassuiaat innersuussutigineqarpoq.

Aningaasaateqarfik marloqjusamik aningaasaleeriaaseq, 2014/2015-imi atulersinneqartoq malillugu aqunneqarnera pingaarnertut

paasissutissiissutigineqassaaq. Taamanikkut oqartussaqaarfinnut ataasiakkaanut immikkoortunut aningaasaliissutit arlaallit, suliniutinut aalajangersimasunut atugassiissutigalugit ingerlaavartumik atornerqarput – pilersaarusiornernut kiisalu sanaartornernut. Aningaasaliissutit amerlanerit taakku ukiuni qaangiuttuni ilassutitut aningasaliinernut sulianut atatillugu naammassiortorneqarput, kingulliillu ukioq manna ukiup nikinnissaa sioqqullugu ilassutitut aningaasaliissutitut sulianut atatillugu naammassineqassapput. Kingorna kommuninut tapiissutinik atugassanngortitsinermut aningasanik immikkoortut kiserngorutissapput, assersuutigalugu suliniut nr. 44.048 Nutaanik sanaartukkanut iluarsartuussinernullu immikkoortitat, kontop pingaernerup ataani 83.30.12 Utoqqaat angerlarsimaffii.

Taamaalilluni ingerlaavartumik allannguisoqarpoq, taamaalilluni aningaasat atunngitsuukkat kontomi pingaarnermi 80.00.01 Nuussinissamut sillimmatit inissisimalerlutik. Kontomi pingaarnermi tassani aningaasat inissinneqartut suliniutinut ingerlasunut aalajangersimasunut atugassanngortinneqarnissamut pingaarnersiugaareernerat ilisimatitsissutigineqassaaq.

4.2. Aningaasat tassani uninngaannartut aningaasaqarnermut siuarsaatitut atornerqarnissaat qanoq qulakkeerneqarsinnaava?

AKISSUT:

Qularnaarneqareerpoq. Marloqiusamik periuseqarluni aningasaleeriaatsip taamaalilluni kontoni pingaarnerni assigiinngitsuni arlalinni aningasanik atornerqanngitsunik uninngasoqannginnera malitsigaa. Ilanngullugu apeqqut 4.1-ip akissutaa takuuk.

4.3. Kommunit maanna siunissamilu aningaasaqarnerat qanoq inissisimava?

AKISSUT:

Apeqqut taanna naatsumik akiuminaappoq.

Aallaqqaasiullugu aningaasanut inatsisissatut siunnersuummi nassuiaatini nalinginnaasuni kommunit aningaasaqarnerannut immikkoortoq immikkullu tassani nalunaarsuiffimmi 8-10 Naalakkersuisut innersuussutigissavaat, tassani kommunit 2023-mut naatsorsuutitigut kisitsisaataat, 2024-mullu missingersuutini kisitsisaataat takutinneqarput.

Kommunit Namminersorlutillu Oqartussat aningaasaqarneri imminnut ataqatigiipput. Assersuutigalugu akileraarutinik akitsuutinillu, inatsisinik tapiissutinillu aaqqissuussinernik kommunit atugassaannik sunniisartunik namminersorlutik oqartussat aalajangersaasarput. Namminersorlutik Oqartussat aningaasasiornikkut tatineqaraangamik, tamanna kommuninut ataatsimoortumik tapiissutit tatineqarnerannik inerneqarsinnaavoq, tamannalu kommunit sullissinermik qaffasissusaannik ingerlatsiinnarsinnaanerannut periarfissaannik annikillisisinnaasarpoq. Akerlianik kommunit aningaasaqarnikkut ajornartorsioraangata, Namminersorlutik Oqartussanit taparserneqarnerunissamik tatisinermik pilertoqarsinnaasarpoq.

Taakku saniatigut aningaasaqarnikkut politikimi tamarmiusumik allanngornerit, soorlu akileraarutitik akitsuutinillu allannguinerit pisortalluunniit ingerlatsiviannik aaqqissuusseqqinnerit, kommunit namminersorlutillu oqartussat aningaasaqarnerannik annertuumik kinguneqaateqarsinnaasarput. Taamaammat Namminersorlutik Oqartussanut kommunitinullu ataqatigiissaakkamik periuseqarneq ataatsimut tamaviaarnartunik passussisinnaanermut pisariaqarpoq.

Pingaarnertut kommunit Namminersorlutik Oqartussanit ataatsimoortumik tapiissutitigut kommunitinullu akileraarutitigut aningaasalersugaapput. Taamaalilluni Namminersorlutik Oqartussat aningaasatigut inissisimanerat aningaasaqarnikkut sinaakkutinut kommunit ingerlatsiffigisaannut annertuumik sunniuteqartarput.

Maanna kommunit ingammik innuttaasut ukiumikkut katitigaanerisa ineriartornerat patsisigalugu (taannaannangitsorli) annertuumik aningaasaqarnikkut ilungersornartoqassapput.

- **Utoqqaat amerlanerusut inussutissarsiutinillu ingerlataqartut ikinnerusut:** Tamatuma akileraartartut ikinnerusut pisortat ikiorsiissutaannik pissarsisartunik amerlanernik aningasalersuisussanngornissaat kingunerissavaa, tamatumalu akileraarutit qaffasinnerusut pisortalluunniit ikiorsiissutaat annikilliset kingunerisinnaavaa. Taamaalillutik kommunit Namminersorlutillu Oqartussat pisariaqartitsinerit allanngorneri aningaasartuutinillu tatineqarneq passukkumallugu aaqqiissutinik nassaartariaqalissapput, assersuutigalugu digitalinngorsaaneq suleriaatsinillu pisariillisaanerit aqutitigalugit.
- **Peqqinnissaqarfimmut utoqqarnullu immikkoortumut aningaasartuuteqarnerulerneq:** Innuttaasut ukiumikkut katitigaanerisa allanngornerat peqqinnissaqarfimmut isumaginninnermullu immikkoortumut aningaasartuuteqarnerulerneq kingunerissavaa. Tamanna peqqinnissaqarfimmi sullissinernut paaqqutarinninnermullu aalajangersimasumut aningaasaliinertigut. Aaqqissuusseqqittoqartinnagu aningaasartuutit taakku kommunit namminersorlutillu oqartussat missingersuutaasa ilagilissavaat annertusiartuinnartut.
- **Sulisussaqaarnikkut ilungersuutit:** Innuttaasut utoqqaliartornerisa ilaatigut pisortani namminersorlutillu inuussutissarsiortuni suliassanik isumaginnittussat ikinnerulerneq malitsigissavaa. Sulisussanik pilerilersitsinissamik sulisoreiikkanillu tigumminniinnarsinnaanermut pisariaqartitsineq tamatuma annertusarlugulu imminut isumagisunik periarfissanik atorluaallunilu pisariillisaanissaq pisariaqalersissavaa.
- **Kommunit akunneranni assigiinngissutsit:** Kommunit akornanni aningasatigut ilungersornartut assigiinngissitaarput. Kommunit ilaat annertuumik akileraarusiinissamut toqqammavissaqarput isumalluutinilluunniit amerlanerusunik atugassaqlutik, allalli innuttakilliarternermik aningaasatigullu toqqammaviit

sanngiilliarnerannik nalaataqarput. Namminersorlutik Oqartussat ataatsimoortumik tapiissutitaat, nalimmassaanerlu tassunga atasoq, assigiinngissutsit taakku nalimmassarnissaanni pingaaruteqarpoq.

Siunissami suliniutissat

Ilungersornartut taakku iliuuseqarfigisinnaajumallugit kommunit namminersorlutillu oqartussat akimorlugit piujuartitsisumik aningaasaqarneq qularnaarniarlugu ataatsimut suliniuteqarnissaq pisariaqarpoq. Tamatuma ilaatigut malitsigissavai:

- Aningaasaqartuuteqarfinnik pisariillisarsinnaanerannut periarfissaqarnerusunik pingaarnersiuneq.
- Sullissineq ajorseriartingikkaluarlugu aningaasartuutikillisaasinnaanermik periarfissanik suussusersiinissaq siunertarlugu immikkoortukkuutaartunik misissueqqissaanernik immikkoortunullu pilersaarutiniq suliaqarneq.
- Inatsisinik naleqqussaaneq taamaalillutik taakku pisariinnerusumik digitalinngorsarneqarsinnaasumillu pisortat ingerlatsiviannik ikorfartuisinnaaqullugit.
- Assigiinngissutsit nalimmassarniarlugit isumalluutillu pitsaanerpaamik atorneqarnerat qularnaarniarlugu kommunit namminersorlutillu oqartussat qaninnerusumik suleqatigiinnerat.

Suliassat taakku Namminersorlutik Oqartussat kommunillu akornanni ingerlaavartumik suleqatigiinnikkut aaqqineqassapput.

4.4. Kommuneqarfik Sermersuumut 400-nik nuuttoqartarpoq. Tamanna aningaasaqarnermut, inuussutissarsiortunut pisortanullu qanoq sunniuteqarpa?

AKISSUT:

Pissutsit assigiinngitsut arlallit kingunerannik Kommuneqarfik Sermersooq innuttaqortusiartorpoq. Ukiuni kingullerni avataanit suliartortut Skandinaviap avataaneersut ikigisassaangitsut Nuummi suliffissarsipput. Taakku nalinginnaasumik tassaapput inuit sullissinernik inuussutissarsiortuni ukiuni aalajangersimasuni sivissussilimmik tassungalu atasumik piffissami killilikkami nunassinnissamik sulinissamillu akuersissutillit. Taakku nalinginnaasumik innuttaaqatigiit akornanni innuttatut ilungersorlutik sulisutut, akileraarutiniq akiliisartutut annertugisassanngitsumillu isumaginninnermik aaqqissuussinnermik nanertuisutut isigineqarput. Kommuneqarfik Sermersoorli nunatsinnit tamanit isumaginninnikkut ilungersunartorsiortunit kajungerisatullusooq ippoq.

- 1. Aningaasatigut sunniutaa:** Avataanit suliartortut, amerlanertigut sullissinernik ingerlatsivinni piffissami killilimmi isumaqatigiissuteqarlutik sulisut, akileraarutiniq akilersuinnermik sulisartunillu pisariaqarluinnartunik ilapittuinnermik aningaasarsiornermut iluaqutsiipput. Taakku maaniinnerat immikkoortuni nunaqavissunik sulissarsiniapiloorfiusuni

pisariaqartitsinermik matussuseeqataapput. Akerlianilli nussortut isumaginninnikkut ilungersunartorsiorlutut pisortat aningaasartuutaannik ilungersunartorsiorutitsisinnaapput, assersuutigalugu isumaginninnikkut ikiorsiissutinik ineqarnermiluunniit ikiorsiinertigut. Innuttaasut ataatsimut amerliartornerat attaveqaatinut, soorlu inissianut, atuarfinnut peqqinnissaqarfimmilu neqeroorutinut aningasaliinissamik pisariaqartitsinermik annertunerulersitsisarpaq.

2. **Namminersorlutik inuussutissarsiorlutunut sunniutaa:** Sulisartut tikiussornerat, ingammik avataanit suliarortut, sulisussanik pisariaqartitanik pissarsinikkut namminersorlutik inuussutissarsiorlutunuk nukittorsaavoq, peqatigisaanillu piffimmi aningaasarsiornermik ingerlatanut ilapittuilluni. Tamanna ingammik niuernermi, takornariartitsinermi sullissinernilu immikkoortunik pingaaruteqarpoq, taakkunanilu pisariaqartitsineq annertuumik nikerarsinnaavoq. Innuttaasut amerliartornerat aamma piffimmi suliffeqarfinni niuernermi periarfissanik nutaanik pilersitsiviusarpaq, aningaasaliinernillu suli allanik pilersitsisinnaalluni.
3. **Pisortanut kinguneqaatai:** Illoqarfinnut nussortut amerliartornerat tunngaviumik pisortat ingerlatsiviata pisariinnerusumik ingerlatsineranut ikorfartuivoq, taamaalillunilu aallaavittut pisortat ingerlatsiviisa aningasaqarnerannik nukittorsaalluni. Assersuutigalugu peqqinnissamik sullississutinik, ilinniartitaanernik, paaqqinninnernik il.il. neqeroorutit piffinni inuttat eqiteruffiini aningaasartuutikiffiunerusarput. Innuttaasulli eqiterunneruleriartornerat tamaviaarnartunik aamma imaqarsinnaavoq, soorlu inissianik pisariaqartitanik neqerooruteqarsinnaanermi.

Inerniliussaq: Kommuneqarfik Sermersuumut nussorneq pitsaaquteqarlunilu ilungersornartoqarpoq. Taamaaliorneq namminersorlutik inuussutissarsiorlutunut akileraarutinullu isertitanut nukittorsaavoq, pisortat ingerlatsinerannik pisariinnerulersitsillunilu sullissinerannik annertusaalluni. Akerlianik ingammik inissianik pisariaqartitsineq inissianit neqeroorutaasunik annertunerulersitsinikkut ilungersornartunik imaqarsinnaavoq.

Ineriartorneq pisariitsumik passussinnaajumallugu ungasissumik sammisumik pilersaarusiornissaq pisariaqarpoq taamaalillunilu inuussutissarsiornermik siuarsaanernut isumaginninnikkullu iliutsinut oqimaqatigiissumik aningaasalersuineramik oqimaqatigiissumik qulakkeerinnissalluni.

Erseqqissuutitsinissaq pillugu nunatta iluani nussorneq nuna tamakkerlugu politikimut attuumasinnaanera erseqqissassallugu pingaaruteqarpoq, ingammik piffinni inuiaqatigiinni nussortut qimataannit ataatsimuussutisimik ilungersornartutigut. Pissutsilli tamakku apequtit uuma avataaniipput.

- 4.5. **Nalunaarsuiffik 9-mi qupperneq 188-imi paasissutissiissutigineqartut eqqarsaatigalugit. Politikikkut ataqatigiissaarisoqatigiit ataatsimiinneranni tamanna qanoq suliarineqarpa?**

AKISSUT:

Nalunaarsuiffik 9-mi kommunit 2024-mut missingersuutini kisitsisaatai 2023-mullu naatsorsuutini kisitsisaatai ikkussuunneqarput. Taamaalilluni pissutsit suut ataatsimiititaliap samminerai erseqqinngilaq. Ataatsimut isigalugu politikikkut ataqatigiissaarisut ataatsimiinneranni taamaalilluni kommunit naatsorsuutaat missingersuutaallu immikkoortillugit oqaluuserineqarneq ajorput. Missingersuutinili naatsorsuutinilu kisitsisit politikikkut sammisanik, ataatsimiinnerni ullormut oqaluuserisassanut inissinneqartunik assigiinngitsunik oqaluuserinninnerni pingaarutilittut ilaasarput.

Tamatuma saniatigut isumaginninnermut immikkoortumi kommunit aningaasartuutaasa annertusiarturnerat, ataatsimut isigalugu oqaatigineqassaaq, tassani meeqqat inuusuttullu angerlarsimaffiup avataanut inissinneqartut amerliartornerannut attuumasumik annertuumik aningaasartuutitut, annertusiarturnumik kommunini arlalinni unammilligassiiartortunut immikkut tunngatillugu. Tassani kommunit ingerlatsineri aningaasartuutaat aningaasaqarnikkut ilungersornartumiipput, peqatigisaanillu aamma inunnet tunngatillugu aamma annertooujussuarmik artukkiillutik. Apeqqutit taakku politikikkut ataqatigiissaarisoqatigiit ataatsimiinneranni uteqqiattumik oqaluuserineqartarput, kingullermillu Nuummi ataatsimiinnermi ingerlanneqaqqammersumi, ajornartorsiutit qulequttami uani; *Meeqqanik inissiinerit – nunatsinni ajunaarnersuaq* sammineqarput.

Aaqqissuusseqqinnissamut sammivik 3-mut. Pisortat immikkoortuanni siunissamut qularnaarinninneq pillugu ataatsimiititaliaq ima oqaaseqaatissaqarlunilu apeqqutissaqarpoq:

- Namminersorlutik Oqartussat missingersuutitut malittarisassaannik aamma inuiaqatigiit aningaasaqarneranni sunnuteqaatissanik naliliinnermi saqqummiussinissamut ilitersuutaannik nutarterineq 2023-mi aallartinneqassasoq "Pisortat aningaasaqarneranik pitsaanerusumik aqutsineq" ataani Naalakkersuisut paasissutissiissutigaat.**

AKISSUT:

Namminersorlutik Oqartussat missingersuusiornermi malitassiaannik nutarnerilluni sulineq piffissami sivisuumi ingerlavoq, missingiullu ukiup matuma naanerani, ukiulluunniit tulliaata aallartinnerani Namminersorlutik Oqartussani tusarniaassutigineqassaaq, kingornalu tusarniaanermut akissutit tiguneqartut tunuliaqutaralugit aaqqiigallartoqarnissaa ilimagineqarpoq. Missingersuusiornermi malitassiaq minnerunngitsumik missingersuutitut naatsorsuutinullu inatsimmik nutaamik, tassanilu ilaatigut missingersuutit inissisimanagerat pillugu aalajangersakkat tunuliaqutarlugit nutarterneqarpoq, soorluttaaq sanaartornermut immikkoortumik passussinermut tunngatillugu missingersuusiornermi malitassiaq nalimmassarneqassasoq.

"Inuiaqatigiinnut aningaasaqarnikkut kinguneqaatinik naliliinernik suliaqarnermut ilitersuut" nalimmassarnissaa pisariaqarsinnaasoq ilanngullugu ilimagineqarpoq. Taamaassappat tamanna inuiaqatigiinnut aningaasaqarnikkut misissueqqissaarnernik suliaqarnermi inernerinik nalunaarusiornermi piumasaqaatinik nalimmassakkanik saniatigulluunniit piumasaqaatinik

kinguneqassaaq. Ilitsersuummik nutarterinermik piareersaasiorneq pingaarnertut teknikimut tunngavoq, tassanilu kisitsit pingaarnertit ilitsersuummi atorneqartut isorinnittumik aallaaveqartumik misissorneqarnerat ilaassalluni. Ilitsersuutip nutaap ilanngullugu missingiummik nutaamik sioqqutsisumik tusarniaassuteqarneq tunngavigissavaa. Ilitsersuut naammassisaq siusinnerpaamik 2025-p ingerlanerani ilimagineqarsinnaanera piviusorsioruussaaq.

5.1. Pisortat aningaasaqarnerannik pitsaanerusumik sunniuteqarnerusumillu aqutsinissamik Naalakkersuisut kissaataannut tunngatillugu ataatsimiititaliamit paaserusunneqarpoq 2025-mi aningaasanut inatsisissatut siunnersuummik aammalu inatsisissatut siunnersuutinik allanik saqqummiussinisaq sioqqullugu kiisalu attassiinnarnissamut ineriartortitsinissamullu pilersaarut 2-mut atatillugu ataqatigiissaarinermik sulineq qanoq ittoq ingerlanneqarsimanersoq paasissutissiissutigineqassasoq ataatsimiititaliamit kissaatigineqarpoq. Nutarterinermi siuliani taaneqartumi suliatigut aningaasatigullu qanoq angusaqarnissaq naatsorsuutigineqarnerasoq ilaatigut paasissutissiissutigineqassasoq ataatsimiititaliamit kissaatigineqarpoq.

AKISSUT:

Ataqatigiissaakkamik suliaqarneq ataatsimiititaliap apequtigisaa, Aningaasaqarnermut Akileraartarnermullu Naalakkersuisoqarfiup ingerlaavartumik sulinerani pingaaruteqarlunnarpoq. Tassanilu akisussaaffinnik agguaassineq atuuttoq naapertorlugu naalakkersuisoqarfik tulluuttunik akisussaaffeqarpoq:

- Aningaasaqarnermut politiki, anguniakkat, periutsit inuiaqatigiillu ineriartorneranni aningaasaqarnermi pingaarnermik ersiutit.
- Aningaasalersuineri politiki.
- Aaqqissuussaaneermik politiki aningaasaqarnikkullu politikikkut patajaatsuunerimik qulakkeerinninniarluni Naalakkersuisut Siulittaasuata Naalakkersuisoqarfia suleqatigalugu aaqqissuussaaneermut politikimik aaqqissusseqqinnernillu akimuisumik ataqatigiissaarineq.
- Akiitsunut aningaasalersuinerimullu politiki, tassani pisortat ingerlatsiviannut tamarmut akiitsunik alaatsinaanneq Namminersorlutillu Oqartussat taarsigassarsisarnerannik passussineq.
- Missingersuutinik aqutsineq, tassani missingersuutinut inatsit, akimuisumik missingersuutinik ataqatigiissaarineq, missingersuutinik malitseqartitsinermik nalunaarusiorneq kiisalu aningaasaqarnerup ineriartorneranut politiki naliliinerlu.
- Kommunik missingersuutinik suleqateqarneq.
- Immikkoortunut pilersaarutitut aningaasaqarnikkut ataqatigiissaarineq.

Suliassat taaneqartut ilaatigut ornigulluni sulinerit kiisalu oqartussaqaqarfini allani aaqqissuusseqqinnernut annertuunut tunngatillugu ikiuineq, tusarniaanernut akissuteqarnerit, ilaatigut pisariaqartitsisoqartillugu Attassinissamut Ineriartortitsinermullu Pilersaarut II-mut tunngatillugu ataqatigiiffiit – imaluunniit saqitsaannerusinnaasut – tikkuarneqartunut annertuumik ilaatillugit. Tusarniaanermulli akissummik taamaattumik piareersaasiornerni Attassinissamik Ineriartornissamillu Pilersaarut II-p saqqummiunneqarnerata

kingorna politikikkut isumaqatigiissutaasinnaasut kingunerisinnaasaanik politikikkut tullerriarinerit sunniutaat aamma ilaapput.

Taassuma saniatigut Attassinissamut Ineriartornissamullu Pilersaarut II-mi suliniutit ingerlanneqartut taakkulu sunniutaasa siuariartornerannut tunngatillugu ingerlaavartumik aqutsisoqassaaq, taassumalu ilusissaa maanna ineriartorteqqinneqarpoq.

Immikkoortumi aalajangersimasumi aningaasaliissutinik atuinerni qaffasissumik naammassinnissinnaassutsimik pisariitsuunermillu qularnaarinissamut atatillugu, pineqartumi oqartussaaffimmut akisussaasoq tamatumani apeqquataasarpoq. Tamanna soorunami Angaasaqarnermut Akileraartarnermullu Naalackersuisoqarfiup soqutigisarpaa, pisunilu assigiinngitsuni pitsannguisinnaanermut periarfissat qulaajaavigiumallugit nammineerluni aningaasartuutinik misissueqqissaarnernik ingerlatsisarluni, soorluttaaq aningaasartuutinik misissueqqissaarnernik taamaattunik suliaqarniarluni naalackersuisoqarfiit akisussaaffeqartut suleqatigineqartartut. Kingullermik angerlarsimaffiup avataanut inissiisarnermut immikkoortumi aningaasartuutinik misissueqqissaarnissaq siunniunneqarpoq, tassanilu aningaasartuutit ineriartornerata qulaajarnerisa saniatigut aningaasartuutit appartinnissaannut siunnersuummik saqqummiussinissamut tamanna ikorfartuissaaq, ilaatigullu suliama illersorneqarsinnaaffiani akuliuffiunnginnerusunik atuinertit annertusarnerisigut.

Aaqqissuussegginissamut sammivik 4-mut. Akileraarusersuinernik, atugarissarnissamut ikiorsiissutinik, inissianut utoqqarnullu tunngasumik aaqqissuussegqinnerit pillugit ataatsimiititaliaq ima oqaaseqaatissaqarlunilu apeqgutissaqarpoq:

- 6. Soraarnerussutisiaqarnissamut aaqqissuussinermut pinngitsoorani ilaanissap sunniutaasa Naalackersuisunit nalilersuiffigineqarnissaat Inatsisartut UKA 2023-mi akuersissutigaaq (UKA2023/117). Nalilersuinerup tamatuma killia paasissutissiissutigineqassasoq ataatsimiititaliamit kissaatigineqarpoq.**

AKISSUT:

Avataanit siunnersortimit naliliineq annertooujussuaq tiguneqarpoq. Taanna nutserneqareerpoq maannalu politikikkut isummernissaq utaqqineqarpoq. Taannalu maanna ataatsimiinnerup ingerlanerani Inatsisartunut tunniunneqassasoq ilimagineqarpoq.

- 7. Akileraartarnermik aaqqissuussegqinneq pillugu – tassungalu ilanngullugu sulisoqarnermut ilanngaaticip qaffaaviginera. Naalackersuisut nalunaarsuiffik 11-mi takutippaat akileraartarnermik aaqqissuussegqinneq tamakkiisumik qanoq aningaasalersorneqarnersoq. Akileraartarnermik aaqqissuussegqinneq qanoq ililluni “tamakkiisumik aningaa-salersorneqarsimassava” aningaasat Nunatta Karsianit tiguneqartillugit?**

AKISSUT:

Namminersorlutik Oqartussat aningaasartuutaat tamakkiisut Nunatta Karsianit aningaasalersorneqarput. Tamakkiisumik aningaasalersuinertut, aaqqissusseqqinnermut aningaasanik immikkoortitsisoqarnera, peqatigisaanillu missingersuutit inissisimaneranut inatsisitigut piumasaqaataasut malinneqarnerat pineqarpoq.

8. **Tassunga atatillugu Nunatta Karsiata sinneqartoorutai Naalakkersuisunit innersuussutigineqarput. Nunatta Karsiata sinneqartoorutai maannamut qanoq atorneqarsimappat?**

AKISSUT:

Nunatta Karsiata Naatsorsuutaani sinneqartoorutit Nunatta Karsiani nalinginnaasumik aningaasanik uninngasuutinut ilaasarput. Aningaasat uninngasuutit atorneqarnissaat pillugit aalajangererit, tunngaviatigut ukiumoortumik aningaasanut inatsisinik ilassutitullu aningaasaliissutinik akuersinertigut pisarpoq.

Nunatta Karsiata ingerlaavartumik sinneqartoorutaasa ilaat missingersuutit naatsorsuutillu pillugit inatsimmi aalajangersakkat naapertorlugit Piffissaq ungasinnerusoq eqqarsaatigalugu aningaasaliissuteqarnissamut Aningaasaateqarfimmut nuunneqartarput, taamaammallu aningaasaateqarfik taanna pillugu akissut innersuussutigineqarpoq. Manna tikillugu aningaasaateqarfiup aningaasaatai ilaatigut Nuummi, Ilulissani Qaqortumilu mittarfiliortiternernut aningaasalersuutinut pingaarutilimmik ilapittuutaapput.

9. **Peqatigiiffiit il.il. ilaannut nunatta karsianit tapiissutinik tiguisartunut, taakku naatsorsuutinik kukkunersuisunit naalagaaffimmit akuerineqartunik kukkunersiorneqarsimasunik naatsorsuutinik tunniussinissaannik inatsimmi pisortatigoortumik uppersaasiinissamik piumasaqaatinut naapertuutinnigitsutut isigineqartunut Naalakkersuisut immikkut akuersinnaanerannik piginnaangortitsisumik nutaamik oqaasertaliussinissaq Naalakkersuisut siunnersuuteqarput.**

- 9.1. **Oqaaseqatigiit "Peqatigiiffiit il.il. ilaannut" qanoq paasineqassanersut Naalakkersuisunit itisilerneqassasoq ataatsimiititaliamit kissaatigineqarpoq. Oqaaseqatigiit "piumasaqaatinut naapertuutinnigitsutut isigineqartunut" qanoq paasineqassanersut Naalakkersuisunit itisilerneqassasoq ataatsimiititaliamit kissaatigineqarpoq.**

AKISSUT:

Aallaqqaasiullugu oqaasertaliussami nutaami peqatigiiffinnut timersoqatigiiffinnullu kiisalu kulturikkut kattuffinnik il.il. tapiissutit naapertuuttumik atorneqarnerannut uppersaatinik nassiussinnginnissamut pingaarnertut immikkut akuersissutaanginnera Naalakkersuisut erseqqissarumavaat.

"Peqatigiiffiit ilaat"-nik oqarnermi taamaallaat peqatigiiffiit kattuffiillu mikisut annikitsuaqqamik aningaasaqartut aalajangersumik suussusilerneqanngitsut tikinniarnearput. Peqatigiiffinnut kattuffinnulluunniit taamaattunut naalagaaffimmit akuerisamit kukkundersiuisoqarnissamik piumasaqarneq naapertuuttuunngitsumik aningaasartorfiusinnaavoq.

Taamatut pisoqartillugu oqaasertaliussat tunngavigalugit uppersaasiinissamut sakkukinnerusunik piumasaqaateqartoqarsinnaavoq, assersuutigalugu naapertuuttut isigineqarfiani naatsorsuutit kukkundersiuisutut nalunaarsukkamik, naatsorsuuserisumik tutsuiginartumik assigisaanilluunniit suliarineqarlutilluunniit misissorneqarsimanissaannik.

Sunaluunniit "aarlerinaateqanngitsutut naleqquttutilluunniit" nalilerneqaraangat, tamanna aarlerinaateqanngitsumik ingasanaarluguluunniit qisuariarfiunngitsutut isumatuumik naapertuuttumillu iliornerusarpoq. Allatut oqaatigalugu aaqqissut atorneqartoq suliarluunniit anguniakkatut aaqqinniakkatulluunniit kissaatigineqartumut naapertuuttuussaaq naleqqullunilu. Tamatumani oqimaaqatigiinneq naapertuunnerlu pineqarpoq, taamaaliornikkut ingasanaakkanik naammaginangitsunilluunniit piumasaqarneq qisuariarnerlu pinngitsoorneqartarput.

- 9.2. Ataatsimiititaliap misilittagai malillugit nunatta karsiata aningaasaliissutai siunertanut atuuffissaminnut atorneqarnerisa nakkutillivigineqarnissaa suli pisariaqarpoq. Aningaasaliissutit najoqqutassat erseqqinnerusumik aalajangersarneqartut malillugit iliuuseqarnissamut Naalakkersuisunut piginnaatitsissutaapput. Aningaasaliissutit atorneqarnerisa malitseqartinneqarnissaat aammalu aningaasaliissutit aningaasaliinermi tunngaviit naapertorlugit pitsaanerpaamik atorneqarnerannik qulakkeerinninnissaq Naalakkersuisunut ilaasortat ataasiakkaat pisussaaffigaat. Naalakkersuisut tamatumunnga oqaaseqaateqarnissaat ataatsimiititaliamit kissaatigineqarpoq.**

AKISSUT:

Aningaasaliissutit atorneqarnerannik malinnaanissaq, aningaasaliissutillu aningaasaliinermi tunngavigineqartut naapertorlugit sapinngisamik pitsaanerpaamik atorneqarnissaat Naalakkersuisut ataasiakkaat pisussaaffigigaat, Naalakkersuisut Aningaasaqarnermut Akileraartarnermullu Ataatsimiititaliaq isumaqatigaat. Apeqquq 9.1-imi akissuteqarnermi oqaasertaliussaq taaneqartoq pisussaaffimmik tassannga unioqqutitsinngitsutut Naalakkersuisut isigaat.

- 9.3. Peqatigiiffiit il.il. ilaannut nunatta karsianit tapiissutinik tiguisartut, taakku naatsorsuutinik kukkundersiuisunit naalagaaffimmit akuerineqartunik kukkundersiorneqarsimasunik tunniussinissaannik inatsimmi pisortatigoortumik uppersaasiinissamik piumasaqaatini immikkut akuersissuteqarfigineqarsinnaanissaat Naalakkersuisunit kissaatigineqartoq ataatsimiititaliamit paasineqarpoq. Naalakkersuisut kissaataat taanna ima paasineqassava peqatigiiffiit ilaannaat**

Naalackersuisunit tatigineqartut? Taamaassimappat peqatigiiffiit sorliit pineqarnersut paasissutissiissutigineqassasoq ataatsimiititaliamit kissaatigineqarpoq.

AKISSUT:

Naalackersuisut peqatigiiffivut, timersoqatigiiffivut kulturikkullu kattuffivut inuiaqatigiinnut iluaqutaasumik sullissisut tatigaat.

Allanneqartut "peqatigiiffiit ilaat" qanoq paasineqarnissaa pillugu imm. 9.1-imut akissut innersuussutigineqarpoq, tassanilu erseqqinnerusumik itisiliisoqarpoq. Oqaatigineqartut peqatigiiffiit aalajangersimasut pineqanngillat. Oqaasertaliussani piginnaatitsissut tamanut atuuppoq, taamaallaallu erseqqissumik naapertuuttumillu qularnaatsuni naliliisoqartillugu atorneqartarnissaa ilimagineqarpoq.

9.4. Akerlianik peqatigiiffiit sorliit piumasaqaatinut naapertuutinnngitsut isigineqarlutik immikkut akuersissuteqarfigineqarsinnaannginnissaat Naalackersuisunit naatsorsuutigineqarpa?

AKISSUT:

Peqatigiiffiit sorliit immikkut akuersissuteqarnissamut piumasaqaatinut naammassinnissinnaanngitsunik ataatsimut allattuiffimmik siumoortumik soorunami saqqummiussisoqarsinnaanngilaq. Oqaasertaliussani piginnaatitsissummik atuinermi immikkut akuerineqarnissamik qinnuteqartoqarsimatillugu, sukumiisumik naliliineq suliani ataasiakkaani pisussaq tunngavissaatinneqarpoq.

Peqatigiiffiit anginerusut kulturikkullu timersornikkullu kattuffiit anginerusut, tassani assersuutigalugu Kalaallit Nunaanni Timersoqatigiit Kattuffiat, aningaasatigut pisariussutsimigullu annertuumik inissisimasoq, naatsorsuutininik naalagaaffimmit akuerisamit kukkunersiorneqarsimasunik saqqummiussinissamik piumasaqaataasumit immikkut akuerineqarnissaat naapertuuttuussanngilaq.

Kattuffiit Kalaallit Nunaanni Timersoqatigiit Kattuffiattut ittut annertuumik aningaasaqarput aningaasanillu tapiissutinik annertuumik isumaginnittuullutik, taamaammallu aningaasaqarnikkut ersarissumik akisussaassuseqartumillu ingerlatsinissaannut qaffasissumik piumasaqarfigineqartarput. Naatsorsuutit kukkunersiuqqat kukkunersiuusumit naalagaaffimmit akuerineqartumit akuerisat, attuumassuteqanngitsumik aningaasat qanoq atorneqarsimanerannik, kattuffiullu aningaasaqarnikkut malitassianik inatsisillu naapertorlugit ingerlatsineranik nakkutilliisoqarnera qularnaarneqartarpoq.

10. Kommuni Kujallip aningaasaqarnikkut aqutsinikkut ajornartorsiuteqarnera ataatsimiititaliamit arajutsisimaneqanngilaq. Ajornartorsiutip killiffia paasissutissiissutigineqassasoq kiisalu ajornartorsiut qanoq ililluni taama tassangaannartigisumik pinngornersaq paasissutissiissutigineqassasoq ataatsimiititaliamit kissaatigineqarpoq. Kommunimut aammalu suliami akuusunut qanoq kinguneqassanersaq Naalackersuisunit naatsorsuutigineqarpa?

AKISSUT:

Aningaasaqarnermut Akileraartarnermullu Naalakkersuisup Aningaasaqarnermut Akileraartarnermullu Ataatsimiititaliamut ulloq 19. september 2024 allataa "Kommune Kujalliap aningaasaqarnikkut inissisimaneranik ilisimatitsineq"-mik qulequtalik innersuussutigineqarpoq.

Allakkami taaneqartumi pissutsit ataatsimiititaliap apequtigisai Naalakkersuisunit sukumiisumik nassuiarneqarput.

Tamatuma saniatigut Naalakkersuisut suliame tassani aalajangernissamik tunngavissiamik allamik piareersaaleruttorput.

11. AIS2025-mi nalinginnaasumik nassuiaatini oqaasertaliussat ataanni konto pingaarnermut nutaamut 34.01.07-imut, Qatserisunut taarsigassarsiarititanut tunngasumut, oqaasertaliussisoqartoq Naalakkersuisunit oqaatigineqarpoq. Tassunga atatillugu Naalakkersuisunit paasissutissiissutigineqarpoq 2024-mut oqaasertaliussaq 2024-mi julip qaammataani ilassutitut aningaasaliissuteqarnikkut Aningaasaqarnermut Akileraartarnermullu Ataatsimiititaliamit akuersissutigineqartoq. Suliaq ataatsimiititaliamit akuerineqanngitsaq ataatsimiititaliap 30. august 2024-mi allakkatigut Naalakkersuisunut nalunaarutigimmagu ataatsimiititaliamit Naalakkersuisunut eqqaasitsissutigineqassaaq.

AKISSUT:

Tamanna soorunami tusaatissatut tiguneqarpoq, taamaalillunilu aappasaaneerinninnermi allannguutissatut siunnersuutikkut aningaasaliissutit oqaasertaliussallu AIS2025-mi peerneqarput.

Oqaasertaliussat:

Oqaasertaliussani annertuunik allannguinerit erseqqinnerusumik nassuiaasioneqarnissaat ataatsimiititaliap qinnutigaa.

AKISSUT:

Tulliuttuni oqaasertaliussat nutaajullutilluunniit AI 2024-miittunit annertuumik allanngortinneqarput. Taamattaarlu AI2024-mi oqaasertaliussaqaqarpoq, AIS2025-mi ilaatinneqanngitsunik, tamatumani Naalakkersuisunut piginnaatitsissutit taakku atuutsinnaarneqarnissaat pisariaqartutut nalilerneqarnerat pissutigalugu.

Oqaasertaliussaq nr. 8 Suliassaqaqfik 10-89-imut:

Oqaasertaliussami sanaartornernut suliniutinut minnerusunut 10 mio. kr.-t inorlugit annertussusilinnut akiligassiinissamut piginnaatitsissut allanngortinneqarpoq. Sanaartortitsisunut aningaasartuutit akiligassiissutigineqarneri suliniutini ataasiakkaani atuinernut tunngatillugu eqqornerusumik takutitsinissaat qularnaarniarlugu piginnaatitsissut allanngortinneqarpoq.

Oqaasertaliussaq nr. 1 kontomut pingaarnermut 20.01.01 Aningaasaqarnermut

Akileraartarnermullu Naalakkersuisoqarfik: Oqaasertaliussaq AIS2025-mi nutarsarneqarpoq, tassanilu atuinerruffinnut atuinikiffinnulluunniit nuussinernut aningaasartat 1.500.000 kr.-nit 2.500.000 kr.-nut qaffanneqarput, tamannalu konto

pingaarnerup 20.01.11 Nuna tamakkerlugu pilersarusiorneq kontomut pingaarnermut uunga nuunneqarnera tunuliaqutaralugu pivoq.

Kantomut pingaarnermut 20.10.11 Ilanngaaseereerluni erniat oqaasertaliussat
Oqaasertaliussani Nukissiorfiit tiguisinnaatitaanerat 70 mio. kr.-nit 150 mio. kr.-nut qaffanneqarpoq. Tamatumani Nukissiorfiit 2029 tikillugu aningaasanik tigorianaannarnik amigartooruteqarnissamik ilimagisaqarnera tunuliaqutaavoq. Aningaasanilli tigorianaannarnik amigartoorneq 2027-imi 2028-milu pitsanngoriassaaq. Taamaammallu Nukissiorfiit Nunatta Karsianit tiguisinnaanermik pisinnaatitaaffiata nalimmassarnissaa pisariaqarpoq. Tiguisinnaatitaaneq aningaasanik tigorianaannarnik amigartoorutinut ikiorsiissutitut kiisalu pilersuineri ajutoornernik pinaveersimatitsinissaq naammattumik sillimmartaarfiginissaanut atorneqassaaq.

2024-mi oqaasertaliussat ulloq 3. september 2024 ilassutitut aningaasaliissutigut akuerineqarnerineqarput, tak. IA-suliaq normu 24-1098.

Konto pingaarneq 34.01.01 Peqqissutsimut Naalackersuisoqarfik oqaasertaliussaq
Kontomi pingaarnermi uani 1.000.000 kr.-t angullugit atuinikinnerup kinguneranik ukiumut aningaasanut inatsiseqarfimmu tullermut nuussisinnaanermik Naalackersuisunik piginnaatitsissutinik kontomi pingaarnermi nutaamik oqaasertaliisoqarpoq. Nunatsinni kræftertunut ikiorsiissutit ineriartortitsinissaannut aningaasanik naapertuuttumik atuinissaq qularnaarniarlugu, atuinikinnerup malitsigisaanik aningaasanik nuussisinnaanermik Naalackersuisut toqqammaveqarnissaat qularnaarniarlugu oqaasertaliussat ilanngunneqarput. Suliassanik ingerlatsinissami atugassanik immikkut piginnaasalinnik atorfinitsitsiniarnermi ajornakusoortitsinerup suliap kinguartinneqarsinnaanera malitsigisinnaavaa.

Konto pingaarneq 72.20.10 Usinik assartuineq oqaasertaliussaq nr. 2
Kantomut pingaarnermut nutaamik oqaasertaliisoqarpoq, tassani Naalackersuisut ukiumi ataatsimi arlalinniluunniit naasorissaasutut nalunaarusiorsimasunut pisortat assartuussinernik isumaginninnerat pillugu Royal Arctic Line A/S-mik isumaqatigiissuteqarsinnaanerannik piginnaatinneqarput. Naasorissaasut inuussutissarsiumminnik attasiinnarnissamut usinik assartuineramik pinngitsuuisinnaanngimmata, oqaasertaliussat ilanngunneqarput. Nunaateqarnermi usinik assartuineq una akuersissummik isumaqatigiissummut Naalackersuisulluunniit Royal Arctic Line A/S-mik sullissinissamut isumaqatigiissutaannut ilaangilaq.

2024-mi oqaasertaliussat ulloq 31. maj 2024 ilassutitut aningaasaliinikkut akuerineqarput, tak. IA-suliap normua 24-1081. Taamaammallu oqaasertaliussap AI2025-mi ingerlateqqinnissaata qinnutiginissaa pissusissamisoorpoq.

Konto pingaarneq 73.01.12 Utertitsisarnermik aaqqissuussineq oqaasertaliussaq nr. 21

Kantomut pingaarnermut oqaasertaliussaq nutaaq nr. 21 ilanngunneqarpoq, tassani Nunalerineri, Imminut pilersornermut, Nukissiutitut Avatangiisinullu Naalackersuisoq konto pingaarnermi 73.01.12 oqaasertaliussani 1-20 immikkut akuersisinnaanermik piginnaatinneqarpoq. Utertitsisarnermik aaqqissuusami

nioqqutissani tulliuuttuni: Immiaaqqat, imeruersaatit kulisyretallit, imeruersaatit kulsyrearaqanngitsut, naatitanillu juiceliat kiisalu saftiliassat 2025-mi.

Oqaasertaliussani nr. 1-20 utertitsisarnermik aqqissuussinermi immikkut akuersisinnaanermik tunngavissaqanngilaq. Oqaasertaliussamik nr. 21-mik akuersineq sioqqullugu immikkut akuerineqarnissamik qinnuteqaataasinnaasut akuerineqarsinnaannginnera tamatuma kinguneraa.

2024-mi oqaasertaliussaq ulloq 23. januar 2024-mi ilassutitut aningaasaliissutikkut akuerineqarpoq, tak. IA-suliap normua 24-1068. Taamaammallu oqaasertaliussap AI2025-mi ingerlateqqinnissaata qinnutiginissaa pissusissamisoorpoq.

Missingersuutitut ilanngussat:

AIS2024-mut sanilliullugu AIS2025-mi aningaasaliissutitut allannguutit.


Naalakkersuisup suliassaqarfiata iluani konto pingaarnerni aningaasaliissutitut allannguutit Naalakkersuisumit nassuiaatigineqarnissaat ataatsimiititaliamit kissaatigineqarpoq.

Nassuiaateqarnermi pineqartariaqarput konto pingaarnerni aningaasaliissutitut allannguutaat akinik akissarsianillu nalinginnaasumik iluarsisuteqarnermut tunngasuunngitsut imaluunniit aningaasaliissutitut allannguutaat oqartussaaffiit allanngortinneqarnerannut taamaallaat tunngasuunngitsut.

AKISSUT:

Allannguutit annertuut matumani kisimik eqqarsaatigineqartutut paasineqarpoq. Uani nassuiaatini nalinginnaasuni kapitalit "Aningaasanut Inatsisissatut Siunnersuummi isertitassanut missingiinerit" aamma "AIS 2025-mi Aningaasanut Inatsisissatut Siunnersuummi isertitassanut missingiinerit" Naalakkersuisut inussiarnersumik innersuutissavaat, tassani akileraarutitut isertitani sillimatinilu allannguutit nassuiarneqarput. Immikkoortuni taakkunani annertuunik allannguuteqartoqarpoq.

Inussiarnersumik inuulluaqqusillunga



Erik Jensen



Inatsisartut Aningaasaqarnermut Akileraartarnermullu Ataatsimiititaliaat

2025-mut Aningaasanut Inatsisissatut siunnersuut pillugu Inatsisartut Aningaasaqarnermut Akileraartarnermullu Ataatsimiititaliaata apeqqutaasa akineqarnerat

05-11-2024
Suliap normua: 2024-4508
ID. nr.: 94634744

Inatsisartut Aningaasaqarnermut Akileraartarnermullu Ataatsimiititaliaat Royal Arctic Line-mut aamma Arctic Umiaq Line-mut tunngatillugu 2025-mut Aningaasanut Inatsisissatut Siunnersuummut apeqqutinik Ineqarnermut Attaveqaasersuutinullu Naalakkersuisumut nassiusaqarsimavoq. Ingerlatseqatigiiffiit taakkua marluk uanga oqartussaaffeqarfinnut ilaapput, taamaammallu apeqqutit uannut akisassanngorlugit nassiunneqarsimallutik. Apeqqutigineqartut tullinnguuttuni taaneqaqqipput, kingornagullu akissuteqarfigineqarlutik.

Postboks 909
3900 Nuuk
Oqa.: (+299) 34 50 00
E-mail: box909@nanoq.gl
www.naalakkersuisut.gl

Royal Arctic Line pillugu paasissutissat eqqarsaatigalugit ataatsimiititaliaq ima oqaaseqaatissaqarlunilu apeqqutissaqarpoq:

1. Arctic Umiaq Linep inissisimanerata pingaarnerusutigut sukumiisumik nassuiaatigineqarnissaa ataatsimiititaliamit kissaatigineqarpoq

AKISSUT: Arctic Umiaq Line A/S (AUL) 2024-mi 18,1 mio. kr.-nini ajortunik angusaqassasoq naatsorsuutaavoq. AUL Royal Arctic Line A/S-imit (RAL) 100%-imik pigineqarpoq, RAL-illu 2024-imi angusarineqartut ajortut akilertussaavai. Periusissiaq takornariaqarnermut sammititaq AUL-ip angallassisarnissamut pilersaarut nutaaq atorlugu atulersimasaa ilaasuni malunnartumik ikileriarnernik, taamaasillunilu AUL-imut kaaviiaartitani appariarnernik, kinguneqarsimavoq.

AUL sapaatit akunnerini marlunni kaaviiaartumik angalanissamut pilersaarut ulloq 13. juli 2023 Ineqarnermut Attaveqaasersuutinullu Naalakkersuisumut kiisalu Sanaartornermut Ataatsimiititaliamut aamma Aningaasaqarnermut Akileraartarnermullu Ataatsimiititaliamut saqqummiuppa. Saqqummiussinerup kingorna angalanissamut pilersaarut siunnersuutigineqartoq akerlilerneqanngilaq.

Periusissiami takornariaqarnermut sammititami kitaata siusinnerusukkat sapaatip akunneranut ataasiarluni angallassivigisarnernanut taarsiullugu sapaatip akunneri allortarlugit sivisunerusumik angallassivigisarnissaa kiisalu takornariat pissarsiarisinnaanarlugit Sarfaq Ittumi sinittarfiit toqqakkat allannngortiternissaat ilaatinneqarput. Periusissiaq tamatuma saniatigut ilaatigut Hurtigruten, Norway-mik, suleqatigiinnissamik isumaqatigiissummik imaqarpoq, isumaqatigiissutigineqartorlu naammaginarsimannngilaq, taamaammallu atorunnaartariaqarsimalluni.

2024-miit ilaasorineqartussanut tunngavigineqartoq annaaneqartoq angallassisarnissamut pilersaarut sapaatip akunneranut kaajallaasarnissamut

allanngortillugu angumerineqarsinnaagaluarpalluunniit AUL-ip 2025-mi 9,9 mio. kr.-
nirik ajortumik angusaqarnissaa naatsorsuutigineqarpoq. AUL-ip taamaalilluni
siusinnerusukkut suliffeqarfiup periusissiaanut uteqqinnissaa naatsorsuutaavoq,
tassani kitaata sineriaani innuttaasut maani najugallit aalajaatsumik
angallattarnissaasa qulakkeernissaat qitiutinneqartussaalluni.

Naalakkersuisut siunissami kiffartuussinissamik isumaqatigiissusiornissamut
periarfissaat qulakkeerniarlugit aningaasanut inatsisissatut siunnersuutip
suliarinerani oqaasertaliussamik ilanngussisoqassasoq siunnersuutigineqarpoq,
tassani AUL ukiumut aningaasanut inatsiseqarfiusumut 2025-mut tunngatillugu 15
mio. kr.-nit angullugit amigartoornissamut qularnaveeqquserneqartussaalluni.

**1.1. Arctic Umiaq Linep ingerlatai aammalu Air Greenlandip ingerlatai
kiffartuussinissamik isumaqatigiissuteqarfiusut imminnut
taputartuuffeqarpat?**

AKISSUT:

Piffiit ilaanni piffissat ilaanni kiffartuussinissamik isumaqatigiissutini AUL
aamma Air Greenland-imeersuni qaleriiaattoqartarpoq. Taamatut
qaleriiaattoqartarnera AUL ukiuunerani angallassineq ajormat aasaanerani
pikkajunnerusarpoq.

Taamatut massakut qaleriiaattoqarnera angallassinissamut pilersaarutip
nutaap atulerneratigut malunnartumik annikillinissaa naatsorsuutigineqassaaq,
suliarlu taanna novembarip qaammataani Naalakkersuisunit suliarineqassaaq.

Inussiarnersumik inuulluaqqusillunga



Erik Jensen



Inatsisartut Aningaasaqarnermut Akileraartarnermullu Ataatsimiititaliaat

2025-mut Aningaasanut Inatsisissatut siunnersuut pillugu Inatsisartut Aningaasaqarnermut Akileraartarnermullu Ataatsimiititaliaata apequtaasa akineqarnerat

05-11-2024
Suliap normua: 2024-4508
ID. nr.: 94604023

Inatsisartut Aningaasaqarnermut Akileraartarnermullu Ataatsimiititaliaat 2025-mut Aningaasanut Inatsisissatut siunnersuummut apeqqutinik nassiussaqaarsimavoq. Apeqqutigineqartut tullinnguuttuni taaqqinneqarput akissuteqarfigineqarlutillu.

Postboks 909
3900 Nuuk
Oqa.: (+299) 34 50 00
E-mail: box909@nanoq.gl
www.naalakkersuisut.gl

Ingerlatseqatigiiffinni Namminersorlutik Oqartussanit pigineqartuni annerpaani ineriartorneq

Ingerlatseqatigiiffinnut Namminersorlutik Oqartussanit pigineqartunut piginnittuunermut periusissiassamut tunngatillugu ataatsimiititaliaq makkuninnga taarusutaqarlunilu apeqqutissaqarpoq:

Tusass pillugu paasissutissiissutinut ataatsimiititaliaq ima oqaaseqaatissaqarlunilu apeqqutissaqarpoq:

- Ingerlatseqatigiiffiup pitsaasumik angusaqaarsimanera aammalu ingerlatseqatigiiffiit sinnerinut sanilliullugu ingerlatseqatigiiffiup kisitsisaataasa pingaernerit pitsaanagerusutut isikkoqarnerat ataatsimiititaliamit nuannaarutigineqarpoq. Kiisalu ingerlatseqatigiiffiup akiitsui ernialersukkat minusimiinnerat ataatsimiititaliamit maluginiarneqarpoq. Ataatsimiititaliamilli aamma maluginiarneqarpoq nammineq taama annertutigisumik anin gaasalersuineq ingerlaannartussatut naatsorsuutigineqanngimmat, tassa attaveqaasersuutinut aningaasalersuutissat pilersaarutaasut avataanit aningaasaliisoqarnissanik pisariaqartitsiffiusussatut naatsorsuutigineqarmata.**

- 1.1. Attaveqaasersuutinut aningaasalersuinerit qanoq ittut ingerlatseqatigiiffimmit pilersaarutigineqarnerat pillugu ilisimatinneqarnissaq ataatsimiititaliamit kissaatigineqarpoq. Tamatuma peqatigisaanik imaani kabelinut tunngatillugu upalungaarsimanermi pissutsit qanoq innerat pillugu ilisimatinneqarnissaq ataatsimiititaliap kissaatigaa.**

AKISSUT:

Akissuteqarniarluta paasissutissanik Tusass A/S-imeersunik pissarsiniarsimavugut, taakkualu imatut paasissutissiipput:

"Attaveqaasersuutinut aningaasaliinerit

Tusass piffissamut 2025-2028-mut suliffeqarfimmut periusissiassamik suliaqarluni maanna naammassingajalerpoq. Tassunga atatillugu ilaatigut Qaqortumiit Aasiannut søkabelip taartissaanut aningaasaliinissarput

naatsorsuutigaarput, taannalu Ilulissanut anngulluni tallilernerqartussaavoq. Aningaasaliisoqarniarpat EU-mit tapiissuteqartoqarnissaa pisariaqartinneqarpoq, tassami Tusass aningaasanut tamarmiusunut 1 mia. kr.-nit missaannut missingerneqartunut nammineerluni aningaasaliisinnaassanngilaq. Søkabeli 2026-2027-mi atulertussatut pilersaarutaasimagaluarpoq. Tamatuma saniatigut 2025-2026-mi Nuummi paasissutissanut sullissivimmik sanasoqarnissaa pilersaarutaavoq, tassanilu nammineerluta missingersuutitut killissarititatta iluini entreprenørimik nassaarnissarput piumasarineqarpoq.

Søkabelimut upalungaarsimaneq

Tusass søkabelip sunnertiasuuneranut tunngatillugu Sermitisaq.ag-mi kingullermik ullormi 3. oktober paasissutissiisimavoq - Attaveqatikkut attaveqarnerup qulakkeernissaanut suliniutissaq nutaaq (sermitsiaq.ag). Atlantikup avannarpasissuani sensorimik tunngaveqarluni søkabelimik nutaamik aammalu nuna tamakkerlugu kabelimut taartissamik atuilernikkut sunnertiasuunerup suunnginnerulernissaa anguniarlugu aningaasaliisarnissat annertuut pisariaqartinneqartussaapput. Tusass kabelinut taakkununga nammineerluni aningaasalersuinissamut periarfissaqanngilaq, taamaammallu Illersornissaq pillugu Isumaqatigiissut aqqutigalugu søkabelimut Atlantikup avannarpasissuatigoortumut nutaamut kiisalu siuliani taaneqareersutut EU aqqutigalugu nuna tamakkerlugu kabelissamut aningaasaliisoqarnissaa qinnutigaarput.

Tusass-ip ilanngullugu paasissutissiisutigisinnaavaa suliffeqarfik tassanngaannartumik upalungaarsimasoqartarnissaanut ajornartoornernullu aqutsisoqartarnissaanut siulersuisunit akuerineqartumik pilersaaruteqarmat. Søkabelimi kukkunernik pisoqalissagaluarpat attaveqarnerit radiokædit imaluunniit satellitit atorlugit ingerlanneqartariaqartussaassapput. Taamatut pisoqarnerani attaveqarnernut mikinerujussuarnut inissaqartartussaavoq, tamatumalu kingunerisussaassavaa Tusass-ip attaveqarnernik pingaarnersiuisassamat, matumani sullissinernut inuiaqatigiinnut pingaaruteqarnerpaatut isigineqartut aammalu pisisartut inuussutissarsiutillit pingaarnersiuinernut pisisimasut aallartiffigalugit."

1.2. Illoqarfinnut mikinerusunut siunissami kiffartuussinissamik neqeroorutitut tunngasut ataatsimut isigalugu qanoq ippat? AKISSUT:

Akissuteqarniarluta paasissutissanik Tusass A/S-imeersunik pissarsiniarsimavugut, taakkualu imatut paasissutissiipput:

"Illoqarfinni mikinerusuni kiffartuussisarnermut neqeroorutigisartakkatta pitsanngartinnissaat sulissutigiuassavarput, ilaatigut radiokædit ukiuni tulliuuttuni 3-ni qaffassarnerisigut. Pisinnaasat qanoq periarfissiitiginerat apeqqutaalluni sukkassuseq annertusaaffigissavarput, tassungalu peqatigitillugu suleqatigisassatsinnik nutaanik - soorlu Starlink-imik - pilersitsiniarluta sulivugut. Suleqatigisat tamakku inoqarfinni mikinerusuni innuttanut sukkassutsinik qangaanerusumiit sukkanerujussuarnik angusaqarnissamut periarfissiisagunarput. Inoqarfinni mikinerusuni pisisartut kiffartuussinernik aalajaatsunik misigisaqartarnissaat ataatsimut qulakkeerniagaraarput,

tamakkulu Tusass-ip pitsaassutsit sukkassutsillu pillugit anguniagaanut tulluartuussapput. ”

Kalaallit Airports Holding A/S pillugu paasissutissat eqqarsaatigalugit ataatsimiititaliaq ima oqaaseqaatissaqarlunilu apeqqutissaqarpoq:

2. Qaqortumi mittarfimmut aqut qullilersugaanngitsoq Qaqortumi missingersuutit pillugit isumasioqatigiinnermi ataatsimiititaliaq ilisimatinneqarpoq. Tamatumunnga suna pissutaava?

AKISSUT:

Akissuteqarnissamut paasissutissanik Greenland Airports A/S-imeersunik pissarsiniartoqarsimavoq, taakkualu imatut paasissutissiipput:

”Nuummi, Ilulissani Qaqortumilu mittarfiliortiternerni pingasuusuni tamani aqqusinernut qaammaqqusersuisoqarsimannngilaq, tamannalu suliniummut ilaasimagaluarpog. Aqqusinernik qaammaqqusersuineq Nuup mittarfianut pilersinneqartoq kommunimit aningaasalersugaavoq, taamaasillunilu suliniummiit aningaasalersorneqarsimanani.”

2.1. Mittarfeqarfiit A/S-imut tunngatillugu mittarfiit aammalu qulimiguulinnut mittarfiit sorliit Mittarfeqarfiit 42,4 mio. kr.-inik sinneqartooruteqarnerannut peqataaqataanersut sorliillu peqataaqataaanginnerut paasissutissiissutigineqassasoq ataatsimiititaliaq kissaatigineqarpoq?

AKISSUT:

Akissuteqarnissamut paasissutissanik Greenland Airports A/S-imeersunik pissarsiniartoqarsimavoq, taakkualu imatut paasissutissiipput:

”Mittarfiit ukua 2023-mi sinneqartoorfiusimapput: Kangerlussuaq, Nuuk, Ilulissat, Sisimiut aamma Narsarsuaq. Mittarfiit allat tamarmik qulimiguulinnullu miffiusartut 2023-mi amigartoorfiusimapput.”

2.2. Mittarfinnik aaqqissuussinerup nutaap ilaasunik nalinginnaasumik kiffartuussinerup suliassanillu isumaginninnerup annertunerulerneranik kinguneqarsinnaanera Naalakkersuisunit qanoq naatsorsuuteqarfigineqarpa. Tassunga atatillugu minnerunngitsumik piffiit kiffartuussinissamik isumaqatigiissuteqarfiusut tikinneqartarnerisa pitsanngornera aamma ilanngullugu ilaasunik angallassinermik suliassap ataatsimut isigalugu pitsanngoriartinneqarneranut peqataaqataasussamik aningaasaleeqqittoqarnissaa naatsorsuutigineqarsinnaava?

AKISSUT:

Akissuteqarnissamut paasissutissanik Greenland Airports A/S-imeersunik pissarsiniartoqarsimavoq, taakkualu imatut paasissutissiipput:

”2023-mi Mittarfeqarfiit A/S ilaasut ataatsimut 11%-imik amerlisimanerat tunngavigalugu 42,4 mio.kr.-inik sinneqartooruteqarsimavoq. 2024-mi Greenland Airports Regional A/S-ip aamma sinneqartooruteqarnissaa naatsorsuutaavoq, taamaattoq suunnginnerusumik .”

Greenland Airports Regional A/S siunissami sinneqartoortassappat ilaasut qanoq amerlatiginissaat apeqqutaasussaassaaq. Namminersorlutik Oqartussat ingerlatseqatigiiffiullu akornanni Kiffartuussinissamik Isumaqatigiissummi naatsorsuutaasut avataatigut

sinneqartoortoqassagaluarpat sinneqartoornert ingerlatseqatigiiffik aqqutigalugu attaveqaasersuutini pitsanngorsaaniissanut atorneqarsinnaassapput imaluunniit Kiffartuussinissamik Isumaqqatigiisummi § 7.3 naapertorlugu suliarineqarsinnaassallutik.”

Tamatuma saniatigut ilaasunik assartuisarnermut kiffartuussisarnermi pitsanngorsaataasussat pillugit Ineqarnermut Attaveqaasersuutinullu Naalakkersuisoqarfik Greenland Airports A/S-imik kiisalu kiffartuussinissamik isumaqqatigiisummi sullissisartunik kommuninillu oqaloqateqartuarpoq, tamakkulu massakut aningaasaliissutinut tunngavikkut killissarititat iluaniissapput. Tamannalu Air Greenland-imik tapersiissutaasumik isumaqqatigiisummik inerneqarsimavoq, tassalu imaatigut angallassisoqarsinnaatinnagu. Tamatuma saniatigut decembarimi attaveqaasersuutit pillugit isumasioqqatigiisitsinissaq piareersarneqaleruttorpoq, taannalu kiffartuussinissamik isumaqqatigiisutinut suliaasaqarfimmut paasissutissanik tunniussiffiusaaq.

Royal Arctic Line pillugu paasissutissat eqqarsaatigalugit ataatsimiititaliaq ima oqaaseqaatissaqarlunilu apeqqtissaqarpoq:

3. Arctic Umiaq Linep inissisimanerata pingaarnerusutigut sukumiisumik nassuiaatigineqarnissaa ataatsimiititaliamit kissaatigineqarpoq

AKISSUT:

Royal Arctic Line aamma Arctic Umiaq Line Aningaasaqarnermut Akileraartarnermullu Naalakkersuisup oqartussaaffittut suliaasaqarfianut ilaasuummata apeqqtigineqartut naalakkersuisoqarfimmut tassunga nassiunneqarsimapput.

3.1. Arctic Umiaq Linep ingerlatai aammalu Air Greenlandip ingerlatai kiffartuussinissamik isumaqqatigiisuteqarfiusut imminnut taputartuuffeqarpat?

AKISSUT:

Royal Arctic Line aamma Arctic Umiaq Line Aningaasaqarnermut Akileraartarnermullu Naalakkersuisup oqartussaaffittut suliaasaqarfianut ilaasuummata apeqqtigineqartut naalakkersuisoqarfimmut tassunga nassiunneqarsimapput.

Air Greenland pillugu paasissutissat eqqarsaatigalugit ataatsimiititaliaq ima oqaaseqaatissaqarlunilu apeqqtissaqarpoq:

4. Ataatsimiititaliap Savalimmiunut paasisassarsiorluni angalanerani oqaatigineqarpoq SAS-ip unammillernera Atlantic Airwaysimut iluaqutaasooq. Mittarfiit nutaat atuutileranni unammillerneqarnissaq Air Greenlandimit qanoq piareersarfigineqarpat?

AKISSUT:

Akissuteqarniarluta paasissutissanik Air Greenland A/S-imeersunik pissarsiniarsimavugut, taakkualu imatut paasissutissiipput:

”Air Greenland siuliani apeqqtigineqartunut tunngatillugu Atlantic Airways CEO, Jóhanna á Bergi-mut attaveqarsimavoq. Arnep taassuma ersarilluinnartumik

oqaatigivaa SAS-ip niuerfennut ilaalersimanera Atlantic Airways-imut arlaatigut iluaqutaasimannngimmat. Arnaq taanna isumaqarpoq SAS-ip sullissinerpaaffinniinnaq timmisartuussisarnermi "cherry picking"-mik sanasimasoq. Tamanna aasaanerani akinut Atlantic Airways-imut tatisimannilerpoq, tamannalu ukiuunerani akinik allatut ajornartumik qaffaasariaqarnernik kinguneqartarpoq, tamannalu Savalimmiuni atuisartut akilertussaavaat. Tassunga atatillugu erseqqissarneqassaaq Atlantic Airways aamma SAS interline-mut aamma codeshare-mut tunngatillugu iluminni isumaqatigiissusiorsimannngimmata.¹

Aasaanerani unammilleqatigiinneq akinut tunngatillugu annerusumik unammilleqatigiinnermik pilersitsinissaa ilimagineqarsinnaavoq aasaanerani atuisuni akinik akikinnerusunik kinguneqartumik. Allatut oqaatigalugu annerusumik unammilleqatigiittoqarnera atuisunut akinik appasinnerusunik kinguneqarsinnaassaaq, naak aasaanerani ilaasut ikinneruneranni akit qaffasinnerusinnaassagaluartut.

*Tamatuma saniatigut Air Greenland paasissutissiivoq:
"Air Greenland Kalaallit Nunaanni mittarfissat nutaat ammariarpata naatsorsuutigisamik unammilleqatigiinnissaaq piareersimaffiginiarlugu periusissiatigut pitsanngorsaatissanik arlalinnik aallartitsisimavoq. Tamatuma saniatigut timmisartuutit tamarmiusut nutarteriffiginissaat, LEAN-ip atulernissaa, akunnittarfiit pisinnaasaasa allilernissaasa qitiutinnissaat, niuerutigalugu aaqqissuussineq nutaaq, sulisut sungiusartarnissaat qaffassartarnissaallu, isumaqatigiissutissanik suliaqartarnissaaq aamma nukit allallu pitsaanagerusumik atortarnissaat taaneqarput. Naggasiutigalugulu assersuutigalugu SAR-ip, Illersornissaqarfiup suliassaasa il.il. iluini allatut nutaatullu isertitaqarnissamut periarfissat nutaat immikkut isiginiarneqarput."²*

Aningaasanut inatsisissatut siunnersuummi nalinginnaasumik nassuiaatit ataanni attassiinnarnissamut ineriartortitsinissamullu pilersaarut II-mi malitseqartitsineq Aaqqissuusseqqinnissamut sammivik 3-mut. Pisortat immikkoortuanni siunissamut qularnaarinninneq pillugu ataatsimiititaliaq ima oqaaseqaatissaqarlunilu apequtissaqarpoq:

- 5. Inissianik imminut pilersornissap siuarsarneqarnissaanik kissaammut tunngatillugu innuttaasut taarsigassarsinissamut periarfissaannik ataatsimut isigalugu pitsaanagerusunik pilersitsiniarnermi Naalakkersuisut qanoq iliuuseqarsinnaanersut paasissutissiissutigineqassasoq ataatsimiititaliamit kissaatigineqarpoq. Assersuutigalugu innuttaasut akunnattunik isertitalit kiisalu ilinniakkaminnik naammassinneqqammersut taarsigassarseriaatsinik ullumikkornit amerlanerusunik neqeroorfigineqarsinnaaqqullugit taarsigassarsilluni aningaasalersuisarnermik suliassaqarfiup iluani iliuuseqarnissamut Naalakkersuisut qanoq periarfissaqarpat?**

¹ Interline-mi aamma Codeshare-mi isumaqatigiissutit pineqarput, taakkunani timmisartuutleqatigiiffiit namminneq aallartarfimmini ilaassutissanik ataqatigiissunik tuniniaasarnissaminnut kiisalu timmisartunik ataqatigiissaarisarnissaminnut periarfissinneqarput.

² Suleqatigiiffimmi suleriaatsit tamakkiisunngortinnissaannut peruserineqartut.

AKISSUT:

Inissianut aaqqissuusseqqinnermut sulinermi inissianut suliassaqaqfimmi oqimaaqatigiinnerup pilersinnissaa innuttaasullu sapinngisamik amerlanerpaat siunissami inissiatigut imminnut pilersorsinnaalernissaat inissiamillu nammineerlutik pigisaqalernissaasa anguniarnissaat siunertarineqarpoq.

Iluamik oqaatigissagaanni 2024-mi ukiakkut ataatsimiinnermi Naalackersuisut inissianut aningaasaliisarnernut aaqqissuussinerni pioreersuni naleqqussaanissanik arlalinnik saqqummiisimapput (immikkoortut 43, 44, 45 aamma 46). Naleqqussaanerni innuttaasut aaqqissuussinernik atuisarnerisa pitsanngorsaaffignissaat kiisalu allaffissornerup oqinnerulernissaa siunertaavoq.

Ullumikkut Namminersorlutik Oqartussat kommunillu nunatsinni inissiat amerlanerpaartaannik piginnittuupput. Attartortut inissiaminnik attartortittakkamik nammineq pigisatut imaluunniit piginneqatigiilluni inissiatut tigonissaannut periarfissaasa pitsanngortinnerisigut pisortat inissiaataasa tamarmiusut ikinnerulernissaannut Naalackersuisut siullertut alloriarsimapput.

Periarfissap taassuma attartortunut pilerinarnerulernissaa anguniarlugu attartortumiit piginnittunngornissamut aaqqissuussinermut allannguutissatut siunnersuutikkut attartortooreersunut tunngatillugu pisinermi akigitinneqartumi 20 %-imik appaasoqarpoq, inoqarfinnilu mikinerusuni taarsigassarsisitsisarfinnut taarsigassarsinissamut periarfissaqaqngitsuni 30 %-imik appartitsisoqarsimalluni. Inoqarfinni taakkunani ullumikkut akigititamut 40%-iusumut taarsiullugu akigititap 50%-ianut pisortanit taarsigassarsinissamut assinganik periarfissaqaqarnissaa allannguutissatut siunnersuutip kingunerisussaassavaa.

Naalackersuisut inuusuttunut siullermeerlutik pisisunut inissianut niuerfinnut ajornannginnerusumik isersinnaanerup ajornannginnerulernissaanut isumaqataapput. Inuusuttut periarfissaat pitsanngortissinnaaniarlugit inuusuttut 30-t ataallugit ukiullit namminerisaminnik ineqaqngitsut inissiamillu allanngortitikkamik inoqaqngitsumik tuniniarneqartumik pisinissamik kissaatillit taamaattumik pisinerminni attartortunut pioreersunut assersuunneqarsinnaanissaat attartortumiit piginnittunngornissamut aaqqissuussinermi nutaami (UPA2024/43) siunnersuutigineqarpoq. Taamaaliornikkut inuusuttut akigitinneqartumi assinganik appaaffigineqarsinnaassapput. Tamanna inuusuttunut siullermeerlutik inissiaminnik siullermik pisisisussanut ajornannginnerulersitsissasoq Naalackersuisut neriuutigaat.

Inissianut aningaasalersuinissamut pisortanit aaqqissuussinerit arlallit innuttaasut nammineerlutik inissiassaminnik pisinarnissamut atorsinnaasaat nunatsinnilu kommuninit aqunneqartoq nassaassaareerput. Aaqqissuussinerilli tamarmik ukiumoortumik ataatsimoortumik tapiissutit aqutugalugit aningaasanik immikkoortitsiffiusut eqqarsaataasullu atorneqarneq ajornerat unammilligassaavoq.

Innuttaasut tamarmik aaqqissuussinermik ilisimasaqarneq ajornerat imaluunniit tamakku atornissaannut ilisimasaqarneq ajornerat Ineqarnermut Attaveqaasersuutinullu Naalackersuisoqaqfimmum misiginartarpoq. Taamaattoqarmallu kommunit suleqatigalugit aaqqissuussinerit pillugit paasisutissat pitsanngortinniarnissaannut Naalackersuisut alloriarniarput.

- 6. Inissiat attartortittakkat innuttaasunut akissakinnerusunut atugassanngortinneqarsinnaasut aammalu innuttaasut taakku aningaasaqarnerannut naleqqussakkat amerlisinneqarnissaannut Naalackersuisut qanoq periarfissaqarsoraat?**

AKISSUT:

Ineqarnermut aqqissuusseqqinneq pillugu politikikkut isumaqatigiissutaasoq naapertorlugu innuttaasut inissiatigut imminnut pilersorsinnaasut annerusumik imminnut inissiatigut pilersorsinnaalernissaat Naalakkersuisut aallaavigisussaavaat. Pisortat inissiaataat tassunga atatillugu pisariaqartitsinerpaaffiusunut tunngatillugu aammalu innuttaasunut arlaatigut pissuteqarlutik niuerfiit namminersortut aqutugalugit inissiatigut imminnut pilersorsinnaanngitsunut tunngatillugu pingaartinneqassapput. Apeqqut 5-imut akissut aamma takuuk.

Nunatsinni kommunit Inissianik attartortarnerit pillugit Inatsisartut peqqussutaanni § 5, litra 8 naapertorlugu inissianik isumaginninnermut siunertanut atorneqartussanik innersuussisinnaapput. Inissiat qassit siunertamut tassunga immikkoortinneqassanersut kommunalbestyrelsip nammineerluni aalajangissavaa.

Naalakkersuisut Namminersorlutik Oqartussat inissiaataasa ilaasa innuttanut aalajangersimasunut immikkut ittunut immikkoortinneqarnissaat pillugu massakkorpiaq tigussaasunik pilersaaruteqanngillat. Tamannali periarfissaavoq Naalakkersuisut attartortarnermut inatsisip nutaap suliarinissaanut atatillugu politikikkut isumaqatigiissutissaq pillugu isumaqatigiinniarnermi oqaluserisassanngortissinnaasaat, tassanilu Namminersorlutik Oqartussat inissiaataat kommunillu inissiaataat inoqanngitsut tunniuttarnissaannut malittarisassat sukumiinerusut aalajangersarneqarsinnaassallutik. Naalakkersuisut taamatut immikkoortitsisoqarsinnaaneranut akornutissanik takusaqarsinnaanngillat, tassalu tamanna politikikkut kissaataasimappat.

Naalakkersuisulli innuttaasut akiliisinnaassuseqarnerat tunngavigalugu ineqarnermut akiliutip aalajangersaaffiginissaanut mianersoqqusissapput, tassami tamanna unammilligassanik ullumikkut takusakkatsinnik taakkuninnga pilersitsisussaavoq aserfallatsaaliuisarnermut amigaateqarnerujussuarmik kinguneqartumik. Naalakkersuisut inissianut attartortittakkanut suliasaqarfimmut tapiisarnerit tapiissuteqarnerillu inissiat tapiiffigisarnerannut aqqissuussineq aqutugalugu tunniunneqartarnissaat tulluarnerusutut isigivaat, matumani aningaasat innuttaasunut politikikkut ikiorusunneqartunut tunniuttarnissaat qulakkeerumallugu.

7. Sanaartornermik akit ataatsimut isigalugu qaffakkiartortut pisortat aammalu namminersortut inissiaataanni attartortittakkani kiisalu nammineq inissiatigisani ineqarnermut aningaasartuutit qaffakkiartornissaannik nassataqarnissaat ataatsimiititaliamit naatsorsuutigineqarpoq.

a) Ineqarnermut akiliutit inuuniarnikkut naligiinngitsumik eqqueqqunagit Naalakkersuisut qanoq isumaliuteqarpat?

AKISSUT:

Naalakkersuisut nunatsinni sanaartornermi akini ineriartornermut tassanilu akit inissianut aningaasartuutit pingaaruteqassusaannut malinnaajuarput.

Naalakkersuisut nammineerlutik inissianut suliniutaanni sanaartortitsineq ajornanngitsoq attanneqarsinnaasorlu pilersinniarlugu suliamik ingerlatsisoqarpoq, taannalu atorlugu sanaartorneq ajornannginnerulissaaq aserfallatsaaliuinissarlu aningaasatigut oqinnerulissalluni. Tassungalu atatillugu inissiat angissusaat pillugu sulisoqarpoq, tamannami ineqarnermut akiliummut pingaaruteqarpoq.

Naalakkersuisut kommunit aamma sanaartortitsisut namminersortut assinganik ilioqqullugit kaammattuinnarsinnaavaat.

Innuttaasunut aningaasarsiakinnerusunut tunngatillugu inissianut aningaasartuutit qaffasissut sunniutissaat minnerpaaffianiitinniarlugit inissianut tapiissutitut aqqissuussinerup atorreqareersup naleqqussarnissaanut Naalakkersuisut pilersaaruteqarput. Naalakkersuisut inissianut attartortittakkanut suliassaqarfimmi tapiissutit tapiisarnerillu inissianut tapiissuteqartarnermut aqqissuussineq aqputigalugu tunniunneqartarnissaat aallaavigisussaavaat, matumani aningaasat inuttaasunut pisariaqartitsinerpaanut tunniuttarnissaat qulakkeerniarlugu.

b) Innuttaasut inissianik imminnut pilersornerulernissaannik kissaateqarnermut tunngatillugu Naalakkersuisut qanoq isumaliuteqarpat?

AKISSUT:

Apeqput 5-p akineqarnera innersuussutigineqarpoq.

8. Iluarsaanissamik annertooujussuarmik pisariaqartitsinermut ineqarnermut akiliutit qaffasissusiisa suli tatineqarnerannik nassataqarsinnaasumut sanilliullugu ineqarnermut akiliutit qaffakkaluttuinnartut Naalakkersuisunit iliuuseqarfigineqarnissaannut ineqarnermut tapiissutit qanoq ilaatinneqarnersut paasissutissiissutigineqassasoq ataatsimiitita liamit kissaatigineqarpoq?

AKISSUT:

Kommunit namminersortullu inissiaataanni attartortittakkani attartortut ineqarnermut tapiissutitut aningaasartuutit atorlugit aalajangersarneqartuni ilaatinneqarput. Namminersorlutik Oqartussat inissiaataanni attartortittakkani ineqarnermut akiliutit 2027-miit naleqqussaaffigilerneratigut ineqarnermut akiliutit siunissami aamma aningaasartuutit tunngavigalugit aalajangerneqartussanngussaaq.

Namminersorlutik Oqartussat inissiaataanni tamarmiusuni ineqarnermut akiliutit naleqqussaaffiginissaata sularinissaanut atatillugu massakut ineqarnermut akiliummut tapiisarnermut aqqissuussinermi naleqqussaansap sularineqarnissaa inissianut aqqissuusseqqinnissaq pillugu politikikkut isumaqatigiisummi aamma takuneqarsinnaavoq.

Inissianut tapiisarnermut aqqissuussinerup naleqqussarnissaani inissianut attartortittakkanut suliassaqarfimmi tapiisarnerit tapiissutigineqartartullu inuttaasunut pisariaqartitsinerpaanut pingaarnersiortarnissaat qulakkeerniarneqarpoq. Inissianut tapiissuteqartarnermut aqqissuussinerup naleqqussarneratigut attartortut tamarmik aningaasaateqarpiangitsut ilanngunneqassapput. Tassalu matumani Namminersorlutik Oqartussat inissiaataanni attartortut, Namminersorlutik Oqartussat imaluunniit kommunit inissiaatileqatigiiffittut pigisaanni aammalu namminersortut inissiaataanni attartortut pineqarput.

9. Inissaaleqisunik iluaquteqarniartartut illuutillu aqputigalugit iluanaarniapiluttartut ataatsimiititaliamit tikinneqarput. Tamanna pillugu paasissutissinneqarnissaq ataatsimiititaliamit soqutigineqarpoq, tassungalu ilanngullugu inuit inatsisunik maleruagassanillu atuuttunik atorluanaanermikkut saneqqutsinermikkulluunniit inissianik illunillu tunisinerminni attar tortitsinerminnilu annertooujussuarnik isertitaqartarnerat Naalakkersuisunit ilisimaneqarnersaq. Taamaassimappat tamatuma killilersimaarneqarnissaanut maleruagassiornissaanulluunniit Naalakkersuisut inatsisitigut qanoq periarfissaqarnersut paasissutissiissutigineqassasoq ataatsimiititaliamit kissaatigineqarpoq.

AKISSUT:

Naalakkersuisut massakkut inatsit atorneqartoq atornerlunneqarsinnaammat, inuillu ilaasa inatsimmi siunertanut akerliusumik soqutigisaqalersinnaanerit ilisimalluinnarpaat. Naalakkersuisut ataatsimiititaliaq assigalugu tamatuma pinngitsoortinnissaanut soqutigisaqarput.

Inissianut aningaasalersuisarnermut suliassaqarfimmi inatsisit erseqqissaaffiginissaannut siunnersuuteqarnissaq Naalakkersuisut suliniutaasa ilaannut ilaasimavoq, taamaasilluni inissiat pisortanit taarsigassarsiffiusut najugassatut atorneqarsinnaassammata. Tamatuma pisortat aningaasaataasa inissianik pilersuinerup annertusarnissaanut inissianik pilersuinerup ilumut annertusaaffiginissaanut tapeeqataassanersoq siunertarinqarpoq.

Naalakkersuisuttaaq attartortarnermut inatsimmik nutaamik saqqummiinissaat pilersaarutaavoq. Naalakkersuisut tassunga atatillugu pineqaatissiissutinik inissianut attartortittakkanut niuerfimmi iluanaarniarnernik killeqartitsisunik suliaqartoqassanersoq misissorniarpaat.

10. Konto pingaarnermut 20.11.51-imut, aaqqissusseqqinnerit sunniutannut tunngasumut, oqaasertaliussaq nr. 1 naapertorlugu ataasiarlutik arlaleriarlutilluunniit katillugit 1,5 mia. kr.-it tungaannut taarsigassarsinissamut Naalakkersuisut piginnaatinneqarput. Oqartussat inissaataanni attartortittakkani iluarsaanissamut pisariaqartitsinerit annertusiartuinnartut apparsariartuaarnissaat siunertaavoq. Aamma siunertaavoq Pilersaarutaasumik, Piffissakkaartumik Aserfallatsaaliinermi (danskisut naalisarlugu: PPV) aningaasanik naammattunik immikkoortitsinissamut peqataanissaq. PPV pillugu pissutsit ullumikkut qanoq ippat?

AKISSUT:

Naalakkersuisut Namminersorlutik Oqartussat inissiaataanni tamarmiusuni iluarsaasoqarnissaanut suliniutissap aningaasalersuiffiginissaanut pilersaarummik akuersissuteqarsimapput. Aningaasalersuinissamut pilersaarut akuerineqartoq atorlugu taarsigassarsinissaq pisariaqassanngilaq.

Aningaasalersuisarnissamut pilersaarummi naatsorsuutaasoq tassaavoq Namminersorlutik Oqartussat inissiaataanni attartortittakkani ineqarnermut akiliutip naleqqussaaffiginissaa, tamannalu aqqutigalugu siunissami inissianut immikkoortortaqaarfiiit sulinissaannut aningaasanik naammattunik immikkoortitsisoqartarnissaa qulakkeerlugu (**Pilersaarutaasoq, Piffikkaartooq Aserfallatsaaliorfiusoq**).

Piffissakkaartumik iluarsaasarnissanut pilersaarutaasunut ineqarnermut akiliut aqqutigalugu ullumikkut ukiumut 35 mio. kr.-nit akilernerqartarput. Piujuartitsinermik tunngaveqarluni piffissakkaartumik pilersaarutaasumik iluarsaasarnert ukiumut 150 mio. kr.-nirik akeqartussatut kingullermik nalilernerqarsimapput.

11. Inissianik sanaartornissamut aningaasaliissutinik kommunit atuinernannik aqutsinissamut nakkutilliinissamullu Naalakkersuisut qanoq periarfissaqarpat?

AKISSUT:

Kommunit inissianik sanaartornermut aningaasaliissutinik atuisarnerat Kommunit aqunneqarnerat pillugu Inatsisartut inatsisaanni toqqammaveqarpoq, tassanilu aningaasaliissutit kommunit ukiumoortumik ataatsimut tapiissutit aqqutigalugit tigusartagaat aamma ilaapput.

Inissianulli suliassaqarfimmut aningaasalersuisarnermut aaqqissuussinerup nalilersuiffiginerani 2023 aamma 2024-mi saqqummersinneqartumi

takuneqarsinnaavoq kommunit arlallit inissianik aningaasalersuisarnermut
suliassaqrarfiup iluani aningaasanik atuisarnerminnut nassuiaasinnaasimannginnerat
takuneqarsinnaavoq. Naalakkersuisut tassunga atatillugu kommunit aningaasanik
atuisarnerannut uppernarsaasarnissaq pillugu kommuninut piumasaqaatinik
sakkortunerulersitsisimapput.

Inussiamersumik inuulluaqqusillunga



Hans Peter Poulsen



Aningaasaqarnermut Akileraartarnermullu Ataatsimiititaliaq Inatsisartut

Aningaasanut Inatsisissamut siunnersuut 2025-mut Amin- gaasaqarnermut Akiuleraartarnermullu Ataatsimiititaliap apequtaanut akissuteqaat

**1. Canadami Ottawami 2027 aallarnerfigalugu sinniisoqarfimmik nutaamik pilersitsinis-
samut katillugit 3,5 mio. kr.-nit qinnutigineqarput. Canadami/Ottawami sinniisoqarnis-
sap siunertaa suunersoq paasissutissiissutigineqassasoq ataatsimiititaliamit kissaatigi-
neqarpoq. Washington D.C.-mi Kalaallit Nunaata sinniisoqarfeqarnera sooq naam-
mangila?**

Akissuteqaat: Canada qaninnertut sanilerivarput, tassanilu illugiilluta suleqatigiinnissaq peri-
arfissagissaarpoq, pingaartumik niuernikkut, angallassinikkut, takornariaqarnikkut, aalisarnik-
kut, aatsitassarsiornikkut, sanaartornermi, ilisimatusarnermi ilinniartitaanikkullu, minnerunn-
gitsumillu killeqarfinnut tunngasutigut aporfiusut anigorniarnissaannut suleqatigiinnissamut
ineriartortitsisoqarnissaanut periarfissaqarluarpoq. Oqaluttuarisaaneq eqqarsaatigalugu Inuit
akornitsinni killilersugaanngitsumik angalasinnaanikuunerup uterteqqinniarnissaa Kalaallit
Nunaannut pingaarutilittut anguniarneqarpoq.

Juni 2022-mi Ottawami persuarsiuataasumik atsiogatigiinnikkut Kalaallit Nunaata Canadallu
killeqarfiat aalajangiunneqarpoq. Killeqarfik Tartupalummi aalajangiunneqarpoq, taan-
natuaavorlu Kalaallit Nunaata nunami killeqarfituaa. Isumaqatigiissut taanna aqutigalugu Ca-
nada Kalaallit Nunaallu isumaqatigiipput killeqarfiit akimorlugit ajornaannerusumik angalasin-
naanerit misissuiffiginieqassasut.

Kalaallit Nunaata Canadamut tunngatillugu suliaqarnera aallaavittut Washington D.C.-mi Ka-
laallit Nunaata Sinniisoqarfianit ingerlanneqartarpoq, taamaattorli USA-p Kalaallit Nunaatalu
akornanni suliaqarfiit annertusiartuinnarnerat, aammalu Canadamik attaveqarneruleriartorneq
ajornakusoortitsiartuinnarput. Canadamutattaveqarneq naammaginartumik ingerlanneqangi-
laq, pingaarnertut pissutaavoq Washington D.C.-mit Ottawamut isorartuallaarnera, taamaalil-
lunilu Kalaallit Nunaata Canadallu akornanni niueqatigiinnikkut kulturikkullu attaveqatigi-
innerit annertusiartuinnarnerat ilutigalugu ajornartorsiut tamanna maanna atukkatsinnut sanil-
liullugu annertuneruleralluttuinnassaaq. Pilersitsinissamullu tunngatillugu Kalaallit Nunaata
Nunanut Allanut Isumannaatsuunissamullu periusissiaanut naleqquppoq, Canadamillu su-
leqateqarnerup maannakkornit annertunerujussuunissaanik kissaateqartoqarnikkut ilaatigut Ot-
tawami sinniisoqarfeqalernissaq kissaatigineqartunut ilaavoq. Sinniisoqarfiup pilersinneqarsin-
naanera 2028-mi pisinnaassaaq, tamannalu Kunneqarfiup Issittumi Siunnersuisooqatigiinni
2025-27-mut pisussami Kalaallit Nunaata peqataaneranut nangitsinertut oqaatigineqarsinnaas-
salluni. Ilutigaluguttaaq maluginiarneqassaaq cadadamiut Nuummi konsulatimik ammaarusun-
nini ilisimatitsissutiginikuuaa, tamannalu 2028-mi pisussatut oqariartuutigineqarnikuulluni,
paasissutissallu tamakku oqartussaalluni akiliuteqartussat eqqarsaatiminnut ilaatittariaqarpaat.

2. Assersuutigalugu niuernermik suliasaqarfik ataatsimut isigalugu tassungalu Kalaallit Nunaata avammut niuernera ilanngullugu Kinami sinniisoqarfeqarneq qanoq iluaquta-assuseqarnerisooq paasissutissiissutigineqassasoq ataatsiititaliamit kissaatigineqarpoq.

Akissuteqaat: UKA2929/201-mi oqaluuserisaqarnerminni Naalakkersuisut aammalu Inatsisartut isumaqatigiissut aalajangerput Kalaallit Nunaata Asiap Kangiani ataavartumik ungasissorlu isigalugu inissisimanissaq annertuumik pisariaqartinneqarlunilu pisariaqartinneqartoq. Misilittakkat aallaavigalugit Kinamik Japanimillu suleqateqarsinnaaneq unammillernartuusooq takuneqarsinnaavoq, Kinamiut Japanimiullu suliaqartuisa amerlasuut Kalaallit Nunaata imminut pilersortuunera ilisimasaqarfiginngimmassut, tassungalu ilutigalugu Kalaallit Nunaata namminersorlutik oqartussaaneq, taamatullu Kalaallit Nunaata toqqaannartumik oqaloqateqarsinnaanerannik piginnaaneqarnerat ilisimasaqarfiginngilaat. Taamaattumillu Asiap Kangiani Kalaallit Nunaata suliaqartunut oqartussaasunullu toqqaannartumik oqaloqarsinnaanerannut sinniisoqarfik tapertaassaaq. Aningaasaqarnikkut, niuernikkut kulturikkullu Asiamik, pingaartumik Kinamik aammali Korea Kujallermik Japanimillu attaveqarnerup siuarsarnissaanut sinniisoqarfik Kalaallit Nunaannik sullississaaq. Asiamiut Kalaallit Nunaanni aningaasaleeqataasinnaanerannut periarfissat qaammarsaatigalugillu ussasaarutiginnissat sinniisoqarfiup ulluinnarni sulinermini annertusassavaa. Avammut niueqateqarnerulernissaq sinniisoqarfiup pingaarnertut siunertarinngilaa. Tamanna siullertut suliffeqarfiit namminneq akisussaaffigaat. Taamaattorli nunatsinni suliffeqarfiit niuernikkut atugassarititaasut aammalu niuerfiit nutaat nunaliillu allanit Kalaallit Nunaanni aningaasaliisartut qanillisarnissaannut sulinermi atorfilittat ikiuuttarput.

Assersuutigalugu oktober 2023-mi Kinami sinniisoqarfiup pisortatigoortumik ammaanersiorneqarnerani, Qingdao-mi ukiumi uumasunik imarmiunik saqqummersitsiviit annersaata ingerlanneqarnerat ilutigalugu ingerlanneqarpoq, tassanilu Royal Greenland Polar Seafoodilu peqatigalugit Naalakkersuisut, kinami pisortaqaarfinni sinniisut, niueqatigisartakkat suleqatigisartakkallu peqataaffigisaannik qaaqqusipput. Kunneqarfiup Kinamut tunisassiarineqarpaasagaa siusinnerusukkut tassaasimagaluarpoq puulukip neqaa, maannakkulli aalisakkanik nioqutissiat tunineqarnerpaasarput.

Sinniisoqarfiup pisortatigoortumik ammarneqarneranut atatillugu Naalakkersuisooq niuernermut ministerip tullersortaanik Ling Ji-mik ataatsimeeqateqarpoq, tassanilu Kinamik niueqateqarnerup nukittorsarnissaanut, pingaartumillu imaanit nioqutissiaativut tunisassiarinerisa annertusinnissaannik kalaallit kissaataat pillugit kineserit naalakkersuisuinik inerititaqarfiulluurtumik kinguneqartumik oqaloqatigiittoqarluni. Aammattaaq oqariartuutigaa kineserit niuernermut ministeriaqarfiata killilersuutaanngitsumik niueqatigiissinnaaneremut periarfissat pillugit misissueqqaarnerit aallartisarnissat siunertaralugu apuussaqarumaarluni. Tassani nipit nutaarlunnaat ersersinneqarput. Siusinnerusukkut siunnersuutigisarsiamasaraluatsinnut kineserit niuernermut miisteriaqarfiat tunuarsimaarluni nalunaaruteqartarpoq, sinniisoqarfimmi ammaanikkut sulineq isiginninnerlu pitsaasup tungaanut ingerlasooq takuneqarsinnaavoq, tamannalu Beijingimi sinniisoqarfiup suliaanut ilaavoq.

Taamatuttaaq kineserit Kalaallit Nunaannut takorniarinissat anguniarlugu sinniisoqarfik ataavartumik suliaqarpoq. Taamaattumillu assersuutigalugu sinniisoqarfiup ammarneqarnera ilutigalugu takorniarititsinnermut saqqummersitsisoqarpoq. Aatsaat taamak amerlatigalutik oktober 15-at 2024 ilanngullugu kineserit takornarissat Kalaallit Nunaannukartut 3.861-iusimapput.

Sinniisoqarfiup naleqassusaa koruuninngorlugu uuttorneqarsinnaanngikkallarpoq. Naalakkersuisut politikkiat pingaartitaanullu saqqumilaartinnerannut sinniisoqarfik annertuumik sunniuteqarpoq. Suliffeqarfiit naliliinermi ataatsimut isigalugu suliamut naammagisimaa-rinnippot, taamaalilluni kalaallit suliffeqarfiisa aalisakkanik qalerualinnillu, aammalu soorlu takornariaqarnikkut tunisassiaminnik saqqumilaartinneerarat pingaarutilerujussuvoq. Biejingimi sinniisoqarfik aamma pisortatigoortumik Koreamut Kujallermut, Japanimut Singaporimullu sinniisoqarfittut ingerlavoq, taamaalillunilu suliaqarfigisaat Asia Kujataata Kangia tamakkerlugu sullillugu.

3. Indiami sinniisoqarfimmik pilersitsinissamut periarfissaq Naalakkersuisunit isumaliutigineqarsimava?

Akissuteqaat: Naamik. Taamaattorli siunissami sinniisoqarfiit inuiaqatigiinnut suliffeqarfitsinnullu annertunerpaamik iluaqutisiinnaasut ammarneqarsinnaaneri Naalakkersuisunit ataavartumik nalilersuiffigineqartarpoq.

4. Kalaallit Nunaata UK-llu niuernikkut imminnut atassuteqaqatigiinnerat pilerseqqinniarlugu Tuluit Nunaannik isumaqatigiinniarnert sumut killippat?

Akissuteqaat: 2022-miilli Naalakkersuisoqarfik, Aningaasaqarnermut Akileraartarnermullu Naalakkersuisoqarfik, Inuussutissarsiornermut, Niuernermut, Aatsitassanut, Inatsiseqarnermut Naligiisitaanermullu Naalakkersuisoqarfik suleqatigalugit UK-mik niuerneq pillugu isumaqatigiissutissamut isumaqatigiinniarnert ingerlapput. Tuluit Nunaanni naalakkersuisut Konservativinit aqunneqartunit naalakkersuisunit Labourikkunnit aqunneqartunit nikeriartoqarnerani tuluit nunaanni naalakkersuisut niuernermi isumaqatigiinniarnermi ingerlatsinerit nalilersuleruttorpaat. Brexitip malitsigisaanik Tuluit Nunaata nunanik allanik niuernikkut sinaakkusiussassanik arlalinnik pilersitseqqittussaapput. Tuluit nunaanni naalakkersuisunit nutaanut isumaqatigiissutissatut oqaloqatigiissutaasoq pillugu Naalakkersuisoq saaffiginnissuteqarpoq. Ullumikkut killiffik tassaavoq, tuluit naalakkersuisunit saqqummiussinissaq maanna Namminersorlutik Oqartussanit utaqqimaarneqarnera.

5. Isumaqatigiissutit siunertaa eqqarsaatigalugu allannngortoqarpa imaluunni ineriartortoqarpa?

Akissuteqaat: Oqaloqatigiinnerilli aallartimmata niueqatigiinnissamut isumaqatigiissut siammasinnerusumik ineriartortinneqarpoq, peqatigiinnissamut, suleqatigiinnissamut niueqatigiinnissamullu oqaloqatigiinnerulluni (qulequtaqartinneqarluni Partnership, Cooperation and Trade Agreement), illuatungeriit niueqatigiiffiusinnaasut suleqatigiiffiusinnaasullu oqaloqatigiissutigineqarlutik. Tuluit kissaateqarneratigut siammasinnerusumik oqaloqatigiinnerit aallartinneqarput. Niueqatigiinnerit nutaajunerusut peqatigiinnissamik siammasinnerusumik tunaartaqarput, tamannalu UK-mik oqaloqatigiissutigineqarpoq. Kalaallit nunaannit isumaqatigiinniartitat tuluit naalakkersuisortaavinnit isumaqatigiissutissap oqaloqatigiissutiginnissaanut, ilaatigut massakkumut naammassisaasunut allannguutissaqartoqassanersoq tusarnissaminnik utaqqimaarput.

6. Nunani pineqartuni Kalaallit Nunaata sinniisoqarfiani sinniisoqarfiit ingerlataasa angusaasalu sunniutaannik nalilersuisarnissaq piumasaqaataava?

Akissuteqaat: Sinniisoqarfiit suliaanut naammassisaanullu sunniutinik nalilersuisnissamut ulumikkut piumasaqaateqartoqanngilaq. Taamaattorli Nunanut Allanut Naalackersuisoqarfik 2024-mut sinniisoqarfiit anguniagassaannik atuutilersitsivoq. Anguniagassallu taakku tassaapput:

1. Kalaallit Nunaata soqutigisaasa saqqummilaartinnissaat
2. Aningaasaqarnikkut attaviit nukittorsarnissaat
3. Kulturikkut ilisimatusarnikkullu ataqatigiinnerit nukittorsassallugit
4. Kalaallit Nunaat imminut saqqummiutissaaq nunarsuarmioqatigiinnilu isumaqatigiissutigisavut attatiinnarlugit

Taamatutaaq UPA2024/102 aallaavigalugu sinniisoqarfiit nalilersuinissamik suliaqarnissaannik siunertalimmik Naalackersuisoqarfik pisussaaffilerneqarpoq. Nalilersuineq taanna Inatsisartut maanna katersuunneranni tunniunneqassaaq, sinniisoqarfiillu politikkikkut, kulturikkut aningaasatigullu sunniutaasa misissornissaasa saniatigut qulaani anguniagassatut sinniisoqarfinnut siunniussat suliaat pillugit nalilersuisoqassaaq.

Inussiarnersumik inuulluaqqusillunga



Vivian Motzfeldt

Naalagaaffinngornissamut Nunanullu allanut Naalackersuisoq



KunngefeBrev dato: 27-10-2024
Sagsnr. 2024 - 20601
Akt. nr. 24722053

Aningaasaqarnermut Akileraartarnermullu Ataatsimiititaliaq
Inatsisartut

Postboks 1614
3900 Nuuk

Tlf. (+299) 34 50 00

E-mail: nap@nanoq.gl
www.naalakkersuisut.gl

**2025-mut Aningaasanut Inatsissatut Siunnersuummut
oqaaseqaatit missingersuutinullu tapiliussanut
Aningaasaqarnermut Akileraartarnermullu Ataatsimiititaliaq
apeqquteqaataanut akissuteqaat**

Oqaasertaliussat

Naalakkersuisoq suliaasaqarfimmini oqaasertaliussat nutaat allannguutillu pillugit tullerriiaraluni allagaqaasiornikkut nassuiaanissaa Ataatsimiititaliaq kissaatigaa. Allannguutit imaluunnit nutaartaasut kingunerisinnaasaat pillugit allagaqaasiaq imaqaassaaq. Aammattaaq oqaasetaliussanut nassuiaasiornissaq pisariaqarpat tunngavilersorneqassaaq.

Akissuteqaat: 2025-mut Aningaasanut Inatsissamut siunnersuummi Naalagaaffinngornissamut Nunanullu Allanut Naalakkersuisoqarfimmi konto pingaarnermi 64.01.01-mi oqaaseqaataliussaqaarnissaq siunnersuutigineqarpoq. Oqaasetaliussaq ima imaqaarpoq:

”Naalagaaffinngornissamut Nunanullu Allanut Naalakkersuisoqarfimmi konto pingaarneq 64.01.01

Kontomi pingaarnermi pineqartumi atunngitsuukkat aningaasanut inatsimmut ukiumut nutaamut nuunneqarnissaannut Naalakkersuisut pisinnaatinneqarput.

Naalagaaffinngornissamut Nunanullu Allanut Naalakkersuisoqarfimmi konto pingaarnermut 64.01.01-mut naliginnaasumik nassuiaatit

Aningaasanik atunngitsuukkanik ukiumut nutaamut nuussinissamut oqaasetaliussaqaarneratigut, aningaasat atunngitsuukkat ukiumut tullermut nuunneqarsinnaanissaanut Naalakkersuisut inatsisitigut toqqammavissinneqarput, taamaalilluni Issittumi Siunnersuisooqatigiinni siulittaasuuffiup ingerlannissaanut, taamatutaaq Naalagaaffinngornissamut Immikkoortumi attaveqatigiinnermut periusissiatut suliniutip atuutilersinnissaanut aningaasat atorneqarnissaat qulakkeerneqassapput.

Oqaasertaliussanut nassuiaat nutaajuvoq.”

2025-mi Kunngearfiup Danmarkip Issittumi Siunnersuisooqatigiivini siulittaasuuffik tigussavaa, tassanilu Namminersorlutik Oqartussat qitiulluinnartumik inissisimassapput. Siulittaasuuffimmut suliat atasut Namminersorlutik Oqartussanit aquneqassapput, suliniutit aallartisarnerat, ataatsimiinnerni peqataanerit, ataatsimiinnerni aqutsinerit, ersarinnerunissamut suliat, soorlu pingaartumik ataatsimeersuarnerit Issittumut tunngasut, tassani ataatsimiinnerit Issittumi Siunnersuisooqatigiinnut immikkuullarissumik attuumassusillit akuttunngitsumik aqqissuunneqartartut il.il. ataavartumik pilersaarusiorneqartassapput. Oqaasertaliussamik ilanngussinerup Issittumi Siunnersuisooqatigiinni siulittaasuuffimik ingerlatsinissaq eqaannerulersissavaa, taamaalillunilu suliat pisussaaffiillu pitsaanagerusumik isumagineqarsinnaaneri oqinnerulersissallugu.

Inatsisartut Inatsiseqarnermut Ataatsimiititaliaata Namminersornermut Inatsimmi §21-ip atuutilersinnissaanut isumalioqatigiisitamik pilersitsinissamik Naalakkersuisut peqqaat,

tassanilu nunatta naalagaaffinngornissaa pineqarpoq. Taamatuttaaq Inatsisartut upernaakkut ataatsimiinnermi immikkoortoq 75/123, 2024 ima aalajangiussaqrput:

Namminersorneq pillugu inatsisip § 21-ata atuutsilersissinnaanera pillugu inatsisit tunngaviat pillugu nalunaarusioqqullugit, tassanilu aalajangersakkap immikkoortuisa tullerriaarnerisa ersarissarluarnissaat ilanngullugu, Naalackersuisut peqquneqarnissaannik Inatsisartut aalajangiiffigisassaattut siunnersuut. Inatsisit tunngaviat pillugu nalunaarusiornermi Inatsit tunngaviusussatut missiliut sularinninnermut ilanngullugu isiginiarneqassaaq. Kalaallit Nunaata namminiilivinnissaanut naalagaaffinngornissaanullu apeqquumi tunngaviusumik innuttaasunik taasititsinissami sinaakutissat ilanngullugit nalunaarusiami ilanngunneqassapput. Nalunaarusiaq kingusinnerpaamik Inatsisartut 2024-mi ukiaanerani ataatsimiinneranni agguanneqassaaq.

§21-mut isumalioqatigiisitaq Naalagaaffinngornissamut immikkoortortaqrarfimmit kiffartuunneqassaaq, tamatumunngali immikkoortortaqrarfik missingersuusiornikuunngilaq. Taakku saniatigut inatsit tunngaviusussatut siunnersuut pillugu attaveqaqatigiinnermut periusissiamut atuuttuulersitsinissamut aningaasartuuteqarnissaaq naatsorsuutigineqarpoq. Attaveqaqatigiinnermi periusissinami tunngaviusumik inatsisissamut paasisitsiniaalluni suliaqarnerut ingerlanneqassapput, ilaatigut nutaamik nittartagaliornikkut aammalu kommunini tallimaasuni innuttaasunik ataatsimiisitsinikkut ingerlanneqassallutik.

Naalackersuisoqrarfimmi suliassat annertuut qulaani taakkartorneqartut naalackersuisoqrarfiup kontoani pingaarnermi oqaasertalerneqarneratigut sulineq eqaannerulersinneqassaaq.

Missingersuutitut ilanngussat

Naalakkersuisut susassaqrifiini kontoni pingaarnerni aningaasaleeriaatsinut allannguutit Naalakkersuisup nassuiaassagai Ataatsimiititaliamit kissaatigineqarpoq.

Nassuiaateqarneq kontoni pingaarnerni pisariaqarpoq, tassani aningaasaleeriaatsinut allannguutit nalinginnaasumik PL-mik nalimmassaasuunngippata imaluunnt aningaasaliissutinut allannguutit suliassaqrifiit allannguuteqarsimanngippata.

Akissuteqaat: 2025-mut Aningaasanut Inatsimmut siunnersuummi Naalagaaffinngornissamut Nunanullu Allanut Naalakkersuisoqarfimmi kontomi pingaarnerni 64.01.01-mut aningaasaleeriaatsinut allannguutissatut uku ilanngunneqarput:

- a) Nunani allani sinniisoqarfimmut aningaasaliissutit qaffannerat, ukiumut 0,9 mio. kr.
- b) NATO-mut sulisut aallartitamiit aningaasartuutit qaffannerat, ukiumut 0,2 mio.
- c) Missingersuutit nalunaarsornerannut 2028-mut Ottawa Canadami sinniisoqarfimmik nutaamik pilersitsinissamut aningaasaliissutit, 3,5 mio. kr.
- d) WTO-mut tunngasut aammalu niueqatigiinnermi oqaloqatigiinnermut sullissisoq nutaaq, 1 mio. kr.
- e) Issittumi Siunnersuisoqatigiinni sulinermi suliassat annertusinerannut aningaasaliissutit, ukiumut 1,6 mio. kr.

Naalakkersuisut 2024-mi partiit Inuit Ataqtigiit, Siumut, Demokraatit Atassutillu akornanni Kalaallit Nunaata Nunanut Allanut- Sillimaniarnermut Illersornissamullu suliaqarfimmi 2024-mit 2033-mut atuuttumik isumaqatigiissuteqarput. Taamaattumik qulaani aningaasaliissutissanut qaffaassutissatut siunnersuut periusissiamut inissisimatinneqarpoq. Ataani allassimasut aningaasaliissutinut allannguinnermut itisiliinerusumik nassuiaanerupput.

Pingaarnertut nunani allani sinniisoqarfiit pillugit, aammalu pingaannginnerusutut NATO-mi sulisoq pillugu:

Tunngaviusumik nunani allani sinniisoqarfiit ingerlanneqarnerannut, sulisullu aningaasarsiaqartinneqarnerannut Namminersorlutik Oqartussat Nunanut Allanut Ministeriaqarfimmut akiliuteqartarpoq. Aningaasartuutit illumut attartornermut, allaffeqarnermut, sulisut aallartinneranut aningaasartuutit aammalu aallartitaqarfiup sinniisoqarfimmut kiffartuussineri il.il. tunngasuupput. Aningaasartuutit taakku arlallit namminersorlutik oqartussanut nunanut allanut ministeriaqarfimmit sullissinermut akigititaasunut aalajangersakkat malillugit akiliutigisarpai. Sullissinermut akigititaasut Nunanut allanut ministeriaqarfimmit aalajangersarneqartarput, tassanilu danskit ministeriaqarfii tamarmik aammalu Namminersorlutik Oqartussat Kunngeqarfiup Danmarkip aallartitaqarfianni aallartitaqarlutillu suliaqartitsisut akiliuteqartarput. Sullissinissamut akiliutaasartoq ukiut tamaasa nalimmassarneqartarpoq, tassanilu nunani pineqartuni aningaasarsiat qaffakkiartorneri akillu nikerarneri nalimmassaanerme aallaavigineqartarlutik. Kiffartuussinerme akigitinneqartut nikerarneri Namminersorlutik Oqartussat sunniuteqarfigineq ajorpai. Ukiuni kingullerni sinniisoqarfiup missingersuutaanni imaluunni Nunanut Allanut Naalakkersuisoqarfiup ataatsimut aningaasatigut sinaakkutaanni nalimmassarneqarneq ajorput, taamaallunilu sinniisoqarfiit aningaasartuuteqarneruleriartornerannut nalimmassarneqarsimanatik.

Nunatta toqqagaatut NATO-mi sulisoq eqqarsaatigalugu, aallartereernerani paasinarsivoq ataatsimut aningaasanut sinaakkutit, tassunga sullissinerme akigititaasut ilanngullugit appasippallaamik missingersorneqarsimasut, taamaattumillu Naalagaaffinngornissamut Nunanullu Allanut Naalakkersuisoqarfiup aningaasartuutit sinneruttut matussusertariaqarsimallugit, taamaallunilu Nunanut Allanut Naalakkersuisoqarfiup ataatsimut aningaasatigut sinaakkutigisaannik kalluaaqataalluni.

a) **Washington DC:** Aallaqqaasiutigialugu oqaatigineqassaaq USA-mik Canadamillu Naalakkersuiusut suleqateqarnerat annertuumik ukkatarineqarmat, tassunga ilanngullugu eqqarsaatigineqarpoq Amerika Avannarlermik suleqateqarnerunissamik nunanut allanut politikkimi periusissiap anguniagaasa piviusunnngortinneqarnissaasa anguniarnissaat. USA-mit Canadamiillu suleqatiginnikkusussuseqarneq Naalakkersuisunit maluginiarneqarpoq. Sinniisoqarfiup suliaanik maannakkut annertusitsererpoq, siunissamilu suli annerusineruleriartuinnartussaalluni, taamaalilluni sinniisoqarfimmut artukkiiartulertussaalluni.

Ukiuni kingullerni USA-mi Canadamilu unnuisarfinni unnuinerit timmisartunillu angallaneq akitsoriartornikuuvoq. 2023-mi akit qaffakkiartornerat 3,4%-miippoq, februar 2020-mit februar 2024-mut unnuisarfinni akigititaasut agguaqatigiisillugu 13,8%-mik qaffariarsimapput. 2020-mit 2024-mut Naalagaaffiit nunanut allanut attaveqartitsisuisa sulinerannut atatullugu sinniisoqarfik aningaasartuuteqarpoq, assersuutigalugu USA-p nunanut allanut attaveqartitsisuinik ataatsimeeqateqarnerit il.il. kiffartuussinermi akit 25,5%-mik annertuseriarsimavoq. Ukiuni kingullerni suliat eqqarsaatigalugit, taxanut Uberinullu aningaasartuutit ukiuni aggersuni annertusiartuinnarnissaat naatsorsuutigineqarpoq. 2025 ukiup sisamararterutaani siullermi erninermut atatillugu sulinnigiffeqartoqartussaavoq, taamaattumillu marts 2025 tikillugu erninermut atatillugu sulinnigiffeqarnermut paarlattaasussamut aningaasartuuteqarnerunissaq aamma naatsorsuutigisariaqarpoq.

Beijing: Beijingimi sinniisoqarfiup Kinanik suliaqarfeqarnerata saniatigut ukiuni kingullerni aamma Japan, Korea Kujalleq Singaporelu suliaqarfigineqalernikuupput. Tamanna nunanik taakkuninnga suliaqarfeqarnerup annertusiartuinnarneranik pissuteqarpoq. Nunat taakku taaneqartut Issittumi Siunnersuisooqatigiinni ataavartumik alaatsinaattutut peqataasarput, tassani attaveqatigiinnermi Issittumut tunngassutillit niuernerup saniatigut annertunerusumik Japanimut Koreamullu Kujallermut immikkut attaveqartitsisuupput.

Reykjavik: 2022-mi Naalakkersuisut Siulittaasuat Islandip Kalaallit Nunaatalu suleqatigiinnerunissaat siunertaralugu Islandip statsministerianik atsioqateqarpoq, tamatumalu kingorna atortuulersinneqarnissaanut pilersaaruseriorfigineqarluni, ilaatigut niueqatigiinnermi suleqatigiissunik pilersitsisoqarluni. Nunatta Islandillu suleqatigiinneruleranata annertusiartornera ilutigalugu Reykjavikimi Nunatta Sinniisoqarfiannut annertusuartortumik suliaaqqartitsivoq, tamatumalu kinguneraa sumiiffimmi najugaqartumik Reykjavikimi Sinniisoqarfimmi kalaallimik AC-mi suleqataasutut atorfinitsitsinissaq pisariaqartinneqalerpoq. Taakku saniatigut Sinniisoqarfiup aningaasartuutai arlallit akinut nalimmassarneqarput (aningaasarsiat, inimut attartorneq il.il.), islandimilu akit qaffakkiartornerat 2023-mit 2024-mut 7,1%-mik qaffariarsimavoq, tamannalu ilaatigut aningaasartuutininik annertunerusunik pisariaqartitsinermut pissutaaqataavoq.

Bruxelles: Ukiuni kingullerni marlunni aningaasartuutit naliginnaasut ataavartumik annertusiartorput, taakku ukiumut sullissinermut akigititaasut annertusiartornerat, ingerlatsinermut aningaasartuutit annertusiartornerat, tassunga ilanngullugu akit qaffakkiartornerat 3,4%-iusoq, aammalu anguniakkamut aningaasarsianut aningaasartuutit. Aallartitaqarfiup allattaanik angerlaqqusineq aallaavigalugu, aammalu naalagaaffiup aallanut attaveqartitsisussaattut aallartitap, qaffasinnerusumik qaffasinnerusumut inissinneqarsinnaanera eqqarsaatigaluguaningaasarsianut aningaasartuutaasut malunnaatilimmik missingersuutininut kalluaanissaa

naatsorsuutigineqarpoq, aningaasaliissutillu maannamut naammaannareernerat ersarissarneqartariaqarluni.

- b) Kunngueqarfiup Danmarkip NATO-p qullersaqarfiani Bruxellesimi inissisimasumi sinniisoqarfiani Kalaallit Nunaata toqqagaanik sulisoqarnissaa Naalackersuisut 2022-mi aalajangiuppaat, tamannalu 2023-mi atuuttuulersillugu. Tamanna Kalaallit Nunaata Nunanut allanut, Sillimaniarnermut Illersornissamullu Periusissiaanut 2024-2033-mut atuuttumut attuumassuteqarpoq. Nunatta toqqagaanik taamatut inissiinermi sillimaniarnermut paasissutissanik maanna nunarsuarmi patajaatsuunngitsumi isumannaatsuunngitsumilu paasissutissanik annertunerusunik pissarsiniarnermut iluaqutaassaaq, tassuunalu politikikkut aalajangigassat ilisimasaqarnerunikkut aalajangiiffigineqarsinnaanissaat toqqammaveqartumik pisinnaalissaaq. Ilutigaluguttaaq Kalaallit Nunaannit qulakkeerneqarpoq Issittumik ilisimannittumik Issittumeersumik suleqateqarnissaaq, taannalu kalaallit isikkiviannit aallaaveqarluni misissueqqissaarnernut, oqallinnernut politikkeqarnikkullu NATO-mi "Avannaarsua" pillugu tunniussaqaarsinnaaneq qulakkeerneqassalluni. Aallartitaqarnikkullu aamma nunarsuarmioqatigiinnut takutinneqarpoq Kalaallit Nunaat tamat oqartussaaqataanerannut, inuit aalajangeeqataasinnaanerannit naalagaaffiullu innuttanut pisussaaffiinnut pingaartitat pillugit sorsuuteqartunut peqataasoq. Tamanna annertuumik sunniuteqarpoq, Kalaallit Nunaat annertunerujartuinnartumik nuna arlallit oqaloqatigiinneranni Kalaallit Nunaata peqataatinneqarnera ersarissartorpoq, tassuunalu Kalaallit Nunaata periusissiami aallaaviusut tunniussaqaqataaffigalugillu inissisimanerminik ersersitsilluarsinnaalerpoq.
- c) Partiitt periusissiamik isumaqatigiinniaqataasut periusissiamut akuerisaannut Naalackersuisut naammassinnikkumallutik Ottawami Canadamiittumi sinniisoqarfissamik nutaamik ammaanissamut aningaasanik illuartitsisoqassaaq. Sinniisoqarfiup Kalaallit Nunaata Nunavullu akornanni MoU-mik atsioqatigiissimanerat, Amerika Avannarlermi Issittoq pillugu Oqalliffimmik pilersitsinissaaq, Kalaallit Nunaata Canadallu akornanni killilersuutininik sakkukinnerusunik peqarluni angalasinnaaneq, nunat illugiillutik attaveqatigiinnerat annertusassallugu, Kalaallit Nunaata Canadallu akunnerminni ajornannginnerusunik ataavarnerusumillu niueqatigiissinnaanerata pitsanngorsarnissaa il.il. piviusunngortinniarlugit suliaqassaaq. Ukioq siulleq sulisoq aallartitaasussaq diplomatiskimik inissisimanissaa sulissutigineqassaaq, taamatullu sumiiffimmit allatsissamik atorfinitsitsisoqassalluni. Ukiup tullissaani sulisoq aallartitaq diplomatiskitit inissisimasooq ilanngunneqassaaq, tamatumalu kingorna sinniisoqarfik sulisunik aalajangersimasunik tamakkersimasunik sulisoqarluni aallartissaaq. Piffissami ungasinnerusumi sinniisoqarfimmi suliffimmik misiliisussamik sinniisoqarfiit allat assigalugit tiguisinnaalissaaq. Sinniisoqarfiup ammarneqarnissaa 2028-mut inissinneqarsimavoq. Piffissaaq taanna tassaavoq Issittumi Siunnersuisooqatigiinni siulittaasuuffiup naammassiffiata kinguninngua. Tamatumani aamma siunertaavoq siulittaasoqarfiup ingerlatereernerata kingorna atorfillik ilisimaligaasa tammaannannginnissaat, akerlianillu ineriartoqqinnissamut atorluarneqarnissaaq, tamatumani Ottawami sinniisoqarfeqalernissaanik tunaartaliisussat.
- d) Partiitt periusissiamik isumaqatigiinniaqataasut periusissiamut akuerisaannut Naalackersuisut naammassinnikkumallutik nunat allat niueqatigiinnerannut ukkatarinnilluni isumalluutininik ilanngussinikkut aammalu WTO-mik sulineq aallartillugu sulisoqassaaq.

Tamanna aamma periusissiap anguniagaanut, periusissiammi siunertaraa suliaasaqarfinnik tigusinissaq, tassani niuernikkut ineriartortitsineq, aammalu avammut tunisat nalittorsarnissaanut sulineq, niuerneq ineriartortillugulu assigiinngiaartinnissaa il.il. sunniuteqassaaq. Kalaallit Nunaata Tulit Nuaannik niuerneq pillugu oqaloqatigiinnerat siumut ingerlasoq aammalu Kinamik Islandimillu oqaloqateqarnerit takutippaat Kalaallit Nunaata niuernikkut attaviit pingaarutillit isumaqatigiissutissatut kissaatigisaat, Nunarsuarimi Niuernermut Kattuffissuup WTO-p malittarisassaanut tulluussagaassapput. WTO-p malittarisassaaani ilaavoq nunat niueqatigisavut pillugit ataatsimut pitsaassutsimik peqartariaqartoq, tamannalu niueqatigiinnissamut isumaqatigiissutikkut pitsaanagerusumik angunissaa kissaatigaarput. Maluginiarneqassaaq kalaallit suliffeqarfiutaat nunanit taakkununga eqqussinermut akitsuutinik annertuunik akiliuteqartarnerat. Niuernikkut isumaqatigiissuteqarnikkut akit taakku apparsarneqarsinnaapput, sulisorlu suliami tassani pingaarutilittut inissisimassaaq. WTO teknikkikkut unammillernartuuvoq, nioqqutissaannarnik niuernermi taamaallaat inissisimanani aammattaarli suliaqarfiit allat soorlu aalisakkanik niuerneq ingerlamassuk. Kalaallit Nunaat Danmarkip nutat namalaat kattuffianni ilaasortaaneratigut ilaasortaavoq. Taamaattumillu piginnaasassanut tunngatillugu apeqqutit akuttunngitsumik matussuserneqartariaqarput. Suleqataasumut immikkut ilisimasassanik pisariaqartitsivoq, aammattaarlu Kalaallit Nunaata soqutigisai pisinnaatitaaffiilu nunarsuarmioqatigiit akornanni politikikkut ingerlatsinermi aammalu niuernermut isumaqatigiissuteqarneq WTO-milu isumaqatigiinniarnerni oqallinnermilu peqataanissaa qulakkeerniarlugu ilinniarteqqinneqarnissaa pingaaruteqarpoq. Nunarsuarmioqatitsinnit avataaneersunik siunnersortinik annertunerusumik atuisinnaaneq ingerlanneqarsinnaagaluarpoq. Aningaasaliissutit (misilittagalimmik) suleqatissamut angalasarnissaanuut, pikkorissarnissaanut aammalu aalajangersimasunik siunnersortinik atuinissamut matussusiissapput.

- e) 2025-2027-mut Issittumi Siunnersuisooqatigiit siulittaasoqarfianik Kunngeqarfik Danmark ingerlatsisuussaaq. Issittumi Siunnersuisooqatigiit nunat ilaasortaasut akornanni siulittaasoqarfik ileqqusumik paarlakaanneqartatpoq. Kalaallit Nunaat pingaarutilittut inissisimavoq, aammattaarlu Kunngeqarfiup Danmarkip ilaasortaasutut aqutsisuuneranut qitiusumik inissisimasussaaq. Issittumi Siunnersuisooqatigiit suliaqarfisartagai amerlasuut kalaallit nunaata suliaasaqarfittut angerlaatereernikuai. Kunngeqarfiup Danmarkip 2025-2027 siulittaasuuffeqarnerani politikikkut kissaatigineqarpoq aqutsisoqarnermi annertunerusumik sunniuteqarnissaa, aammalu siulittaasuuffiup nalaani suliaassatut pisussaaffiit anguniarneqarput, tamannalu pissutigalugu siulittaasuuffeqarnerup nalaani kalaallinik isumalluutinik peqarnissaa pisariaqartinneqarpoq. Inunnut marlunnut pisortatut/siunnersortit pisortaattut inissisimasunut, aammalu sulisunut marlunnut AC-fuldmægtigisut/immikkut siunnersortit inissisimasunut aningaasat atorneqassapput. Maannakkut aammalu siusinnerusukkut siulittaasuutitaqartoqarnerani missingersuutit malillugit siulittaasuuffimmut aningaasartuutit tamakkiisut 18-20 mio. Kr. akornanni inissisimassangatinneqarput, taakkulu ukiunut marlunnut siammarsimallutik, taakkulu Kunngeqarfimmi nunait pingasunit agguataarneqartussaaq. Kalaallit Nunaata annertunerusumik aqutsisuunikkut akisussaarfeqarnissaanik kissaateqarneq ilutigalugu aammalu Siulittaasuuffeqarnermi ersarissuunissaaq anguniarlugu Kalaallit Nunaata aningaasartuutissai annertusissapput. Issittumi suliaqartoqarnerani Kalaallit Nunaat annertuumik kissaateqarput, tamannalu Kalaallit Nunaanni Nunanut Allanut-,

Isumannaallisaanermi-, Illersornissamullu Periusissiaannut 2024-2033-mut
ingerlasumut attuumassuteqarpoq.

Inussiarnersumik inuulluaqqusillunga



Vivian Motzfeldt
Naalagaaffinngornissamut Nunanullu allanut Naalakkersuisoq



Aningaasaqarnermut Akileraartarnermullu Ataatsimiititaliamut
Uani

24-10-2024
Sags nr. 2024 - 20042
Akt. id. 24686662

Postboks 260
3900 Nuuk
Tlf. (+299) 34 50 00
Fax (+299) 34 63 64
E-mail: isn@nanoq.gl
www.naalakkersuisut.gl

Aningaasaqarnermut Akileraartarnermullu Ataatsimiititaliap 2025-mut aningaasanut inatsisissatut siunnersuut pillugu Isumaginninnermut, Ilaqutariinnut, Suliffeqarnermut Nunamullu Namminermut Naalakkersuisoqarfimmut allakkatigut apeqqutai.

Asasara Aningaasaqarnermut Akileraartarnermut Ataatsimiititaliaq.

Qujanaq apeqqutinut. Apeqqutit ataasiakkaarlugit ataani allaqqinneqarput, akissutaannik malitseqartillugit.

1. Nunanit allaneersut Kalaallit Nunaannut nuuttut amerliartorput aammalu ilaatigut suliassa qarfinni isumassuinermik sulia qarfiusuni sulisut oqaatsitsinnik piginnaasaqanngikkaluarlutik atorfinitsinneqartarput. Akuulersitsiniarneq, tassungalu ilanngullugu minnerunngitsumik nuuttut nunanit avannarlerneersuunngitsut oqaatsitsinnik piginnaasaqalernissaat, siuarsarniarlugu Naalakkersuisut tigussaasunik qanoq pilersaaruteqarnermut paasissutissiissutigineqassasoq ataatsimiititaliamit kissaatigineqarpoq.

Akissut: Naalakkersuisut aamma Nunami allamiunut Akulerutsitsinermullu Ministeri september 2023-mi, Kalaallit Nunaanni akulerutsitsinermut suliassa qarfinni inatsisitigut killiliussat iluanni, nunani allaneersut Kalaallit Nunaanniittunut akulerutsitsinermut suliniuteqarnermik neqerooruteqarsinnaanarluni, aaqqiissummik misissuisoqarnissaa pillugu isumaqatigiissuteqarput. Suliaq sulii ingerlavoq aamma ukioq manna aaqqiissutissanik ilusiliinernik assigiinngitsunik oqallittoqassasoq naatsorsuutigineqarpoq.

Tamatuma saniatigut Naalakkersuisut ukiortaami suliffeqarneq pillugu isumasioqatigiissitsinermik pilersaaruteqarput, suliffeqarnermi ataatsimoortumik politikkeqarnissaq pillugu qinikkat kattuffiillu oqaloqatigiinnissamut qaaqquneqarlutik. Isumasioqatigiinnermi Naalakkersuisut nunami sulisussat sammisatut qa qilissamaarpaat, najukkamut, nunap immikkoortuanut, nuna tamakkerlugu aamma nunat tamat akornannut atatillugu sumut sammisumik suliaqartoqarniarnersoq ataatsimoortumik paasinninnissaq anguniarlugu, tassunga ilanngullugu nunat tamaneersut suliarortut qanoq ililluni akulerutsinneqarsinnaanersut.



2. *Kiisalu nunatsinnut nuuttut aammalu najukkami inuiaqatigiit eqqarsaatigalugit sulisut nunanit allaneersut annertusiartuinnartumik tikerarnerisa atugassarititaasut pitsaasut atu-gassaritillugit pinissaanik nakkutiginninnissaq pillugu Naalakkersuisut qanoq pilersaa-ruteqarnerut paasissutissiissutigineqassasoq ataatsimiititaliamit kissaatigineqarpoq.*

Akissut: Naalakkersuisut suliffeqarfinnik avataaneersunik suliarortunik sulisoqartunik ingerlaavartumik nakkutilliipput. Nakkutilliinermi suliffeqarfik sorlerluunniit toqqarneqarsinnaavoq aamma unioqqutitsilluni avataaneersunik suliarortunik sulitsitsisoqarneranik pasitsaassinermi pilertortumik nakkutilliisoqarsinnaalluni. Nakkutilliineq Akileraartarnermut Aqutsisoqarfik, kommuni, politiit Naalakkersuisoqarfillu suleqatigiillutik ingerlanneqartarpoq.

Naalakkersuisut nunani allaneersut pillugit suliassanik suliarinnittarnermi ilitsersuummik suliaraqpoq, suliassat assigiinngitsut tullittut pineqartillugit suliniuteqarnermik nukittorsaaniarluni:

- najugaqarsinnaanermut sulisinnaanermullu akuersissutinik qinnuteqaatit
- najugaqarsinnaanermut sulisinnaanermullu akuersissutinik sivitsuineq
- najugaqarsinnaanermut killiligaanngitsumik akuersissut
- aapparissamik katissimasamik kattunneqarnissamut qinnuteqaat
- ilaqqutanik kattunneqarnissamut qinnuteqaat

Taamaaliornikkut pissutsit pisunut aalajangersimasunut tunngasut, avataaniit suliarortunut tamanut tunngassutillit nakkutilliinermi paasineqarsinnaapput.

3. *Kiisalu sulisut nunanit allaneersut qanoq ilinniagaqarnerut paasissutissiissutigineqassasoq ataatsimiititaliamit kissaatigineqarpoq?*

Akissut: Ukiuni makkunani mittarfinnik sanaartornerni pingaartumik lastbiiliniq ingerlatsisut, maskinanik ingerlatsisut, mekanikerit, nunamik uuttortaasut, ingeniorit, igasut, eqqiaasut il.il. avataaniit sulisoqarput. Amerlanertigut neriniartarfinni igasut saqisullu kiisalu eqqiaasuni, aalisakkerivinni aamma maannakkut pisiniarfinnu ilinniagaqanngitsut pineqarput. Ataatsimut isigalugu ilinniagalinnut tikisinneqartunut sanilliullugit avataaniit sulisussat ilinniagaqanngitsut amerlapput.

4. *Innuttaasut tamarmik inuiaqatigiit aningaasaqarnerannut tapeeqataanissaat ataatsimiit-taliamit assut pingaartinneqarpoq. Tassunga atatillugu sulisinnaasut sapinngisamik amer-lanerpaat suliffeqarnissaat aalajangiisuvoq, tassuunakkullu tunisassiorneq annertune-rulersinnaallunilu avataanit suliarortut pisariaqartinneqarnerat annikillisinneqarsinnaavoq.*

- a. *Suliffeqanngitsut suliffeqalernissamut kajumilersinniarlugit taamaalillutillu tunisassiornerup annertunerulernissamut peqataaqataatinniarlugit Naalakkersuisut qanoq iliuuseqarpat?*

Akissut: Namminersorlutik Oqartussat kommunillu Majoriami Qitiusumik Ingerlatsiviit pillugit angusaqarnissamik isumaqatigiissuteqarput, taakkualu pingasunik pingaarnernik suliassaqlutik:

- Suliffik
- Ilitsersuineq
- Pikkorissaqqinneq



Suliffissarsiuussisarfimmi ilaatigut inunnik tulluarsaqatigiinnut 1-imut immikkoortinneqartunik sullissisoqarpoq. Majoriami siunnersortip suliffissarsiortoq sullinnissaanut piareeqqavoq. Suliffeqanngitsumik oqaloqatiginninneq isumaliutigilluagaavoq, suliffeqanngitsoq qitiutillugu inuttut, suliamut inooqataanermullu piginnaasat tunngassutillit apeqqutigineqartarlutik:

- Piginnaasat, inuttut inissisimaneq, aamma aningaasaqarneq
- peqqissuseq
- attaveqarnissamut paasissutissat
- atornerluinermik ajornartorsiutaasinnaasut aamma ajornartorsiutit allat
- sulineq misilittakkallu
- ilinniagaqarnermi tunuliaqutit siornatigullu pikkorissaqqinnerit
- siunissami pilersaarutit pillugit paasissutissat

Ujartuilluni ilitsersuineri Majoriamut oqaloqatiginninnissamut aggersaasoqartarpoq. Ilitsersuisup suliffissaaruttup inuunermini sumiinnera tusarniartarpaa. Soorlu inuttut, suliamut inooqataanermullu piginnaasat takutittaraat, inissisimaneq allaanerusinnaavoq, taamaattumik iliuusissatut pilersaarutit assigiinngissuteqalaartuaannarlutik. Suliffeqanngitsut tamarmik pingaaruteqarput aamma namminneq inuunermik oqaluttuartuullutik.

Suliffeqanngitsoq nalunaarsorneqartoq, pineqartoq sulinissamut piareersimasoq, suliffissarsiortunut ikiorsiissuteqarsinnaatitaavoq. Suliffissarsiortunut ikiorsiissutinut inuit taamaallaat 18-it sinnerlugit ukiullit ilaatinneqarput. Suliffissarsiortunut ikiorsiissuteqartut tamarmik qaqugukkulluunniit suliffeqarnermut piareersimasussaapput. Apeqqut 9-mut akissummi sorlernik neqerooruteqarnersoq atuarsinnaavat.

b. *Soraarnerussutisiallit suliinnarnissamut kajumilersinnerisigut sulisut amerlineqarsinnaanerat Naalakkersuisunit isumaliutigineqarsimava?*

Akissut: Suliffeqarnermut periusissiaq maanna atuuttoq 2024-p naananut atuuppoq. Suliffeqarnermut periusissiap tulliuttup suliffeqarnermik assigiinngisitaartumik suliniuteqarfissat ilaattut ukkatarissavaa. Tassungalu ilanngullugu sammisaaq sukumiisumik suliarineqassaaq, aamma 2025-mi imarisassaa Naalakkersuisut peqatigalugit tulluarsarneqarumaarluni.

Piginnaanngorsaaqqittut siusinaartumillu pensionisiallit naliliiffigeqqinnissaat Majoriap pingaarnertut suliassarivai. Naalakkersuisut Attassiinnarnissamut Ineriartortitsinissamullu pilersaarutaannut 2-mut atatillugu, tassani takuneqarsinnaasoq, siusinaartumik pensionisiallit ilaasa suliffeqalertinneqarnissaat anguniarneqartussaaq, kommunimi piginnaanngorsaaqqinnermik pikkorissaanernut atatillugu Isumaginninnermut, Ilaqutariinnut, Suliffeqarnermut Nunamullu Namminermut Naalakkersuisoqarfik Majoriami Qitiusumik Ingerlatsivinnik oqaloqateqarpoq.

Eqqumaffigisariaqarporli eqaatsumik suliffeqarnermut, piginnaanngorsaaqqinnermut imaluunniit siusinaartumik pensionisiaqarnermut pinnaatitaaffiit piumasaqaatillu allanngortinneqanngimmata. Kisianni nalilersueqqinnermik suliaqarnikkut qulaajaanermi takutinneqarsinnaavoq, pinnaatitaaffinnut piumasaqaatit tamanit naammassineqarnerisut, inuunerummi ingerlanerani sulisinnaaneq allannguuteqarsinnaammat. Kisianni



utoqqaanerusunut aamma pitsaasumik suliffeqarneq sulisussat amerlassusaannik qulakkeereqataasinnaavoq. Apeqqut d-mut akissummi taanna pillugu atuarsinnaavat.

- c. *Suliartortut avataaneersut amerliartornerat najukkami sulisartut suliassaaleqinerannik kingunera Naalakkersuisunit kisitsisaatigineqarpa?*

Akissut: Naalakkersuisut najukkami sulisartut, akileraartutigineqartussaasunik isertitaqartut amerlassusaata qaffakkiartornerat pillugu kisitsisaateqarput. Tassa imaappoq, naak avataaneersunik suliartortoqaraluartoq, najukkami sulisartut akornanni suliffissaqartut qaffakkiartornerat aalajaappoq. Kisitsisit Naatsorsueqqissaartarfimmi isertitanik naatsorsueqqissaanermiit pissarsiaapput.

Takussutissiaq 1. Kalaallit Nunaanni sulisussat inunngortut akileraarutaasussanik isertitaqartut amerlassusaat



Najoqutaq: Kisitsisaataasivik [INDPI102]

- d. *Ukioqatigiiaat amerlasuut ungasinngitsukkut suliffeqarnermik qimatsisussat taarserneqarnissaat Naalakkersuisunit qanoq sulissutigineqalersaarpa?*

Akissut: Naalakkersuisut siunissaq qaninnerusoq ungasinnerusorlu eqqarsaatigalugit inuiaqatigiinnut pisariaqartumik aqqissuusseqqinnermik suliqaarnermut tulluurtumik anguniakkat pillugit naalakkersuisoqarfiit akornanni suleqatigiinneq pingaartippaat. Naalakkersuisut sulinnermini ukkataraat suliffeqarneq assigiinngisitaartoq, inuusuttut akornanni suliffissaaleqineq aamma utoqqaanerusut sulisarnerat. Utoqqaanerusut siviuserusumik suliffeqarnermiitinnissaat kajuminnarnerusunngortinniarlugu pilersuisussaaqatigiinneq atorunnaarsinneqarpoq aamma annikillisitsinermut akigititaq nalimmassarneqarluni. Tamatuma saniatigut imminut pilersornerunissaq ukkatarineqarpoq. Erseqqilluinnarpoq, inuuneq peqqinnartoq pitsaanerusumik periarfissiisartoq, taamaattumik naalakkersuisoqarfiit akornanni suleqatigiinnermi pitsaaliuinnermik suliniuteqarneq aamma ataavartuutinneqarpoq.

5. *Immikkoortut aningaasanut inatsisissatut siunnersuummut ilaasut, takuuk qupperneq 192 Attassiinnarnissamut Ineriartortitsinissamullu Pilersaarummi aqqissuusseqqinnissamut sammivik 1, sorliit AIS2025-mut ilaatinneqarpat qanorlu ilaatinneqarpat?*



Akissut: Apeqqummik akissuteqarnermi Isumaginninnermut, Ilaqutariinnut, Suliffeqarnermut Nunamullu Namminermut Naalakkersuisoqarfimmut tunngassuteqartut pineqarput.

Ilinniartitaanermut suliassaqarfimmi meeqqanut inuusuttunullu suliniuteqarnerup ataqatigiinnerunissaa qulakkeerniarlugu Naalakkersuisut NUIKI (nunaqarfinni ilinniartitaanermik kivitsineq) aamma ilinniartunik ilitsersuineq pillugit suliassaqarfimmik allanngortitsiniarlutik piareersaapput, Isumaginninnermut, Ilaqutariinnut, Suliffeqarnermut Nunamullu Namminermut Naalakkersuisoqarfimmiit Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfimmut.

Tamatuma saniatigut inuusuttunik sullinniakkanik ujartuilluni ilitsersuineq IT-atortulersuutininik ineriartortitsilluni suliaqarnej nukittorsarneqarpoq, taamaalilluni ilitsersuisunut inuusuttut ilinniartitaanermut suliffissaqartitsinermullu aqqissuussat avataaniittut nassaarinissaannut ajornanngitsitsinerulersussaq.

Naalakkersuisoqarfik novembarimi suliffissanut nittartagaq nutaaq pillugu suliarinnittussarsiuinerimik nassiussiniarluni naatsorsuuteqarpoq, aamma suliffissanut nittartakkap ukiumi nutaami ineriartortinneqarnissaa naatsorsuutaalluni.

2018-imiilli piginnaasanik naliliivigineqarnikkut, sulisut ilinniagaqanngitsut sivikitsumik pikkorissaqqinnerisigut (sapaatip akunneri 5x5) ilinniaqartunngortillugit, pikkorissartitsinerit ineriartortinneqarput, taamaalilluni Peqqissaanermik Ilinniarfimmi ilinniagaqarnej aamma sulineq oqimaaqatigiissinneqarlutik. Piginnaasatigut naliliivigineqarnikkut ilinniagaqarnej Naalakkersuisunit akuersissutigineqarpoq aamma Perorsaanermik Ilinniarfiup imaluunniit Peqqissaanermik Ilinniarfiup aamma Isumaginninnermut, Ilaqutariinnut, Suliffeqarnermut Nunamullu Namminermut Naalakkersuisoqarfiup akornanni suleqatigiinnikkut pilersinneqarlutik.

- 6. Ilinniartitaanermut periusissiamik nutaamik 2023/2024-p nikkinnerani piareertussatut naatsorsuutigineqartumik maanna piareersaasoqartoq Naalakkersuisut AIP 2-mi paasis-sutissiissutigaat. Aallunneqartussat pingaarnerit tassaassapput atuarfiup kinneqarnissaa aammalu inuusuttunut tunngasumik suliniuteqarnej. Inussuttut suliniuteqarfigineqartut ikilisinniarlugit iliuusissatut pilersaarut aqqanilinnik immikkoortulik Naalakkersuisunit taaneqarpoq. Suliaq kingullertut taaneqartoq Naalakkersuisut sumut killippaat?*

Akissut: Apeqquq Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfiup suliassaqarfianut atavoq, taamaattumillu Meeqqanut, Inuusuttunut, Ilinniartitaanermut, Kultureqarnermut, Timersornermut Ilageeqarnermullu Naalakkersuisumut ingerlatinneqarnissaa qinnutigineqarluni.

- 7. Ilinniartitaanermut 2024-2030-mut periusissaq kiisalu Ilinniartitaanermut 2024-mut pilersaarut akuerisimagitik Naalakkersuisut paasisutissiissutigaat. Taakku ataqatigiissaarnerannik sulineq qanoq ingerlanneqassava? Sulineq taanna pillugu AIS 2025-ip imarisai sunik tigussaannerusunik takutitsippat?*

Akissut: Apeqquq Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfiup suliassaqarfianut atavoq, taamaattumillu Meeqqanut, Inuusuttunut,



Ilinniartitaanermut, Kultureqarnermut, Timersornermut Ilageeqarnermullu Naalakkersuisumut ingerlatinneqarnissaa qinnutigineqarluni.

8. *Atuarfik assorsuaq pingaaruteqarpoq minnerunngitsumik angutit inuusuttut atuarfimmik naammassinninniartarnerminnik ajornartorsiuteqarnerupput. Ilinniagaqalernissamut inuusutissarsiulernissamullu inuusuttut piareersarneqarnissaat atuarfiup ilaatigut siunertaraa. Taamaattumillu ataatsimiititaliaq isumaqarpoq eqqortoq tassaasariaqartoq Majoriap atuuffianik nalilersueqqinnissaq. Ataatsimiititaliaq isumaqarpoq Majoriaq pisariaarutsillugu atuarfik nukittorsarneqartariaqartoq. Tamatumunnga Naalakkersuisut oqaaseqaateqarnissaat ataatsimiititaliamit kissaatigineqarpoq.*

Akissut: Naalakkersuisut Attassiinnarnissamut Ineriartortitsinissamullu pilersaarutaat 2 ilaatigut suliniutinik ilinniartitaanermut ilitersuineramik pitsaanerusumik aamma 15-iniit 17-inut ukiulinnut tunngaviusumik atuartitsineramik eqqussineramik imaqarpoq. Tamatuma saniatigut Naalakkersuisut Pilersitsiviit pillugit pilersitsinissaq kommuninik suleqatigiinnermik aallartitsippat, taamaalillutik inuusuttut sullinniakkat ikinnerpaanngortinnissaat siunertaralugu, inuusuttut “assassullaqqissut” inuusutissarsiornermut ilinniagaqarnissamut ilitersuunneqarsinnaallutik. Taamaaliornikkut inuusuttut kommunini atugarsornermik pikkorissaqqinnermiit allaanerusumik 1. januar 2025 aallarnerfigalugu neqeroorfigineqassapput.

Naalakkersuisut eqqumaffigeqquvaat Majoriamik annikillisinneqarnissaanik pisariaqannginneranillu eqqartuineq Majoriami Qitiusumik Ingerlatsivinnik ingerlatsineq pillugu angusassanik isumaqatigiissuteqarnissamut susasaqartunut paatsiveerussaataasinnaammat. Erseqqissartariaqarpoq, innuttaasunut Majoriami amerlasuunik suliassaqarmat. Taamaattoq Naalakkersuisut takusinnaavaat, Aningaasaqarnermut Akileraartarnermullu Ataatsimiititaliap Majoriaq pillugu taamatut eqqartuineranut qanoq isumaqarnersoq. Taamaatoqarsimappat Aningaasaqarnermut Akileraartarnermullu Ataatsimiititaliaq qinnuigineqarpoq Naalakkersuisunut uppenarsaaqqullugu, atuagarsornikkut pikkorissaqqinneq FA – Meeqqat Atuarfianni Inaarutaasumik misilitsinneq pineqarnersoq.

Majoriami sullinniarneqartut assigiinngisitaartuupput, isumaginninnermut imaluunniit ilinniartitaanermut tunuliaqutaasut, ukiuinut suaassusiinullu tunngassuteqarsinnaallutik. Apeqqut 9-mut akissummi paasisutissat allat suliassaqarfinnut sullinniakkanullu tunngassuteqartut takukkit.

9. *Ataatsimiititaliap isumaa malillugu Majoriaq ikinngitsunik aningaasaliiffigineqartarluni qitiusumik inissisimaleraluttuinnarpoq. Taamaattumillu Majoriaqarfiit immikkoortortaqarfiini ingerlatat angusarineqartullu sukumiisumik aqunneqarlutillu nakkutigineqarnissaat assorsuaq pingaaruteqarpoq. Tamatumunnga Naalakkersuisut oqaaseqaateqarnissaat ataatsimiititaliamit kissaatigineqarpoq.*

Akissut: Majoriaq pingasunik pingaarnernik suliassaqarpoq, suliffeqarnermut suliassat, ilitersuinermut suliassat aamma pikkorissaqqinnermut suliassat, tamarmik naligiimmik pingaaruteqartut.

Majoriap suliffeqarnermut suliassaani innuttaasut sapinngisamik amerlanerpaat suliffissaqartinnissaanik qulakkeerinninnissaq pineqarpoq. Tassunga ilaapput:



- Suliffissarsiortunik aamma sulisunik suliamut tunngasunik pikkorissaanernut innersuussineq (pikkorissaanerit aningaasanut inatsimmik tunngaveqartut soorlu PKU aamma AMA)
 - Suliffeqanngitsunut siusinaartumillu pensionisialinnut qulaajaanermik ingerlataqarneq.
 - Piginnaanngorsaaqqinnermut ikiorsiissutit pillugit qinnuteqaatinik suliarinnineq.
 - Suliffissarsiuussineq suliffissarsiortunullu suliffissamik innersuussineq.
 - Inuussutissarsiortut akornanni suliffeqarfinnut sulisussanik innersuussineq.
 - Suliffissaaleqisunik sulilersitsiniarneq allamullu ilinniagaqartitsineq.
 - Siusinaartumik pensionisialinnut sivisuumillu suliffissaaleqisunut ilitsersuineramik kajumissaarinermillu ingerlataqarneq.
 - Suliffissarsiortut CV-mik suliaqarnissaannik ikiuineq.
 - Suliffeqanngikkallartut nalunaarsorneqarneri aamma nuttarneruleknissamut ikiorsiissutit pillugit qinnuteqaatinik tiguisarneq.
 - Suliffissarsiortunut ikiorsiissutinik aamma avataaniit suliaartortut qinnuteqaataannik suliarinnineq.
 - Najukkami, nunap immikkoortuani nunalu tamakkerlugu suliffeqarnermi ujartuilluni suliniuteqarneq.
 - Suliffeqanngitsunik suliffinnut tulluurtunut atassuserniarlugit tulluarsaqatigiiaanun immikkoortiterineq.
Ilitsersuilluni suliaasanut ilaapput innuttaasunut ilitsersorneqarusuttunut siunnersuineq ikiuinerlu.
Tamatumunnga ilaapput:
 - Siullermeertumik suliffeqanngitsunut ilitsersuilluni oqaloqatigiinnerit aamma iliuusissatut ilitsersuutit tamanoortut.
 - Suliffimmi qaffakkiartornissamut ilitsersuineq.
 - Ilinniartitaanermut ilitsersuineq.
 - Pikkorissaqqittussanut ilitsersuineq.
 - Angajoqqaanut ilitsersuineq.
 - Inoqarfinni minnerusuni ujartuilluni ilitsersuineq aamma ilitsersuineq.
Majoriap pikkorissaqqinnermut suliaanun atuagarsorluni sulillunilu pikkorissaqqinnerit ilaapput:
 - Atuagarsorluni pikkorissaqqinneq.
 - Atuagarsornani pikkorissaqqinneq, sannavimmi ingerlataqarneq, sulineramik sungiusarneq aamma højskolerneq.
- Naalakkersuisut Majoriami sammisaqartitsinnermut aqutsinissamut nakkutilliinissamullu akisusaasuupput. Suliffeqarnerup, ilitsersuinerup aamma pikkorissaqqinnerup iluanni Majoriap suliaasaani tamani ingerlaavartumik nakkutilliisoqarpoq, malittarisassat atuuttut naapertorlugit ingerlatsisoqarnerisooq qulakkeerniarlugu.
- Naalakkersuisut aamma isumagissavaat Majoriami sulisut ingerlaavartumik pikkorissaqqinnissaat ilinniartitaanerit assigiinngitsut neqeroorutiginerisigut:
- **Majoriami siunnersortitut ilinniarneq**, atorfillit inatsisit atuuttut naapertorlugit suliaqarnissaannik qulakkeerisoq.
 - **Faglærerinik pikkorissaqqinneq**, ilinniartitsisut piginnaasaannik nutarterineq aamma ilinniartitseriaatsit nutaanerpaanik malinnaatillugit.



- **Ilitersuisutut tunngaviusumik ilinniarneq**, Aqqut.gl suleqatigalugu meeqqanut, inuusuttunut inersimasunullu ilinniartitaaneq, inuussutissarsiorneq sulinermilu qaffassarneq pillugit siunnersuisinnaasunik ilitersuisunik piukkunnarsaaneq.

Naalakkersuisut IT-aaqqissuussanik Majoriami suliassanik suliarinnittarnermik sunniuteqarnerulersitsisunik ineriartortitsipput. Aaqqissuussat ingerlaavartumik aserfallatsaaliorneqarput ineriartorteqqinneqarlutillu.

Inatsisit nutaat eqqunneqarpata, Majoriami sulisut pikkorissarnernik neqerooruteqassapput, taamaalillutik piumasaqaatinut nutaanut naleqqussarsinnaalersillugit.

Naalakkersuisut ukiumut marloriarlutik Majoriami qitiusumik ignerlatsivinni pisortanik ataatsimeeqateqartarput, politikkit, Naalakkersuisut kommunillu akornanni angusaqarnissamik isumaqatigiissutit kiisalu ulluinnarni unammilligassat pillugit oqallittoqartarluni. Ataatsimiinnerup aappaani Majoriap suliassa qarfiinut kommunimi pisortat aamma peqataasarput, tamannalu Majoriami suliassanik aaqqiiniarnerani qanimut oqaloqatigiittoqartarluni.

Majoriami Qitiusumik Ingerlatsiviit ukiumut sammisaqarnerit pillugit Naalakkersuisunut nalunaarusiortarput. Tamatuma qulakkeerpaa, Majoriami suliassat sammisassallu sukumiisumik aqunneqarnerat nakkutigineqarnerallu.

Eqikkarlugu Naalakkersuisut isumagivaat, Majoriap ingerlaavartumik nakkutigineqarnera, pikkorissarneqarnera aqunneqarneralu, taamaalillutik ingerlatsiviit suliaminnik sunniuteqarluartumik ingerlatsisinnaalerlutik aamma piumasaqaatinut unammilligassanullu nutaanut naleqqussarsinnaallutik.

10. *Inuit akileraarutaannik akitsuusiisarnermillu suliassa qarfimi aaqqissuusseqqinnermut atatillugu taartitit iliuuserisassanik pisariaqartitsinermik qulaajaanissaq aggersoq piitsuussutsimut killigititassamik atuutsitsilernissap isumaliutigineqarnera ilutigalugu pissusissamisoortumik ingerlanneqarsinnaasoq Naalakkersuisut isumaqarput. Piitsuussutsimut killigititassap ilusilersorneqarnera qaqugu piareertussatut Naalakkersuisunit naatsorsuutigineqarpa?*

Akissut: Apeqqut Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfiup suliassa qarfianut atavoq, taamaattumillu Meeqqanut, Inuusuttunut, Ilinniartitaanermut, Kultureqarnermut, Timersornermut Ilageeqarnermullu Naalakkersuisumut ingerlatinneqarnissaa qinnutigineqarluni.

Oqaasertaliussat

Oqaasertaliussat aningaasanut inatsisissatut siunnersuummut ilanngussaq 2-mi ilanngunneqarput. Oqaasertaliussat inatsisip oqaasertaatut atuupput, taamaalillunilu oqaasertaliussat aqqutigalugit inatsisit allat saneqqunneqarnissaat imaluunniit ilassuteqarfigineqarnissaat qinnutigineqarsinnaavoq. Aningaasaqarnermik aqutsinermut tapertassatut aningaasaqarnikkut atugassiissutissanik tigussaasunik iliuuseqarnissamut Naalakkersuisunik piginnaatitsissutit oqaasertaliussat pingaarnertut iluseqartinneqartarput.

Naalakkersuisup suliassa qarfiata iluani oqaasertaliussat nutaat allanngortitaluunniit Naalakkersuisup nassuiaatigissagai ataatsimiititaliamit kissaatigineqarpoq. Nassuiaanerup imarissavaa allannguutip imaluunniit nutaamik ilanngussinerup kingunerisassaasa



nassuiaatigineqarnerat. Kiisalu nassuiaatip imarissavaa oqaasertaliussamik pisariaqartitsinermut tunngavilersuut.

Akissut: AIS 2025-mut oqaasertaliussanut oqaaseqaatini takuneqarsinnaasutut Naalakkersuisup suliaasaqarfiata iluani oqaasertaliussanik nutaanik allanngortitanilluunniit imaqanngilaq.

Kontomut pingaarnermut 31.03.34 Meeqqanut akilersuutit meeravissiartaarnerlu kiisalu meeqqanut inuusuttunullu illersuisoqartitsisarneq Kalaallit Nunaanni Naatsorsueqquissaartarfiup ukiumoortumik akigititanik nalimmassaanerata kingorna ukiumoortumik akigititat akuerineqarnerisa kingunerisaanik iluarsineqarput.

Kontomut pingaarnermut 31.03.35 Ernereermermi aningaasaateqarfik inatsisip atuutilersinneqarnerata kingorna siusinnerusukkut SIK-mut suliaasaqarfimmi isumaqatigiissutit appasinnerpaamik akigititaq procentinngorlugu iluarsiiissutitut akigititaq qaffasinnerpaamut iluarsineqarpoq.

Missingersuutininut ilanngussat:

AIS2024-mut sanilliullugu AIS2025-mi aningaasaliissutinut allannguutit.

Naalakkersuisup suliaasaqarfiata iluani konto pingaarnerni aningaasaliissutinut allannguutit Naalakkersuisumit nassuiaatigineqarnissaat ataatsimiititaliamit kissaatigineqarpoq.

Nassuiaateqarnermi pineqartariaqarput konto pingaarnerni aningaasaliissutit allannguutaat akinik akissarsianillu nalinginnaasumik iluarsiiisuteqarnermut tunngasuunngitsut imaluunniit aningaasaliissutit allannguutaat oqartussaaffit allanngortinneqarnerannut taamaallaat tunngasuunngitsut.

Akissut: Siusinnerusukkut aningaasanut inatsisissatut siunnersuutit assingalugit akinik akissarsianillu iluarsiiissutini allannguutit missingersuutininut ilanngussani allanneqarput.

Missingersuutininut ilanngussami kontomut pingaarnermut 31.01.01 Isumaginninnermut, Sulisoqarnermut, Nunamullu Namminermut Naalakkersuisoqarfik, allaffissorneq takuneqarsinnaavoq sulisussarsiornerup, ilinniartut ilinniartitaanissaannut kiisalu isumannaallisaanermut aningaasaliissutit iluanni Namminersorlutik Oqartussat aningaasaliissutaanni kontomut pingaarnermut aningaasaliissutit ukiumut 458.000 kr-inik ilanngarneqartut.

Missingersuutininut ilanngussami kontomut pingaarnermut 31.03.08 Utoqqalinersiat takuneqarsinnaavoq kontomut pingaarnermut aningaasaliissutit ukiumut 8,2 mio. kr-inik qaffanneqartut inatsimmik allannguinermit atatillugu taamaalilluni utoqqalinersiani aapparisaq isertitaanik ilanngaassisoqartarunnaarluni.


Missingersuutininut ilanngussami konto pingarneq 31.07.05 Majoriaq takuneqarsinnaavoq 2025-mi 1,2 mio. kr-inik amerlineqartut Pilersitsiviit piviusunngortinnissaannut atatillugu ineriartortitsinermi suliniutinut.

Missingersuutininut ilanngussami kontomut pingaarnermut 31.08.07 Qinersinermut aningaasartuutit takuneqarsinnaavoq aningaasaliissutit 2026-mi 250.000 kr-inik qaffanneqartut folketingimut



qinersinissap ingerlanneqarnissaanut atasumik aningaasartuutitut. Aningaasartuutit ukiut
sisamakkuutaartumik akilerneqartarnissaat naatsorsuutigineqarpoq.

Inussiarnersumik inuulluaqqusillunga,



Jess Svane



Aningaasaqarnermut Akilersaartarnermullu Ataatsimiititaliaq

Siunersuinissamut aggersagaasimanermit 11. septembari 2024 allakkatigut akissutit

03-11-2024
Sags nr. 2024 - 17991
Dok. nr. 24581694

Siullermik qjanaq aggersaanissinnut aammalu naapinnermut. Soorlu siunersuinissamut aggersagaaninni oqaatigigiga ataatsimiititaliap apeqqutaannik Naalakkersuisut Siulittaasuattut qanoq annertutigisumik akissuteqarsinnaanissara, piffissaliunneqartut patsisaallutik ajoraluartumik killeqartoq. Taamaattumik siunersuinermi apeqqutit ilaanni Naalakkersuisumut susassaqartumut innersuussivunga.

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Apeqqutit akissutinik malitseqartillugit saqqummiunneqarput:

1. Aktiaateqarluni ingerlatseqatigiiffiit Namminersorlutik Oqartussanit pigineqartut inuiaqatigiinni annertooujussuarmik pingaaruteqarput. Tamannalumi aamma ingerlatseqatigiiffinni annerpaani ineriartorneq pillugu aningaasanut inatsisissatut siunnersuummut nalinginnaasumik nassuiaatini Naalakkersuisut saqqummiussineranni erseqqissarneqarpoq. Ingerlatseqatigiiffiit ineriartornerat pillugu Naalakkersuisut nassuiaataannik naliliinissamut tunngatillugu, ataatsimiititaliap isumaa malillugu, naapertuuttuusimassagaluarpoq ingerlatseqatigiiffiit ineriartornerat angusaallu Naalakkersuisut ingerlatseqatigiiffinnut ataasiakkaanut naatsorsuutigisaannik eqquutsinersut takuneqarsinnaasuuppat. Taamaattumik ingerlatseqatigiiffinnut ataasiakkaanut piginnittuunermit periusissiat, taakkulu Inatsisartunit pissarsiarineqarsinnaanissat ataatsimiititaliap maqaasivaa. Ingerlatseqatigiiffinnut piginnittuunermit periusissiat taakku Naalakkersuisut piginnittuunermit ingerlatsinerannik aammalu ingerlatseqatigiiffiit siunertaannik ersarinnerulersitsinnaasut ataatsimiititaliamit qularutigineqanngilaq.

Akissut:

- Piginnittuunermit politikki pillugu isumaqatigiissut malillugu Namminersorlutik Oqartussat aktianik pigineqatigiiffiit piginnittuunermit Naalakkersuisut ingerlatsippat. **Isumaqatigiissut tunngavigalugu aqutsinermit allagaat** ungasinngitsumi saqqummiunneqassaaq. Naalakkersuisut piginnittuunerinut tunngavimmik, matumani piginnittuunermit ingerlatseqatigiiffiit pingaarnertut sinaakkutaannik, Naalakkersuisullu ingerlatseqatigiiffinnut naatsorsuutigisaannik ersersitsinissamut aqutsinermit allagaat siunertaqarpoq.
- Malugalugu, aktianik pigineqatigiiffinnut inatsit naapertorlugu **ingerlatseqatigiiffiit aqutsisui** ingerlatseqatigiiffimmut pitsaanerpaasusaaq pillugu pisariaqartunik aalajangiinissaminnut akisussaaffeqarmata. Tamanna ingerlatseqatigiiffiup ileqqoreqqusaanni piginnittut sinaakkusiussaasa kiisalu inatsit ingerlatseqatigiiffiup tunngavigisaata iluini pisarpoq. Ingerlatseqatigiiffimmi aqutsisut siulersuisut

- qullersaqarfimmilu aqutsisut peqatigalugit ingerlatseqatigiiffiup susassa qarfiisa isumaginissaat akisussaaffigaat.
- Ingerlatseqatigiiffinnut inatsit malillugu siulersuisut qulakkiigassaraat anguniakkat pingaarnert aammalu pilersaarusiortuakkamik ingerlatsineq isumagissallugu. Tassunga ilanngullugu ingerlatseqatigiiffiup suliffeqarfimmik aaqjissuina illersorneqarsinnaassasoq siulersuisut isumagissavaat, soorluttaaq ileqqoreqqusat il.il. eqqarsaatigalugit periusissiatut aalajangersarneqarsimasut malillugit ingerlatseqatigiiffik ingerlanneqarnersoq nakkutigissallugu.
 - Naalackersuisut aktiaatilitut ingerlatseqatigiiffiup pingaarnertigut aqunneqarnera ataatsimeersuarnermi toqqarneqarsimasunut siulersuisunut isumagissannortinnikuuaat. Naalackersuisut ataatsimeersuarnermi pisortatigoortumik sunniuteqartarput, siulersuisulli siulittaasuat ataavartumik ataatsimeeqatigineqarsinnaasarpoq tassa **eqeersimaartumik piginnittuuneq**-mik taallugu ingerlatsineq. Pingaartumik naapinnissaq ilaatigut tassangaannartumik pisariaqalersinnaasarpoq. Taamaaliornikkut suliffeqarfiit inuiaqatigiinniit pigineqartut eqeersimaartumik piginnittuunerminik ingerlatsivigineqarput.
 - Naalackersuisut eqqarsaatigaat isumaqatigiissuteqarfigineqarsimasut peqatigalugit ingerlatseqatigiiffinnut periusissioinnissaq, taassumallu kingorna ileqqoreqqusanik nutarterisinnaanissaq, tamanna pissaaq ingerlatseqatigiiffinnut ataasiakkaanut tulluussakkamik siumullu isigisumik pilersaarusiornikkut.

Tusass pillugu paasissutissat eqqarsaatigalugit ataatsimiititaliaq ima oqaaseqaatissaqarlunilu apeqqutissaqarpoq:

2. Ingerlatseqatigiiffiup pitsaasumik angusaqarsimanagera aammalu ingerlatseqatigiiffiit sinnerinut sanilliullugu ingerlatseqatigiiffiup kisitsisaataasa pingaarnert pitsaaneruserutut isikkoqarnerat ataatsimiititaliamit nuannaarutigineqarpoq. Aammattaaq ataatsimiititaliamit oqaatigineqassaaq ingerlatseqatigiiffiup akiitsui ernialersukkat minusimiimata. Ataatsimiititaliamilli aamma maluginiarneqarpoq nammineq taama annertutigisumik aningaasalersuineq ingerlaannartussat naatsorsuutigineqanngimmat, tassa attaveqaasersuutitut aningaasalersuutissat pilersaarutaasut avataanit aningaasaliisoqarnissanik pisariaqartitsiffiusussat naatsorsuutigineqarmata.
 - 2.1. Attaveqaasersuutitut aningaasalersuinerit qanoq ittut ingerlatseqatigiiffimmit pilersaarutigineqarnerat pillugu ilisimatinneqarnissaq ataatsimiititaliamit kissaatigineqarpoq. Tamatuma peqatigisaanik imaani kabelinut tunngatillugu upalungaarsimanagermi pissutsit qanoq innerat pillugu ilisimatinneqarnissaa ataatsimiititaliap kissaatigaa.

Akissut:

Inatsisit, ileqqoreqqusat, nalinginnaasumillu ingerlatsineq ingerlatseqatigiiffiit akisussaaffigisaat aallaavigalugit attaveqaasersuutit pisariaqavissut qulakkeernissaat ingerlatseqatigiiffiup akisussaaffigaa.

Tusass-imit akissut:

"Periusissiasamat ilaasutut 2030-p tungaanut aningaasaqarnermut pilersaarut Tusass-ip suliaraa. Tulliuttut pingaarnertut agguataarsimalluni aningaasaliinissamik annertuumik pisariaqartitsineq pilersaarutip takutipkaa:

- Qaqortumit Aasiannut saniatigut imaatigut kabeliliinissamut, kabelillu Ilulissanut ingerlatinnissaanut aningaasaliineq. Immap naqqani misissuinerit ingerlanneqareerlutik, nunamilu stationit massakkut ingerlanneqarlutik pilersaarut 2023-mili ingerlavoq. Taamaakkaluartoq kabeli 900 mio. koruuninik akeqassangatinneqartoq aningaasaliiffigineqarnerpaasussaavoq, taamaattumillu ilaatigut taarsigassarsinikkut aningaasalersorneqartariaqassalluni. Aningaasalersuinissami pilersaarutitsinni EU-mit tapiiffigitinnissaq naatsorsuutigaarput.
- Tier3 datacenterissamut nutaamut aningaasaliinissaq 100-150 mio.-ninut missiliorneqarpoq.
- Access-inut aamma backhaulteknologinut (5G-t, fiber-it, qaammataasiat, attaveqaatitigut sakkortusaaviit, IP netværkit il.il.) 500 mio. koruunit missaannik aningaasaliinissat. Taassumap saniatigut atortut (nutaanngilillutik) atorunnaarnissaat pinngitsoortinniarlugu ukiumut 100 mio. koruunit missaannut missiliorneqartut "nalinginnaasumik" aningaasaliinerit ilanngullugit.

Taamaalilluni ataatsimut isigalugu ukiunut tulliuuttunut 4-5-inut 1,5-2 mia. koruuninik aningaasaliisoqarnissaanik pisariaqartitsivugut, tamatumani ilaatigut taarsigassarsinissaq pisariaqassalluni. Taamaakkaluartoq Tusass ullumikkut akiitsoqanngilaq, sillimatinillu aningaasaateqarluarluni, taamaattumik taarsigassarsinikkut aningaasalersuinissaq unammillernartussaqaarsorinngilarput. Ilutigisaanik EU-mit tapiiffigineqarnikkut, nunat tamalaat akornanni suleqateqarniarnikkut kiisalu annertuumik aningaasaliinissat tungaannut aningaasaatitta sapinngisamik amerlisarneqarnerisigut taarsigassarsinissami pisariaqartitsineq minnerpaaffimmiisinniarsarissavarput."

"Immap naqqatigut kabelip 2019-imi kipineqarneratut misigisaqaqqikkumanata, Kalaallit Nunaata iluani eqqaaneqartutut sineriak sinerlugu saniatigut immap naqqatigut nutaanik kabeliliinissaq sulissutigineqarpoq."

Taaneqartoq EU-mit taperneqarsinnaanermut tunngasut annerusumik immikkut ataatsimiititaliamut paasissutissiissutigineqassapput.

- 2.2. Illoqarfinnut mikinerusunut siunissami kiffartuussinissamik neqeroorutitut tunngasut ataatsimut isigalugu qanoq ippat?

Tusass-imit akissut:

"Illoqarfinnut mikinerusunut kiffartuussinermik neqeroorutiminik pitsanngorsaaniarluni Tusass-ip suli sulissutiginiarpaa, soorlu ilaatigut qanittukkut akinik annertuumik appaanikkut, qaammataasiaqarfinnullu (Qaanaamut, Savissivimmu, Illoqqortoormiun, Tasiilamut aamma savaatilinnut) sukkatsisaanikkut pisoq."

Najungaqarfiit mikinerusut pillugit ineriartortitsineq, qulaani taaneqartoq, annerusumik immikkut ataatsimiititaliamut paasissutissiissutigineqassaaq.

KNi pillugu paasissutissat eqqarsaatigalugit ataatsimiititaliaq ima oqaaseqaatissaqarlunilu apequtissaqarpoq:

3. Ingerlatseqatigiiffiup naammaginarumik angusaqarsimanera ingerlatseqatigiiffiullu kisitsisaataasa pingarnerit naammaginaruunerat ataatsimiititaliamit nuannaarutigineqarpoq. Ingerlatseqatigiiffik iluanaarutininik piginnittumut

akiliuteqanngitsoq ataatsimiititaliamit maluginiarneqarpoq. Ingerlatseqatigiiffiup ukiuni aggersuni ingerlatassaanut Naalakkersuisunut qanoq naatsorsuuteqarpat?

- 3.1. Ingerlatseqatigiiffiup angusaasa naammaginernerat ingerlatseqatigiiffiup isorliunerusuni nioqqutissanik aningaaseriveqarnikkullu pilersuinerani akit sullissinerullu pitsaanerulernerisigut sunniuteqarluassasoq Naalakkersuisunit naatsorsuutigineqarpa?

Akissut:

Piginnittuunermut politikki naapertorlugu sinneqartoorutit ikummatissanut imerpalasunut akikillisaatit atorneqarput. Ikummatissanik immikkoortorta qarfimmi ukiuni kingullerni marluusuni annertuumik sinneqartoorutit 2024-mi apriliip aallaqqaataa aallarnerfigalugu, atuisunut iluaqutissanngorlugu akit ineriartornerinut akikillisaatit atorneqarneqarput. Qularnaarinerit, sinneqartoorutinillu atuisunut immikkoortitsinerup kingunerisaanik, Danmarkimi ikummatissanut akinut akitsuutitaqanngitsunut sanilliullugu 2024-mi apriliip aallaqqaataani literimut akit 2,50 koruunit missaannik sulii akikinnerupput. Danmarkimi akigititani, nunarsuarmi niuernerimi akigititit aallaavigineqarput. Takuuk KNI-p 2023-24-mut ukiumoortumik nalunaarusiaa, kisitsisit tassannga aaneqarput.

Imminut Pilersornermit pisortaqarfimmit akissut:

"Kingullertut ukiumoortumik nalunaarusiami KNI-p annertuumik sinneqartooruteqarnera, nioqqutissanut immikkoortorta qarfimmeeratit, ikummatissanik immikkoortorta qarfimmeerput.

Nioqqutissanut immikkoortorta qarfimmi ukiumi angusaq 29,8 mio. koruuninik sinneqartooruteqarfiuvoq. Nioqqutissanut immikkoortorta qarfiup aningaasaliineri, sinneqartooruteqarnikkullu taamaallaat aningaasalersorneqarsinnaasut eqqarsaatigalugit angusaq naammangilaq. Namminersorlutik Oqartussat aamma KNI A/S-ip sinaakkutissatut isumaqatigiissutaat naapertorlugu, ingerlatseqatigiiffiup immikkoortorta qarfiisa ataasiakkaat akornanni aningaasanik nussuisoqarsinnaanngilaq. Taamaattumik ikummatissanik immikkoortorta qarfimmi sinneqartoorutit assersuutigalugu Pilersuisumi akinik appaanissanut imaluunniit aningaasaliinissanut atorneqaqqusaanngillat.

Naalakkersuisut Siulittaasuata Naalakkersuisoqarfianit, Aningaasaqarnermut Akileraartarnermullu Naalakkersuisoqarfimmit, Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfimmit kiisalu KNI A/S-imit inuttalerlugu suleqatigiissitaq Naalakkersuisunit pilersinneqarpoq, tassani nioqqutissanut aamma ikummatissanut immikkoortorta qarfimmut nassuiaasiornissaq siunertaalluni. Siunissamut ungasinnerusumut sinaakkutissat qulaajarneqarnissaat kiisalu nioqqutissanut immikkoortorta qarfimmut isumaqatigiissusiornissaq siunertaralugit, tassuunakkullu KNI A/S niuerfimmi unammillernartunik iliuuseqarnissaminut periarfissagissaarnerulissalluni nioqqutissanut immikkoortorta qarfik pillugu isumaqatiginninniarnertit, suleqatigiissitap Naalakkersuisut pilersissimasaata piaartumik aallarteqqissinnaassagai naatsorsuutigineqarpoq."

- 3.2. Kingullertigut ineriartorneq pissutigalugu ingerlatsinerup, suliassanik isumaginninnerup aningaasaliinerillu pitsaanerulernissaat anguniarlugu ingerlatseqatigiiffimmut periusissiamik nalunaarusiamilluunniit suliaqartoqalersaarpa?

Akissut:

3.1-imi akissut innersuunneqarpoq.

KNI-mit akissut:

"Ingerlatseqatigiiffiup aningaasaleeqqinnissaminut pisariaqartitsinerata qulakkeerneqarnissaanut isertitat qulakkeerneqarnissaannik siunertaqarluni periusissiaq tunngavigalugu KNI sulivoq. Ingerlatseqatigiiffiup periusissiaani ima allassimavoq:

"KNI-p aningaasaqarnera ataqatigiillunilu oqimaaqatigiissaaq

Imaappoq, ingerlatseqatigiiffik, ingerlatseqatigiiffiup qitiusumik siunertaata pisussaaffiisalu attatiinneqarnissaannut pisariaqartitamit annerusumik ingerlatseqatigiiffik isertitaqassanngitsoq. KNI qitiusumik sullissinerminik ingerlatsisinnaaqqullugu sinneqartoorutit attaveqaatitsinnut, systemitsinnut sulisutsinnullu aningaasaliinissamut atorneqartarput."

Tamanna Ikummatissanut immikkoortortaqaarfimmi qulakkeerneqarsinnaavoq, illuatungaani aaqqissuussaaniikkut unammillernartut kingunerisaannik niuernermit tassuunakkut isaatitsinerup eqqugaaqqaneranik Nioqqutissanut immikkoortortaqaarfik unammillernartitaqarluni:

- *Ataavartumik nutsernerit, tassani innuttaasut nioqqutissanut immikkoortortaqaarfiup immikkoortortaqaarfiinit illoqarfinnut anginerusunut ukiumut nuuttartut 200-300-llutik, assigiinnarpaa ukiumut isertitanut 2-3 mio. koruuninik annaasaqartarnej.*
- *Mittarfiit nutaat najugaqariaatsimut sunniisinnaassusaat kiisalu Kangerlussuarmi akitsuutitaqanngitsunit pisiniarfiup isertitaqarunnaarnerani (taassumap Kangerlussuarmi aamma Narsarsuarmi pisiniarfinnik ingerlatsinermut aningaasartuutit matussusertarsimagaluarpai).*
- *Sullitanik angisuunik marlunnik, massakkut immiaaqqanik, imeruersaatinillu Danmarkimit toqqaannartumik massakkut nammineerluni pisiortortunik, tuniniaasunillu KNI annaasaqarluni, imeruersaatit immiaaqqallu puui pillugit nalunaarutip nutaap kingunerisaanik*

Siuliani taakkartorneqarlutik unammillernartut Ingerlatseqatigiiffiup aamma Naalakkersuisut akornanni oqaloqatigiinnermi ilaatinneqarput, tassani siunissamut ungasinnerusumut inerniliussassaq 2024-p ukiaani anguneqassasoq anguniarneqarluni.

Taassumap saniatigut ingerlatseqatigiiffiup periusissiaani ingerlatsinerminik pitsanngorsaanissaq immikkut sammisatut allassimavoq, tassani pitsanngorsaanissat, aningaasartuutillu annikillisinneqarnissaat siunertaralugu arlalitsigut suliniuteqarnikkut niuernerminik piusumik ataavartumik pitsanngorsasariaqarneq pineqarluni. Tassunga tunngatillugu ingerlatseqatigiiffimmut nutaatut isaatitsissutigineqarsinnaasut malersorneqarnissaat periusissiami ukkatarineqarpoq.

Ingerlatseqatigiiffiup suliaasaanik isumaginninnerup pitsanngorsarnissanik KNI ataavartumik sulissuteqarpoq. Taamaattumik ingerlatseqatigiiffiup ingerlataasa, nakkutilliineralu pitsanngorsarneqarnissaa eqqarsaatigalugu, suliniut annertoq ilaatigut ingerlanneqarluni.

KNI-p ullumikkut qarasaasiatigut systemii pisoqaleqqapput, taakkulu taarserneqarnissaat sulissutigineqarluni. Siunissamut ungasinnerusumut pitsanngorsaanissamut, suliaassallu isumaginissaani systemit nutaat pisariaqarput."

- 3.3. Neqi A/S inuussutissalerinermi tunitsivittut tunisassiorfittullu ingerlatseqatigiif-fiuvoq, KNI-li niuernikkut ingerlatseqatigiiffiulluni. Pitsaanerussanngila Neqi A/S Royal Greenland A/S-ip inuussutissanik tunisassiornermik annertuumik aamma misilittagaqartup ataaniituppat? Ataatsimiititaliap naatsorsuutigaa, Royal Greenland A/S-ip Neqi A/S tapersorsorluarsinnaassagaa?

Akissut:

Neqi Royal Greenlandimut nuutsissallugu Naalakkersuisut **MASSAKKUT** eqqarsaatiginngilaat. Neqip siunissaanut ataavartussanik, piujuartussanillu aaqqiissutissarsiorussamik, allaffissornikkut suleqatigiissitamik Naalakkersuisut pilersitsinikuupput, suliaq taanna 2025-p aallartinnerani naammassissanganineqarpoq.

- 3.4. Sumiiffinni KNI-p ingerlataqarfigisaani pitsaasumik unammilleqatigiittoqarneranik KNI pilersitseqataava aammalu najukkami unammillertigisanut sanilliullugu KNI qanoq akeqartitsiva?

Akissut:

KNI-mi nioqqutissanut immikkoortotaqarfimmi akinik misissueqqissaartoqassasoq Naalakkersuisut sulissutigerusuppaat. Misissueqqissaartoqareerpat paasissutissat pigineqalissapput.

KNI-mit akissut:

"Nuna tamakkerlugu pisiniarfinni assigiimmik akeqartitsinissamik KNI aalajangersaasarpoq, taamaattumillu assartuinnermut, ukiuunerani pilersuinissami toqqorsivimmi inissaqassusermut il.il. aningaasartuutitut nikingassutaasinnaasut nalimmassartarlugit. Namminersortunut sanilliullugu ilisimaaralugu appasinnerusunik akeqartitsinikkut, peqqinnanngitsumik unammilleqatigiinnissamut KNI tapertaaneq ajorpoq. Taamaakkaluortoq KNI-mi nioqqutigineqartut ilaat akikinnerunerinut patsisaasut assigiinngissinnaasarput, tassani assersuutigalugu namminersortut (kioskit) nalinginnaasumik sivilisinerusunik ammasarnermikkut, ikinnerusunik pisiortortarnermikkut il.il. nioqqutissanik akisunerutitsikkajuttarmata. Taamatut akilersueriaaseqarneq nalinginnaasumik atugassanik pisiniarfimmik ingerlatsineruvoq, sumilu tamaani takussaalluni."

- 3.5. Ulluinnarni nioqqutissanut suliassaqaarfiup iluani akigititanik misissueqqissaartoqarsimava. Taamaassimappat taanna ataatsimiititaliamit ujartorneqarpoq.

Akissut:

Nioqqutissanut akigititanik suli misissueqqissaartoqanngilaq. Ileqquusumik ataatsimeersuarnermi Naalakkersuisut KNI-mi aqutsisut peqqaat, nioqqutissanik immikkoortotaqarfiup pisiniarfiutaanni nioqqutissat assigiit naleqqutinngitsumik assigiinngitsunik akeqartinneqarnerisa annikillisinneqarnissaat ukkatarissagaat. Taassumap saniatigut Naalakkersuisut paasissutissiissutigissavaat, nioqqutissanik immikkoortotaqarfimmi akigititat pillugit misissueqqissaartoqarnissaa suliniutigineqarmat.

Royal Greenland (RG) pillugu paasissutissat eqqarsaatigalugit ataatsimiititaliaq ima oqaaseqaatissaqarlunilu apeqquutissaqarpoq:

4. RG-p akiitsui erniallit ilanngaaseriikkat 2023-mi 2.960 mio. kr.-iusut aammalu amigartooruteqarlunilu kisitsisaatai pingaarnerit minusimiittut paasissutissiissutigineqarpoq. Aammattaaq ingerlatseqatigiiffinnit qupperneq 181-

imi naatsorsuutunut kingullernut takussutissiaq 6-imi ilanngunneqarsimasunit RG-p akiliisinnaassuseqarnera appasinnerpaamiippoq.

- 4.1. RG-p akiitsui annertooujussuit kiisalu ingerlatsinermut amigartooruteqarnera Namminersorlutik Oqartussat nalinginnaasumik akiligassarsisinnaassuseqarneranut qanoq sunniuteqassappat?

Aningaasaqarnermut pisortaqaarfimmit akissut:

"Namminersorlutik Oqartussat taarsigassarsinissamut periarfissaat, aamma Namminersorlutik Oqartussat ingerlatseqatigiiffiit taarsigassarsinissamut periarfissaasut qanimut ataqatigiipput. Namminersorlutik Oqartussat, ingerlatseqatigiiffiillu taarsigassarsitinnissaanni tatiginassusaat taarsigassarsisitsisartut, suliffeqarfiillu aningaasalersuisartut immikkut naliliinnarnagu, ataatsimut isigalugit naliliiffikkajuttarpaat. Taassumap kingunerisaanik Namminersorlutik Oqartussat aarlerinassusaanut tamarmiusumut taarsigassarsisitsisartut isiginnittaasiannut, ingerlatseqatigiiffiit aningaasaqarnikkut inissisimanagerat, akiitsoqarnermilu pisussaaffii toqqaannartumik sunniuteqarsinnaapput. Taamaalilluni ingerlatseqatigiiffiit taarsigassarsitillugit Namminersorlutik Oqartussat siunissami pitsaasunik piunasaqaatitalinnik taarsigassarsinissamut periarfissaannut toqqaannangikkaluartumik sunniuteqartarpoq. Taamaattumik nunatta karsianit taarsigassarsisitsisinnaaneq ilaannikkut killeqarsinnaasarpoq imaluunniit ingerlatsineqatigiiffiit akiitsuinit sunnertissimasinnaasarluni. Namminersorlutik Oqartussat, ataatsimut isigalugu, massakkut killilimmik akiitsoqarput."

Malugalugu ingerlatseqatigiiffik kilisaatinut nutaanut pisariaqartumik aningaasaliisimammatt, akiitsullu akiitsorineqarnerini qitiusumik tunisassiaasartut raajat, qalerallit, saarullillu niuernermi akii apparnerinik eqqugaasimavoq. Royal Greenland ingerlatsinermik pitsanngorsaaniarluni, aningaasartuutikillisaaniarlunilu suliffeqarfissuarmi sunik tamanik misissuilluni ingerlatseqatigiiffik iluarseeqqinnissamut pilersaarusiuleruttarpoq. Taamaakkaluartoq suliassaq tamanna piffissarnartarpoq, aatsaallu ukiut marluk-pingasut qaangiuppata RG-mut tamakkiisumik aatsaat malunniutissalluni.

Akiitsorneq pillugu Namminersorlutik Oqartussat Aktianik piginneqatigiiffiit Naalakkersuisut periusissileruttarput.

- 4.2. Ingerlatsinermi sinneqartooruteqarnikkut RG-p akiitsorpassuisa ingerlaavartumik akilersorneqarsinnaanissaat ataatsimiititaliamit pingaaruteqartut isigineqarpoq. Taamaangippammi amerlanerusunik aningaasaleeqittoqartariaqassaaq, soorlu tamanna siusinnerusukkat pisimasoq. Ingerlatseqatigiiffiup siunissami sinneqartooruteqarnissaa naatsorsuutigineqarsinnaanersoq Naalakkersuisunit paasissutissiis-sutigineqarsinnaava? Tassunga atatillugu Naalakkersuisunit suli naatsorsuutigineqarpa ingerlatseqatigiiffiup 2024-mi angusai 75 – 150 mio. kr.-iussasut?

Akissut:

Naalakkersuisut naatsorsuutigaat, Royal Greenlandimut aningaasaliinissaq pisariaqassanngitsoq. Taassumap saniatigut ingerlatseqatigiiffiup kingullertut Naalakkersuisunut nalunaaruteqarneratigut naatsorsuutigineqarpoq, ingerlatseqatigiiffiup iluarseeqqinnissamut periusissiaata kingunerisaanik ingerlatseqatigiiffik pitsaasunik angusaqartaleqqissasoq ukioq manna aallartittumik.

Royal Greenlandimit akissut:

"Sipaaruteqarnikkut, pitsanngorsaaniikkullu ingerlatseqatigiiffiup aningaasaqarneranik nukittorsaanissamik siunertaqartumik Royal Greenland iluarseeqqinnissamut annertuumik pilersaaruteqarpoq. Pilersaarut pitsaasumik sunniuteqalereerpoq, naatsorsuutigaaarpullu 2024-mi annertuumik pitsanngorsaanerut tapertaassasoq. Taamaakkaluartoq pilersaarut 2025-mit tamakkiisumik aatsaat sunniuteqalissammat oqaatigissallugu pingaaruteqarpoq. Ukiup affakkuutaartumik nalunaaruteqarnitsinnik eqqaaneqartut, 2024-mi akileraarutit sioqqullugit pitsaasumik angusaqassalluta suli naatsorsuutigaaarpur, kisiannili angusassatut 75-150 mio. koruunit taaneqartut angussagutsigit avataani pisut, soorlu assersuutigalugu niuernermi pissutsit, tunisassiallu akii kiisalu massakkut suliniutit sunniutissaat apeqqutaassapput."

- 4.3. Aalisarneq pillugu inatsit akuerineqaqqammersoq RG-p ingerlatsinikkut aningaasaqarneranut pitsaasumik tapeeqataaqataasinnaanera Naalakkersuisunit naatsorsuutigineqarpa?

Piniarnermut Aalisarnermullu Naalakkersuisoqarfimmit akissut:

"Aalisarneq pillugu Inatsit akuersissutigineqaqqammersoq, Royal Greenland A/S-ip ingerlatsinermi aningaasaqarneranut siunissami qaninnerusumi sunniuteqassasoq Naalakkersuisut naatsorsuutiginnilaat."

Paasissutissat annertunerusut Aalisarnermut Piniarnermullu Naalakkersuisumut piniarneqarsinnaapput.

- 4.4. Aalisarneq pillugu inatsisip akuerineqarnerata nassatarisaanik naleqqussaaniissat suut Royal Greenlandimit pisariaqartinneqassappat?

Akissut:

Naleqqussaaniissat Inatsisartut aalajangigaat malillugit naleqqussaassanerluni ingerlatseqatigiiffiup nammineq aalajangigassaraa, aalisarnerlu pillugu inatsisip akuersissutigineqartup ingerlatseqatigiiffimmut kingunissai pillugit Naalakkersuisut ingerlatseqatigiiffimmik oqaloqatigiinnissaq naatsorsuutigaat.

- 4.5. Tunisinerup nunamilu tunisassiornerup ingerlatatut aningaasaqarnikkut sinneqartooruteqarfiullunilu imminut akilersinnaasutut pitsaasumik iluaqutaasinnaanerat Naalakkersuisunit qanoq naatsorsuuteqarfiua?

Aalisarnermut Piniarnermullu Naalakkersuisoqarfimmit akissut:

"Ataatsimut isigalugu nunami tunisassiornermut Naalakkersuisut, Inatsisartullu sinaakuttissanik aalajangersaasarput, tunisassianilli ineriartortitsinissaq inuussutissarsiorfimmiiippoq. Aalisarnerup, niuerfiillu ineriartornerinut inuussutissarsiut tunisassiornermik ataavartumik naleqqussaassasoq naatsorsuutigineqartariaqarpoq. Taamaallunilu aalisarneq pillugu inatsisip nutaap kingunerisaanik aalisarnerup siunissami ineriartornissaa, nunami tunisassiornerup ineriartorneranut sunniuteqarsinnaassasoq naatsorsuutigineqarpoq. Nunami tunisassiorneq suliffissaqartitsiniaqataalluni, najukkamilu inuussutissarsiornermut aningaasatigut pitsaasumik sunniuteqarluni najukkap aningaasaqarneranut pingaaruteqarpoq. Taamaattumik aalisarneq pillugu inatsisip nutaap kungunerisaanik nunami tunisassiorfinnik pilersitsinissaq pillugu aalajangiinissaq kommnuninut ingerlateqqinneqarpoq, tamannalu najukkami pitsaanagerusumik pilersaarusiornissamut, inuussutissarsiutinillu ineriartortitsilluarnissamut tunngaviliissalluni."

- 4.6. Suliffeqarfiit allat assigalugit RG sulisussarsiortarnermik sulisunillu attassiinnar-niarnermik ajornartorsiuteqarpa?

Royal Greenlandimit akissut:

"Suliffeqarfiit allat assigalugit sulisussarsiortarnermik, sulisunillu piukkunnaatilinnik attassiinnarniarnermik Royal Greenland unammillernartitaqartarpoq, pingaartumik aalisarnerup, suliarinninnerup, teknologillu iluani. Tamanna iliuseqarfiginiarlugu piginnaasatsinnut nukittorsaataasinnaasumik, Royal Greenlandillu nunarsuarmi suliffeqarfittut inissisimaneranut tapersersuisinnaasumik nunarsuatsinni eqeersimaartumik sulisussarsiortarneq sulissutigisarpaput. Ilutigisaanik suliffeqarfiup pilerinarsarneqarnissaa aamma sulilersitsisarnermut periusissiatta, matumani ilinniarfeqarfinnik, najukkamilu suliffeqarfinnik suleqateqarnigut ilanngullugit pitsanngorsarneqarnissaat ukkatararpaput. Taassumap saniatigut sulisooreersut ineriartortinniarlugit, pigiinnarniarlugillu piginnaanngorsaanernik aallartitsinikuuvugut."

- 4.7. Illuatungaatigut takorlooraanni aalisakkanik imaani tamakkiisumik tunisassiorto-qartoq nunami sulisussaraluit qanoq amerlatigisut allami atorineqarsinnaalissagaluarpap?

Akissut:

Aalisarnermut Piniarnermullu Naalakkersuisoq inussiarnersumik innersuussutigineqarpoq.

- 4.8. Nunani allani qassini RG ingerlataqarpa ingerlatallu taakku RG-p tamakkiisumik aningaasaqarneranut qanoq tapeeqataasarpap?

Royal Greenlandimit akissut:

"Royal Greenland nunarsuarmi niuerfiit 48-t akimorlugit ingerlatsivoq, nunamilu arfineq-pingasuni, matumani Sverige, Norge, Danmark, Tyskland, Storbritannien, Italien, Japan aamma USA ilanngullugit tuniniaanermik ingerlatsiveqarluni. Nunat tamalaat akornanni ingerlatagut suliffeqarfiup aningaasaqarneranut annertuumik tapertaasarpap, pingaartumik Asiamut, Europamut, Amerikallu Avannaanut avammut tunisisarnikkut. Tunisassiorneq eqqarsaatigalugu Kalaallit Nunaanni, Newfoundlandimi (Atlantic Canada), Nova Scotiamimi (Atlantic Canada), Europami Cuxhavenimi aamma Chilemi ingerlatsivugut."

Newfoundlandimi, Nova Scotiamilu pingaartumik saattuanik aallaaveqarpap, isertitanullu sunniuteqarluarluni. Cuxhavenimi nipisat suaat, raajallu sulerineqarlutillu poortorneqartarpap, Europamilu nioqqutissiorfinnit, nerisassiorfinniillu piumasaqaatit naammassiumallugit tamanna pisariaqarluni. Kalaallit Nunaannit tunisassianit isertitaqarnissamat taamatut ingerlatsineq pingaaruteqarpoq, naak nipisat suaannik tunisassiorneq ataatsimut isigalugu amigartooruteqarnermik nassataqaraluartoq."

- 4.9. Aalisakkanik uumatitsiviit pillugit suliniut qanoq ingerlava? Uumatitsivinnik pitsanngorsaalluni sulineq qanoq ingerlava?

Akissut:

Piniarnermut Aalisarnermullu Naalakkersuisoq inussiarnersumik innersuussutigineqarpoq.

Kalaallit Airports Holding A/S pillugu paasissutissat eqqarsaatigalugit ataatsimiititaliaq ima oqaaseqaatissaqarlunilu apeqqutissaqarpoq:

5. Qaqortumi mittarfimmut aqqut qullilersugaanngitsoq Qaqortumi missingersuutit pillugit isumasioqatigiinnermi ataatsimiititaliaq ilisimatinneqarpoq. Tamatumunnga suna pissutaava?

Akissut:

Ineqarnermut Attaveqaasersuutinullu Naalakkersuisoq inussiarnersumik innersuussutigineqarpoq.

- 5.1. Mittarfeqarfiit A/S-imut tunngatillugu mittarfiit aammalu qulimiguulinnut mittarfiit sorliit Mittarfeqarfiit 42,4 mio. kr.-inik sinneqartooruteqarnerannut peqataaqataanersut sorliillu peqataaqataannginnersut paasissutissiissutigineqassasoq ataatsimiititaliamit kissaatigineqarpoq?

Greenland Airportsimit akissut:

"Greenland Airports Regional A/S-ip katillugit mittarfiit 13-it, qulimiguulinnullu mittarfiit 46-t missaanniittut ingerlanneqarnerat ullumikkut isumagisarai.

Mittarfiit tulliuttut sinneqartooruteqarnermut tapertaapput:

- Nuuk
- Ilulissat
- Sisimiut
- Kangerlussuaq
- Narsarsuaq*

** Hotel Narsarsuarmi ingerlatsineq ilanngunneqassappat, Narsarsuarmi Mittarfik sinneqartooruteqarnermut tapertaanngilaq. Qulimiguulinnut mittarfiit eqqarsaatigalugit, arlaannaalluunniit sinneqartooruteqarnermut tapertaanngilaq."*

- 5.2. Nuup, Ilulissallu akornanni nassiussalerinissaq Air Greenlandimut periarfissatut Naalakkersuisut isigaat?

Akissut:

Ineqarnermut Attaveqaasersuutinullu Naalakkersuisoq inussiarnersumik innersuussutigineqarpoq.

- 5.3. Mittarfinnik aaqqissuussinerup nutaap ilaasunik nalinginnaasumik kiffartuussinerup suliassanillu isumaginninnerup annertunerulerneranik kinguneqarsinnaanera Naalakkersuisunit qanoq naatsorsuuteqarfigineqarpa. Tassunga atatillugu minnerunngitsumik piffiit kiffartuussinissamik isumaqatigiissuteqarfiusut tikinneqartarnerisa pitsanngornera aamma ilanngullugu ilaasunik angallassinermik suliassap ataatsimut isigalugu pitsanngoriartinneqarneranut peqataaqataasussamik aningaasaleeqqitto-qarnissaa naatsorsuutigineqarsinnaava?

Akissut:

Ineqarnermut Attaveqaasersuutinullu Naalakkersuisoq inussiarnersumik innersuussutigineqarpoq.

Royal Arctic Line pillugu paasisutissat eqqarsaatigalugit ataatsimiititaliaq ima oqaaseqaatissaqarlunilu apeqqutissaqarpoq:

6. Arctic Umiaq Linep inissisimanagerata pingaarnerusutigut sukumiisumik nassuiaatigineqarnissaa ataatsimiititaliamit kissaatigineqarpoq?

Akissut:

Arctic Umiaq Line pillugu allakkiaq uunga allakkamut ilaliunneqartoq innersuussiffigineqarpoq.

- 6.1. Arctic Umiaq Linep ingerlatai aammalu Air Greenlandip ingerlatai kiffartuus-sinissamik isumaqatigiissuteqarfiusut imminnut taputartuuffeqarpat?

Attaveqaasersuutininut pisortaqarfimmiit akissut:

"Innuttaasut umiarsuarnissaannik imaluunniit timmisartornissaannik neqeroorfigalutigit, sumiiffinni arlalinni marlunnik periutsimik tunngavilimmik angallasseriaaseqarpugut.

Ilisimaneqartutut sila patsisaalluni nunap iluani angalaniarneq annertuumik unammillernarsinnaasarmat, innuttaasut angalanissamut periarfissaannik aalaakkaatitsinissamik qulakkeeraluni, marlunnik periutsimik tunngavilimmik angallasseriaatsip allanngorsinnaanerani kinguneqarpoq."

Air Greenland pillugu paasisutissat eqqarsaatigalugit ataatsimiititaliaq ima oqaaseqaatissaqarlunilu apeqqutissaqarpoq:

7. Ataatsimiititaliap Savalimmiunut paasisassarsiorluni angalanerani oqaatigineqarpoq SAS-ip unammillernera Atlantic Airwaysimut iluaqutaasoq. Mittarfiit nutaat atuutilerani unammillerneqarnissaq Air Greenlandimit qanoq piareersarfigineqarpa?

Air Greenlandimit akissut:

"Kalaallit Nunaanni mittarfittaassat ammarpata naatsorsuutigisamik unammillerneqarnissaq iliuuseqarfigiumallugu, pilersaarusiornikkut piareersaaterpaalunnik Air Greenland aallartitsinikuuvoq. Tassunga atatillugu timmisartuutininut nutarsaaneq, LEAN-imik atuutsilersitsineq, unnuisarfinni inissaqassutsip annertusineqarnissaata ukkatarineqarnera, niuernermik tungavilimmik aaqqissuussisimanagerit nutaat, sulisunik sungiusaaneq piginnaanngorsaanerlu, isumaqatigiissutilerineq, nukinnik atuilluarnerneq il.il. eqqaaneqarsinnaapput. Kiisalu assersuutigalugu SAR-ip, Illersornissaqarfimmut suliassat il.il. iluani periarfissat, isertitsinissamut periarfissat nutaat ukkataragaat."

8. Konto pingaarnep 10.98.02-ip, Nuna tamakkerlugu digitalinngortitsinissamut periusissiap atuutileranerani tunngasup, ataani allassimavoq siuariartorneq pillugu ukiumoortumik nalunaarusiamik Aningaasaqarnermut Akileraartarnermullu Ataatsimiititaliamut tunniussisoqartassasoq. 2023-mi aamma 2024-mi ataatsimiititaliamut nalunaaruteqartoqarsimannginnera ataatsimiititaliamit oqaatigineqassaaq. 2024-mi aningaasanut inatsisissatut siunnersuummik ataatsimiititaliap suliarinninnerani atatillugu nalunaarusiaq ataatsimiititaliamit ujartroneqaralarpoq, tassungalu Naalakkarsuisut paasisutissiissutigaaq Nuna Tamakkerlugu Digitalinngortitsinissamut periusissiap nutaap, 2023-mi oktoberip aallartinnerani akuerineqartussatut naatsorsuutigineqartup, saqqummiunneqarnera malitsigalu nalunaaruteqarneq pissasoq.

- 8.1. Tassunga atatillugu nuna tamakkerlugu digitalinngortitsinissap atuutilersinneqarnissaanik suliap siuariartornera killiffialu pillugu nalunaarusiaq ataatsimiititaliamit ujartorneqarpoq.

Akissut:

2018-imit 2021 tikillugu digitalinngortitsinissamut periusissiamut, Digitalinngortitsinermut Aqutsisoqarfik inaarutaasumik nalunaarusioqquneqarpoq. Tiguneqariarpat ataatsimiititaliamut ingerlateqqinneqassaaq.

- 8.2. 2023-2026-mut digitalinngortitsinissamut periusissiaq 2023-p qiteqqunnerani tamanut tusarniutigineqarmat ataatsimiititaliamit oqaatigineqassaaq. Taamaattumillu 2025-mut aningaasanut inatsisissatut siunnersuummi konto pingaarnerup 10.98.02-ip, Nuna tamakkerlugu digitalinngortitsinissamut periusissiap atuutilerneranut tunngasup, ataani nuna tamakkerlugu digitalinngortitsinissamut periusissiaq sorleq "2024-mit 2028-mut periusissiaq"-tut Naalakkersuisunit innersuussutigineqarnersoq paasissutissiissutigineqassasoq ataatsimiititaliamit kissaatigineqarpoq.

Akissut:

Periusissiap politikkikkut akuerineqarnissaa utaqqineqarpoq. Teknologiiip silassorissuusiap atorineqarnissaa eqqarsaatigalugu, assersuutigalugu suliatigut immersorneqarnissap pisariaqartinneqarnera patsisaaqataalluni kinguaattoorpoq. Periusissiasaq 2024-mi oktobarimi politikkikkut aalajagiiffigineqassasoq naatsorsuutigineqarpoq.

- 8.3. Kiisalu nuna tamakkerlugu digitalinngortitsinissamut periusissiap nutaap tamanut imaluunniit ataatsimiititaliamut saqqummiunneqannginneranut pissutaasoq paasissutissiissutigineqassasoq ataatsimiititaliamit kissaatigineqarpoq.

Akissut:

Siuliani oqaatigineqartutut, saqqummiunneqartinnagu Naalakkersuisunit aalajagiiffigineqarnissaa utaqqineqarpoq.

- 8.4. Pisariillisaanissaq siunertaralugu teknikikkut pitsanngorsaanerit pisortanilu sulisut innuttaasullu piginnaasaannik ineriartortitsinissat qanoq ittut Naalakkersuisunit pilersaarutigineqarpat?

Akissut:

Naalakkersuisut Siulittaasuata Naalakkersuisoqarfiata ataani Sulisunik Ineriartortitsinermut Immikkoortortaqaqarpoq.

Teknologiiip ineriartorneranik sulisunik ataavartumik piginnaanngorsaajumalluni, pitsanngorsaajumallunilu immikkoortortaqaqarfik E-Learning-imik ataavartumik neqerooruteqartarpoq, qarasaasiatigullu teknologiimik atuinerup iluani pikkorisaanernik ingerlatsisarluni.

Periusissiatigut suliniutaanikut MitID, Pisortanit Allakkat Digitaliusut, NemKonto aamma pisortat ingerlatannik taaneqartumik "Fælles Offentlig Digital Arkitektur" aqutugalugit Digitalinngortitsinermut Aqutsisoqarfiup systemimik ilinniartitsinissaq, ilinniarnissarlu ukkatarinikuuai. Imaappoq, suliniutit aalajangersimasut aqutugalugit atuisut ilinniartinneqartartut. Assersuutigalugu NemID-mit MitID-mut ikaarsaarnermi aamma

Nem-Kontosystemimik assigisaannillu kommunit suleqatigalugit atuisunik ilinniartitsinissaq neqeroorutigineqarpoq.

Pingaartumik cyberimi, paasissutissanillu sillimaniarnerup iluani pikkorisaanernik ineriartortitsinissaq, nuna tamakkerlugu digitalinngortitsinissamut periusissiasatigut pilersaarutaavoq, kisianni aamma suliniutip iluani piginnaasanik ineriartortitsinissaq, digitalinngortitsinissamut suliniutini tamani ukkatarineqassasoq allassimavoq. Digitalinngortitsinermut Aqutsisoqarfiup akisussaaffiisa iluini pikkorissaanissanut katalogiornissaq siunissamut anguniagaavoq.

Taamaakkaluartoq innutaasunik piginnaanngorsaanissaq, piginnaasanillu ineriartortitsinissaq Sulisunik Ineriartortitsinermut Immikkoortortaqrarfiup aamma Digitalinngortitsinermut Aqutsisoqarfiup suliassaasa avataanniippoq, taamaakkaluartorli tamanik isiginninnermut, suliniutinilu ilaatinneqarlutik. Taassumap saniatigut innutaasunik piginnaanngorsaanissami ilinniartorqarfiit aamma NGO-t aamma ilaapput.

- 8.5. Pisortani digitalimik suliassaqrarfiup annertunerusumik suliniutigineqarnera malillugu innutaasunik akuutitsinissaq paasisitsiniaanissarlugu eqqarsaatigalugit Naalakkersuisut qanoq isumaliuteqarpat?

Akissut:

Digitalinngortitsinermut Aqutsisoqarfik suliniutini innutaasunik akuutitsisarpoq, imaappoq aaqqiissutit innutaasuni, sulisunilu misilerartarlugit. Sullissivik.gl-ip saqqummiuteqqinneqarnerani innutaasunut misileraatitsisoqarnera, aamma Quppernera misissoqqissaaqqaarnerani innutaasut oqartussani saaffiginnissuteqaratik quppernermi tassani paasissutissanik sunik piumanerunersut, paasissutissanik annertunerusumik pissarsiumalluni innutaasut akuutinneqarnerat assersuutissaapput.

Tamanut tusarniaanerit saniatigut Digitalinngortitsinermut Aqutsisoqarfik kommuninik, suliffeqarfinnillu suleqateqarpoq. Assersuutigalugu aqutsisoqarfiup kommunit tamaasa tikeraarpai, taavalu Namminersorlutik Oqartussat suliffeqarfiutai, Qarasaasianut tunngatillugu sullissiviusut, aningaaseriviit aamma Naalakkersuisoqarfiit/Aqutsisoqarfiit tamaasa qaaqqullugit. Kingullertut taaneqartunut tunngatillugu tamarmik naapinnissaq kissaatigisimanngilaat.

Cyberimi, paasissutissanillu sillimaniarnermut atatillugu Digitalinngortitsinermut Aqutsisoqarfik siunnersuinissaminik, paasissutissiinissaminillu pisussaaffeqarpoq. Suliassamut tassunga sulilersitsiniarneq ajornakusoortarpoq, immikkoortortaqrarfilli 2023-mi aggustimi pisortartaarpoq, ukiullu ataatsip qaangiunnerani (pisortaq ilanngullugu) atorfinni akuerisaasuni tallimaasuni pingasut innutaqarlutik. Kingullertut suleqatigilerneqartumut atatillugu innutaasunut paasisitsiniaanissaq salliullugu suliassaavoq. Cyberimi, paasissutissanillu sillimaniarnermut atatillugu innutaasunut, suliffeqarfinnut, oqartussanullu paasisitsiniutaasumik nittartakkamik ineriartortitsinissaq, digitalinngortitsinissamut periusissiasami aamma suliniutaavoq.

Digitaalikkut aaqqiissutinik ineriartortitsinermi innutaasut digitaalikkut aaqqiissutinik atuinissamut unammillernartitsininaasut akuutinneqarnissaanut aaqqiissutissat qanoq eqqarsaatigineqarsinnaanerik ukkatarinnittumik, digitalinngortitsinissamut periusissiasami aamma pilersaaruteqarpoq. Tassaasinnaapput utoqqaat, angerlarsimaffeqanngitsut, innutaasullu eqqarsartaatsimikkut imaluunniit timikkut appassisumik piginnaasallit.

Digitalinngortitsinissaq eqqarsaatigalugu paasissutissiinissaq Sullissivik.gl pingaaruteqarpoq. Tassani oqartussanut nittartakkamik atuisunut tunngatillugu innuttaasut, suliffeqarfiillu pissutsinut assigiinngitsorpassuarnut, pisussaaffinnullu tunngatillugu paasissutissanik pissarsisinnaapput. Digitalinngortitsinissaq eqqarsaatigalugu innuttaasut, suliffeqarfiillu NemKonto, MitID aamma Pisortanit Allakkat Digitaliusut pillugit paasissutissanik pissarsisinnaapput.

Sullissivik.gl-imik atuisut atuinerinik, aammali qulequttat aalajangersimasut iluini innuttaasut oqartussanut assigiinngitsunut saaffiginnittariaqarnerinik kingunillit, assersuutigalugu erninermut atatillugu sulinngiffeqarnermut malittarisassat, pensionit imaluunniit avinnissaq pillugu atuisut atuinerinik misissuinissamik digitalinngortitsinissamut periusissiasami aamma suliniutigineqarpoq.

9. Namminersorlutik suliffiutilinnut aamma inuiaqatigiinni aningaasaqarnikkut attassisinnaanerup angissusia eqqarsaatigalugu pisortani aningaasartuutit amerliartulinnginnissaat siunertaasoq AIS2025-mi nalinginnaasumik nassuiaatini "Missingersuutit inissisimanerat 2025"-p ataani Naalakkersuisut innersuussutigaat. Kiisalu inuiaqatigiinni aningaasaqarnikkut siuariatorneq siunissami pisortat annerusumik atuinissaat aqqutigalugu pingaarnermik namminersorlutik suliffiutillit iluanni pisarnissaa inatsisitigut siuarsarneqartoq paasissutissiissutigineqarpoq. Tassunga atatillugu "namminersorlutik suliffiutillit" qanoq paasineqassanersoq paasissutissiissutigineqassasoq ataatsimiititaliamit kissaatigineqarpoq.

Akissut:

Namminersorlutik suliffiutillit, pisortat suliffeqarfiutaannut illuatungeriittut Naalakkersuisut paasivaat. Namminersorlutik suliffiutillit tassaapput pingaarnertut suliffeqarfiit namminersortut pisortanit nakkutigineqaratillu aqunneqanngitsut. Pisortat aktieselskab-iutaat immikkuullaritaartumik inissisimasinnaapput taammakkaluartoq aktieselskab-inut inatsisit malillugit ingerlariuseqarput.

Naalakkersuisup suliassa qarfiata iluani oqaasertaliussat nutaat allanngortitalluunniit Naalakkersuisup nassuiaatigissagai ataatsimiititaliamit kissaatigineqarpoq. Nassuiaanerup imarissavaa allannguutip imaluunniit nutaamik ilanngussinerup kingunerisassaasa nassuiaatigineqarnerat. Kiisalu nassuiaatip imarissavaa oqaasertaliussamik pisariaqartitsinermut tunngavilersuut.

Akissut:

Annertuunik allannguuteqartoqanngilaq. Konto 10.01.05. Sulisoqarnermut ineriartortitsinermut immikkoortortaqarfik 11 mio. kr.-inik annertusaaffigineqarpoq – kisianni taanna toqqammaveqarpoq qitiusumut nuussuinermik. Tassani pineqarput ilinniartuuteqarnermut aningaasaliissutit, sillimaniarnermut suliat aammalu sulisussarsionermut suliniutit. Immikkoortortami sulisut amerlassusaat allanngunngillat. Siortatigut aningaasat ukiup naajartornerani katersorneqartarput, maannakkut aningaasat inissiffissaminniipput. Teknikkikkut aaqqiineruvoq.

Naalakkersuisup suliassa qarfiata iluani konto pingaarnerni aningaasaliissutitut allannguutit Naalakkersuisumit nassuiaatigineqarnissaat ataatsimiititaliamit kissaatigineqarpoq.

Nassuiaateqarnermi pineqartariaqarput konto pingaarnerni aningaasaliissutit allannguutaat akinik akissarsianillu nalinginnaasumik iluarsiissuteqarnermut tunngasuunngitsut imaluunniit aningaasaliissutit allannguutaat oqartussaaffiit allannortinneqarnerannut taamaallaat tunngasuunngitsut.

Akissut:

Annertuunik allannguuteqartoqanngilaq, ataaniittulli allannguutaapput.

- Kalaallit Nunaata sinniisoqarfiani allaffinnut akiliutit nalimmassarneqarput 80.000 kr. 2025 annertusissam.
- Inussik IT-mut 653.000 kr.-inik aningasaliissutit annertusineqarput IT-nut sulianut atungassanik.
- Aningaasat aktie-teqarfinneersut annertunngitsumik annertusinissaat naatsorsuutaavoq. Naatsorsuutaavoq Air Greenland 25 mio. kr. annertunerusumik 2025-imi tunniussaqaassaq. Kisianni Namminersorlutik Oqartussat aktianik piginneqatigiiffiiniit isertitsisarfiit nalilersoqqitassaapput, naatsorsoruminaakkamik aammalu isumaqatiginninniarnermi isumaqatigiissut aallaavigalugu siunnerfinnut ilaalluni.
- Konto 10.13.11 maannagaaq 7 mio. kr. 2025-inik imaqarpoq, peqquataalluni mittarfiliornernut aningaasaliissutit atorineqarnerat, naammassiartuaarmata. Missigersuutini 2026-imi 0 kr.-iuvoq.

Ilanngullugu ilisimatitsissutigissavara RAL-ip aningaasaqarneranut tunngatillugu misissuineq ungasinngitsukkut Naalakkersuisunut saqqummiunneqassammat, kingornalu ataatsimiititaliamut ilisimatitsissutigineqarluni.

Annertunerusumik paasisaqarusukkussi tikilluaqqusaavusi saaffiginninnissamut

Inussiarnersumik inuulluaqqusillunga

Naalakkersuisut Siulittaasuat


Múte B. Egede



Naalakkersuisut

Naalakkersuisut siulittaasuata Naalakkersuisoqarfia

Postboks 970

3900 Nuuk

Arctic Umiaq Line A/S-ip (AUL) killiffia pillugu allagaqaat

Naalakkersuisut Siulittaasuata Inatsisartut Aningaasaqarnermut Akileraartarnermullu Ataatsimiitsitaliamit siunersioqatiginissaanut atatillugu Namminersorlutik Oqartussat ingerlatseqatigiiffiutaanut tunngatillugu apeqqutit ataaniittut naatsumik akissuteqarfiginissaannut immersuinissamik Naalakkersuisut siulittaasuata Naalakkersuisoqarfia septembarip arfernani 2024-mi mailikkut noqqaassuteqarpoq:

Ataatsimiititaliap oqaaseqaatai apeqquteqaataalu:

- Ataatsimiititaliap kissaatigaa Arctic Umiaq Linep ataatsimut isigalugu inissisimanagera sukumiisumik paasisaqarfigissallugu? - Royal Arctic Line/AUL A/S

Tamanna allagaammi matumani erseqqissaateqarfigineqarpoq.

Aningaasaqarneq

Kaaviiartitat

Akileraareermermi Arctic Umiaq Linep 2024-mi januaarimit juulip tungaanut kaaviiartitai DKK 18,4 mio.-iupput. Aningaasanut missingersuummi akuerineqartumi kaaviiartitassatut naatsorsuutigineqartut tassaasimagaluarput DKK 30,8 mio.-it. Piffissami tassanissaaq 2023-mi akileraareermermi kaaviiartitai DKK 24,8 mio.-iusimapput.

- Akileraareermermi kaaviiartitai: DKK 18,4 mio.
 - Aningaasanut missingersuut: DKK 30,8 mio.
 - 2023-mi: DKK 24,8 mio.
 - Delta naatsorsuutit vs piviusunngortitai: DKK -12,4 mio.

Kaaviiartitai appariaateqarnerannut peqqutaasoq annerpaaq tassaavoq ilaasartaammut 2024-mi januaarimit aggustip tungaanut 2023-mut sanilliullugu ilaasut 40%-inik ikileriaateqarnerat.

2024-mi januaarimit aggustimut ilaasut:

- 2024-mi piffissami tassani 5.502-t ilaasimapput
 - 2023-mi piffissami tassani 9.148-t ilaasimapput

Ilaasut ikileriaateqarnerannut nassuiaatit makkuupput:

- 1) Piffissami angallaffiunerpaasumi angalaffiit akuttunerusut (Sap. ak. marlukkuutaalerineri siornatigut sap. akunnittuutaartumik ingerlaartoqartarluni)
- 2) Billestit akisunerusut



- 3) Politikikkut kissaatigineqartoq aallaavigalugu Nanortalimmi aamma Uummannaq/Upernavimmi umiarsualivinnut aqquasaarnerit ilanngunneqarnerat
- 4) Angalanermut pilersaarummi umiarsualivinni sivilunerusumik talinngasarnerit takornariat illoqarfinni misigisassarsiorsinnaanissaat eqqarsaatigalugu. Nuup Kangerluani angalanerit kiisalu Qeqertarsuup tunuani Nunattalu kujataani minicruisertitsinerit
- 5) Nunap iluani ilaasunik angallassinermi Air Greenlandimit unammillerneqarnerup annertusinera

Arctic Umiq Line Namminersorlutik Oqartussanut kiffartuussinissamik isumaqatigiissuteqarpoq 2025-p naaneranut killilimmik, taannalu ukiumut DKK 8,4 mio. missaannik pissarsiaqaataasarpoq.

Arctic Umiq Line Royal Arctic Linep ataani ingerlatseqatigiiffiummat namminersortitaq tamanna ingerlatseqatigiiffimmi pitsaanngitsumik angusaqarneq Royal Arctic Linep suliffeqarfissuurtut angusaanut tamarmiusunut toqqaannartumik sunniuteqassaaq.

Aningaasartuutit

Aningaasartuutinut eqqorneqaataasut annertuseqqipput:

- Nalikkilliliinerit appaarinerillu: Umiarsuup 2023-mi allanngortiterneqarnerani aningaasaliissutaasut siunissami nalikkilliliinerit sunnertussaavai 2024-mi DKK -2,8 mio.-inik.

2024-mi angusassatut naatsorsuutigineqartut

Aggustip naalernerani 2024-mi naatsorsuutigineqarpoq ukiumut angusat DKK -18,1 mio.-iussasut (amigartooruteqarneq). Missingersuutigineqartoq tamanna aggustip ingerlanerani allannguuteqarsimangilaq.

Takusutissiaq 1: 2023-mi angusat nalunaarusiornerat 2024-mi angusassanut missingersuutaasunut* sanilliullugu

Resultatopgørelse	2023	2024 est.	Kommentar
Nettoomsætning	52,600	44,000	Nedgang i omsætning fra billetter på 23%
Passagerrelaterede omkostninger	- 3,600	- 5,100	Stigning i tilkøb via bookingportal, offset 1-1 i omsætning
Skibsrelaterede omkostninger	- 21,800	- 23,000	Stabilt
Administrationsomkostninger	- 3,700	- 3,500	Stabilt
Personaleomkostninger	- 21,800	- 25,300	Udskiftning i direktion og generel lønstigning
EBITDA	1,700	12,900	
Af- og nedskrivninger	- 2,700	- 5,500	Afskrivninger på investeringer i ombygning af skibet
Finansielle poster	400	300	Stabilt
EBT	- 600	18,100	

*Namminersorlutik Oqartussanut isumaqatigiissummi massakut atuuttumi kiffartuussineq ilanngullugu

Ingerlaavartumik ilisimatitsisarneq

Namminersorlutik Oqartussani Ineqarnermut Attaveqaasersuutinullu Naalakkersuisoqarfik aamma Aningaasaqarnermut Naalakkersuisoqarfik juulip qiteqqunnerani AUL-ip killiffia pillugu, ilaasut



amerlassuserisaat ukiullu naanerani amigartoorutaasussat DKK -18,1 mio.-t kiisalu kiffartuussinissamik isumaqatigiissummut annertunerusumik aningaasaliisoqarnissaanik kissaateqarneranik ilisimatinneqarpoq. Taassuma saniatigut ataani allassimasut pingasut pillugit Namminersorlutik Oqartussanit nassuiaammik apeqqutilliisoqarpoq:

- Q4 2025-p kingorna AUL-ip atorunnaarsinnissaa (massakkut kiffartuussinissamik isumaqatigiissutaasup naanerani)*
- Kiffartuussinissamik isumaqatigiissutip Q4 2027*-mut sivitsornissaa
- Kiffartuussinissamik isumaqatigiissutip Q4 2029*-mut sivitsornissaa

** Siunissami ILU-QAQ-p akornanni sapaatit akunnikkuutaartumik ingerlaartarnerup eqquteqqinneqarnissaa. (UUM-UPE-mulli aqqusaarnerit x 5-iutillugit, politikkikkut kissaatigineqartoq)*

Periarfissanik kissaatigineqartunik naatsorsuinerit kingorna suliarineqarput Ineqarnermullu Attaveqaasersuutinullu Naalakkersuisoqarfimmut aamma Aningaasaqarnermut Naalakkersuisoqarfimmut nassiunneqarlutik.

Naatsorsuinerit

Naatsorsuinerit takutippaat tunngavissat ilisimaneqartut atorlugit, tamatumunnga ilanngullugit sapaatit akunnikkuutaartumik aqqusaqqittalernerumut ilaasullu amerlassusissaanut missingiutit, kiffartuussinissamik isumaqatigiissutip maannakkutut annertussuseqartillugu ingerlatseqatigiiffik ataavartumik amigartooruteqartassasoq.

Tamatuma kingunerisaanik ingerlatsinerup ingerlatiinnarnissaanut piffissaq kissaatigineqartoq sivitsoriartortillugu kiffartuussinissamik isumaqatigiissutip annertusineqarnissaanik pisariaqartitsineq annertusiartussaaq.


Takussutissiaq 2: Kiffartuussinissamut isumaqatigiissutip ukiunut assigiinngitsunut pingasunut killilerlugu aningaasartuutaasussallu takussutissartaat

Drift indtil	Service kontrakt på nuværende vilkår	P&L neutralitetsstigning	Samlet omkostning
— mio. DKK —			
2029	52	69	121
2027	34	41	75
2025	17	18	35

Amigartooruteqarneq ingerlatsinermeereerpoq (EBITDA qaangerlugu), tamatumalu kingunerisaanik akiliisinnaassuseqarneq ataavartumik annikilliertussaaq, 2025-llu naalernerani nunguttussatut naatsorsuutigineqarluni (akiliisinnaassutsimut missingiut takuuk - takussutissaaq).



Takussutissaq 3: Kiffartuussinissamik isumaqatigiissut allannguuteqartinnagu akiliinnaassuseqarneq (base case)



Kiffartuussinermut tapiissutit qaffaataannut nalunaarsorsimaffik

Q4 2024-mit aallartittumik siunissamat tunngatillugu periarfissani assigiinngitsuni ingerlatseqatigiiffiup aningaasartuutiminik ingerlaavartunik akilersuisinnaanissaa kiisalu amigartooruteqarnissaata pinngitsoortinnissaa qulakkeerniarlugu, takussutissiami ataaniittumi kiffartuussinermut tapiissutit qanoq annertutigisumik qaffanneqartariaqarnerat takutinneqarpoq.

Kiffartuussinermut tapiissutit tamarmiusut periarfissani assigiinngitsuni qanoq ilusilerneqarsimanerat takussutissiami ersersinneqarpoq:

- **Maannakkut:** Kiffartuussinermut tapiissut + utoqqalinersialinnut akikillilerutit + aningaasat naleerukkiartornerat
- **P&L-p kiffartuussinermut tapiissutit innarliinngitsumik sunniutaa:** Ingerlatseqatigiiffiup angusaata naatsorsorneqarnerani sinneqartooruteqarfiusumik angusaqarnissap naammassinissaanut sunniuteqaataasumik imaqarpoq (EBT => DKK 0 mio.) 2025-mit periarfissaasup killingata tungaanut

Takussutissiaq 4: EBT-mit kiffartuussinermut tapiissutit tamarmiusut \geq periarfissaasuni pingasuni

0



Total servicebidrag, NPV = 1 incl. 2024	2024	2025	2026	2027	2028	2029
Base case						
Nuværende	8,410	8,530	8,651	8,774	8,899	9,025
P&L neutralitets effekt på servicebidrag	18,107	9,888	12,868	12,745	14,790	-
Base case, total	26,517	18,418	21,519	21,519	23,689	9,025
2027 case						
Nuværende	8,410	8,530	8,651	8,774		
P&L neutralitets effekt på servicebidrag	18,107	9,888	12,868	-		
Base case, total	26,517	18,418	21,519	8,774		
2025 case						
Nuværende	8,410	8,530				
P&L neutralitets effekt på servicebidrag	18,107	-				
Base case, total	26,517	8,530				

Allat

Arctic Umiq Line A/S-ip kiffartuussinerit makkua Royal Arctic Line A/S-imit pisiarisarpai

- Umiarsuarmik aqutsineq/Ship Management (inuttaqarnek, ingerlatsineq aamma umiarsuarmik aserfallatsaaliuineq, akissarsialerineq, naatsorsuutunik ikiorsiineq, IT-mik ikiorsiineq)
- Pituttuisoqarnek (RAL-ip umiarsualiviinut tikinnermi pituttuititsineq, nassatat, eqqagassat allallu, sullissinerillu taakku umiarsualivinni Pilersuisoq A/S-imit ingerlatsiffigisaani tassannga pisiarineqartarput)
- Illunik attartorneq (allaffimmik toqqorsiviusinnaasunillu attartorneq)

Arctic Umiq Line A/S Nuummi katillugit tallimanik sulisoqarpoq, pisortaaneq kiisalu allaffissornermik suliallit sisamat billetsinik tuniniaanermik allanillu sullissisunik attaveqarnermik annerusumik suliaqartut.

Marloqiusamik sullissineq

- Nanortalik 2021-miilli Air Greenlandimit (qulimiguulimmik) Diskolinemillu angallannermut isumaqatigiissummut malillugu sullinneqartarpoq. Ukioq manna angallaffiunerpaaffiani (juuni, juuli aggustilu) AUL sullissisut pingajuattut inissippoq. Taamaattumik ukioq manna angallannermut isumaqatigiisut naapertorlugu Nanortalik sullissisunit pingasuusunit tikinneqartarpoq, taakkulu tamarmik kiffartuussinissamik isumaqatigiisuteqarfigineqarlutik.
- Uummannaq aasaanerani juunimi, juulimi aggustimilu AUL-imit sapaatip-akunneri marlukkuutaarlugit tikinneqartarpoq. Uummannaq angallannermut isumaqatigiisut malillugu Air Greenlandimit ukioq kaajallallugu kiffartuunneqartarpoq Uummannamiillu Qaarsunut aamma qulimiguulimmik ingerlasoqartarluni.



- Taakkua saniatigut Qeqertarsuup tunuani Nunattalu Kujataani illoqarfinni nunaqarfinnilu ingerlaarfiit Diskolinep aamma ingerlaarfigisartagai marloqiusamik sullissiffigineqarput.

Qulaani allaaserineqartut itisilernerqarnissaannik pisariaqartitsisoqassagaluarpat Naalackersuisut siulittaasuata Naalackersuisoqarfianut ikiuunnissatsinnut soorunami piareersimavugut.

Inussiarnersumik inuulluaqqusilluta

Arctic Umiaq Line A/S

Taitsianguaq Olsen

Niels Clemensen

Pisortaaneq

Siulersuisunut siulittaasoq



Aningaasaqarnermut akileraartarnermullu ataatsimiititaliaq

**Ataatsimiititaliap 2024-mi oktobarip 14-iani apequtigisai
innersuussutigalugit, J. nr.: 01.31.11-00024.**

**2025-mut Aningaasanut Inatsisissatut siunnersuut pillugu
Aningaasaqarnermut akileraartarnermullu
ataatsimiititaliap Inuutissarsiornermut, Niuernermet,
Aatsitassanut, Inatsisit Atuutsinneqarnerannut
Naligiissitaanermullu Naalakkersuisumut allakkatigut
apeqqutaannut akissutit.**

17-10-2024
Sagsnr 2024-6012.

Postboks 1601
3900 Nuuk
Tlf. (+299) 34 50 00
E-mail: isiin@nanoq.gl
www.naalakkersuisut.gl

Apeqqut 1:

*Attassiinnarnissamut ineriartortitsinissamullu pilersaarut II-mi
malitseqartitsineq*

*Aaqqissuusseqinnissamut sammivik 2-mut. Piujuartitsisumik siuariartorneq
aamma aningaasatigut arlalinnik sammivilimmut ikaarsaariarneq*

- 1. Takornariaqarnermik suliasaqarfik siunissami Kalaallit
Nunaanut annertuumik inuussutissarsiorfimmi
piukkunnaataasumik imaqartutut suliasaqarfiusoq, aammali
taamaattunngortinnissaanut annertuumik iliuuseqarnissamik
pisariaqartitsisoq Naalakkersuisut paasissutissiissutigaat.
Aammalu paasissutissiissutigineqarpoq "massakkut" pilersitassat
arlallit piviusunngortinneqassasut, ilaatigut 2024-p tungaanut
takornariartitsinermik suliasaqarfimmut ikaarsaariarnissamut
periusissiaq kiisalu takornariartitsinermut periusissiaq nutaaq,
2025-2035. Tassunga atatillugu pilersitas- sat taakku qanoq
aningaasalersorneqassanersut paasissutissiissutigineqassasoq
ataatsimiititaliamit kissaatigineqarpoq.*

Akissut:

2023-2024-mut ikaarsaariarnissamut periusissiatigut suliniutit
piviusunngortinneqariinngikkunik, aallartisarneqariinngikkunik

imaluunniit tamakkiisumik, ilaannakortumilluunniit takornarialerinermit immikkoortumut pilersaarutissami ingerlateqqinneqassapput.

Naalackersuisoqarfiit sinnerisa, takornarialerinermit iluaqutissaasunik suliniutinik tapersiisimasut qanimut suleqatiginerisigut takornarialerinermit immikkoortumut pilersaarut suliarineqassaaq. Taamaattumik suliniutit ilaat immikkoortunit sussassaqtartunit aningaasalersorneqassapput, soorluttaaq ikaarsaariarnissamut periusissiami suliniuterpaaluit immikkoortut susassaqtartut namminneq sinaakkutaasa iluini aningaasalersorneqartut.

Suliniutit ilaat mingutsitsinngitsumik siuariartortitsinermit aningaasanit, 2027-p tungaanut piujuartussamik ineriartortitsinerup tapersersorneqarnissaanut EU-p atugassanngortitaanit, ilaatigut aningaasalersorneqassapput. Tourism Satellite Accountip ineriartortinneqarnissaanut mingutsitsinngitsumik siuariartortitsinermit aningaasat ilaatigut atorineqassapput.

Taassumap saniatigut attaveqaatinik mikinernik ineriartortitsineq, pitsanngorsaaneq imaluunniit pilersitsineq pillugu suliniutit, attaveqaatinut mikinernut Danmarkimi naalackersuisut 2023-mit 2026-p tungaanut aningaasanik immikkoortissimasaannit aningaasalersorneqassapput.

Immikkoortumut pilersaarut 2024-p ukiaani tamanut tusarniutigineqassaaq. Tusarniaareernerup kingorna suliniutit allannguiffigineqarsinnaapput, soorluttaaq aningaasanut inatsisaajumaartussat, taakkunanilu pingaarnersiunerit ineriartortitsinissami pisariaqartitatut suussusersineqarsimasunut sunniuteqassasut. Tamatumani assersuutigalugu attaveqaasersuutinik pilersitsinermi annertuumik aningaasartuutit pingaartumik pineqarput.

Apeqqut:

- Siuliani allassimasunut nangissutitut ataatsimiititaliamit oqaatigineqassaaq takornariaqarnermik inuussutissarsiutip iluani ineriartortitsisoqarnissaata qulakkeerneqarnissaa pisariaqartinneqarmat. Piujuartitsisumik siuariartortitsinissamut kajumissaataasumik aningaasaleerusussutsumik pilersitsinissaq kiisalu suliaasaqarfimmi aningaasaleerusuttunut kajumilersitsinissaq Naalackersuisunit qanoq sulissutigilersaarneqarnersoq paasissutissiissutigineqassasoq ataatsimiititaliamit kissaatigineqarpoq.*

Akissut:

Takornarialerinermut immikkoortumit periarfissaasup tigulluarneqarnissaani, atorluarneqarnissaanilu pisortat aamma inuussutissarsiutillit naleqqussartariaqarput sullissinissanillu, neqeroorutissanillu takornariarnermi misigisassanik annertusaasunik, najukkamilu aningaasatigut siuariartornermut tapersiisunik nutaanik ineriartortitsillutik.

Najukkami takornialerisut takornialerineri periarfissaasunik atorluaasinnaallutik, ukiorlu kaajallallugu suliffinnik pilersitsisinnaallutik, siunissaq piujuartussaq qulakkeerumallugu takornialerinerimik ineriartortitsinissaq pisiariaqarpoq.

Najukkami suliffeqarfiit imaluunniit suliffeqarfinngorumaartussat alliaartorsinnaaqullugit, niuerneramilu pissutsinut nutaanut naleqqussarsinnaaqullugit ilinniartitaanermut, attaveqaasersuutinut, aallarnisaanernullu ilaatigut aningaasaliisoqartariaqarpoq. Ilutigisaanik pinngortitatsinnik immikkuullarissumik illersuisunik, najukkamilu inuiaqatigiit atugarissaarnerinut tunngavissiisunik piujuartussanik aaqiissutissarsiornissaq pingaartinneqassaaq. Tamanna aningaasaqarnermik nukittorsaaginnarani, nunap nunat tamalaat akornannit tikeraanit suli soqutigineqarnerulernissaanut aamma tapertaassaaq.

Aningaasalersuinissamut periarfissaareersut takornialerinerinut arlaqartunut aningaasaleereerput, takornialerinerullu annertusarneqarnera ilutigalugu aningaasaliinerit annertusineqassasut naatsorsuutigineqarpoq.

Takornialerinerimut siunissamut ungasinnerusumut, kamagittartumillu aningaasalersuinissamik Nalik Ventures, Danmarks Eksport- og Investeringsfondilu neqerooruteqartarput.

Taarsigassarsinissamut periarfissat saniatigut inuussutissarsiutinik siuarsaanissaq pillugu inatsit naapertorlugu tapiiffigineqarnissammut aamma periarfissaqarpoq, tassani ilaatigut pilersaarusiornissamut tapiiffigineqarnissamut qinnuteqarnissamut periarfissaqarmat.

Taassumap saniatigut neqeroorutinik ineriartortitsinerinut aningaasat agguagassat neqeroorutinut, suliniutinullu takornialerinerimik siaruaasussanut aningasaaliinissaq immikkut ukkataralugu pilersinneqartut, immikkoortumut pilersaarutissami Naalakkersuisut innersuussutigaat.

Innuttaasunut ataasiakkaanut piffissaq tamakkerlugu, piffissalluunniit ilaannaani takornialerininissaminnik kissaateqartunut, suliniutinullu anginerusunut pitsaanerumik atugassaqtitsinissaq siunertaralugu akileraartarnermut tunngasut, atugassarititaasullu misissoqqissaarneqarnissaat immikkoortumut pilersaarutip aamma qulakkiissavaa.

Naalakkersuisut isumaqarput, sinaakktissatut piumasaqaatit ersarissut takornialerinerimik misigisassarsiorfissanik amerlanerusunik, nutaanillu ineriartortitsinissamut tunngavissiissasut.

Apeqqut:

Aningaasaqarnermut Akileraartarnermullu Ataatsimiititaliap allatsiata isumaqatigiissuteqarfigineratigut 3,4 aamma 5 Aningaasaqarnermut Akileraartarnermullu Ataatsimiititaliamut utertinneqarput, taakkua Inuutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisup akisussaaffiginngimmagit.

Akissut: Soqanngilaq

Apeqqu:

- 6. Piujuartitsinermik tunngaveqarluni aalisarneq, takornariaqarneq, nukissiuuteqarneq aamma piujuartitsinermik tunngaveqarluni allanngortitsinissat, annerusumik imminnut pilersulernissat kiisalu aatsitassarsiornerit immikkut qitiutillugit inuussutissarsiornermi aningaasaqarnermut periusissiaq pillugit nassuiaat Naalakkersuisunit oktober 2023-mi saqqummiunneqarpoq. Nassuiaat taanna naapertorlugu CCS (Carbon Capture ima nutserneqarsinnaavoq C02-p pisarineqarnera toqqorneqarneralu) Kalaallit Nunaanni inuussutissarsiornikkut suliassaqarfittut Naalakkersuisunit tapersorsorneqarlunilu pilersinniarneqarpoq, CCS-imilli Kalaallit Nunaanni aningaasaqarnikkut imminut akilersinnaasumik suliffissuaqalernerup pilersinnissaanut erseqqissumik takutitsisunik naatsorsuisoqarsimannngilaq. Suliassaqarfimmi tassani Naalakkersuisut tigussaasunik qanoq pilersaaruteqarnerisut aammalu Kalaallit Nunaanni CCS-ip inuussutissarsiornikkut suliassaqarfittut aningaasaqarnikkut pissarsissutaalersinnaanissaa qaqugu naatsorsuutigineqarsinnaanersoq paasissutissiissutigineqassasoq ataatsimiititaliamit kissaatigineqarpoq.*

Akissut:

CCS pillugu suliniutini, periusissiaq 2023-meersoq tamanut saqqummiunneqarnikuusooq malinneqarpoq.

CCS-imi aningaasatigut periarfissaasut ersarissarumallugit pilersaarutip nassuiaataa, imminut nammassinnaassutsimik, ingerlatsisoqassappallu ingerlatseqatigiiffimmik naleqqunnerpaamik aqqissuussinissamik ersarissaasussaq suliarineqaleruttorpoq. Pilersaarutip nassuiaataa 2024-p naanerata, 2025-llu aallartinnerata akornanni naammassissangatinneqarlunilu Naalakkersuisunit agguassangatinneqarpoq. Ilutigisaani sumiiffissat naleqquttut misissuiffigineqassapput, teknikkikkullu piginnaasat eqqarsaatigalugit geologiimut tunngasunut nalinginnaasumik ilisimasanik ineriartortitsisoqassasoq. Misileraanertut taaneqartunut ilaatillugu

Qeqertarsuarmi qaqqani innermik anitsisartunit pisuni CO₂-mik misiliisoqassasoq, malitsigisaanik kingunerisaanik nakkutilliisoqarnissaa pilersaarutigineqarpoq. Misissuinerit taakkua, periarfissaanik uppersaasussanik misissuinerit ilaqartussat, 2028-p naaneranut ingerlanneqassapput. Aningaasatigut imminut akilersinnaanersoq, akilersinnaannginnersorluunniit siusinnerpaamik 2027-p naanerani oqaatigineqarsinnaassaaq.

2030-mi aatsaat aningaasatigut iluanaaruteqartoqassasoq naatsorsuutigineqarsinnaassaaq.

CCS nunarsuarmut sanilliunniarlugu, ukiorpaalunni misissuisoqareersorlu, attaveqaasersuutinillu pilersitsisoqareersoq taava CO₂-mik toqqorsinermit pilersaarutit imminut akilersinnaasut aatsaat pilersinneqaleruttorput.

Apeqqut:

7. Nassuiaat 2023-meersoq inuussutissarsiornermi aningaasaqarnermut periusissiamut tunngasoq Naalakkersuisunit innersuussutigineqarpoq. Nassuiaat taaneqartup aammalu aqqissuusseqqinnissamut sammivik 2-p akornanni pissusissamisoortumik ataatigittartoq Naalakkersuisut oqaatigaat. Tamanna itisilerneqassasoq kiisalu alloriarneq tullegg suussanersoq oqariartuutigineqassasoq ataatsimiititaliamit kissaatigineqarpoq.

Akissut:

Inuussutissarsiorfusinnaasut aningaasaqarnerup ineriartorneranut pitsaasumik tapertaasinnaasut siunertarlugu, nuussutissarsiutitigut periarfissaasinnaasunik amerlanerusunik ineriartortitsinissamut pitsaasunik sinaakkutissaqartitsinissaq Naalakkersuisut anguniagaraat. Avammut nioqquteqartarnermi aalisarneq malunniuteqarnerutillugu aningaasaqarnikkut massakkut inissisimanermit, Kalaallit Nunaanni aningaasaqarnerup mianernassusaa annikillisinnaarlugu immikkoortut amerlanerusut ineriartortinneqartariaqarput. Inuussutissarsiornermi immikkoortoq siunissami assigiinngissitaartumik aningaasaqarnissamut tapertaalluarsinnaasumik ineriartortitsinissaq, takornarialerinermit anguniagaavoq.

Suliniutit assigiinngissitaartumik aningaasaqarnermut tapertaasinnaasut, nassuiaammi nassuiaatigineqarput. Immikkoortut susassaqtut akimorlugit suliniutit pineqarput. Taamaalilluni suliat aallartinneqarsimasut tamaasa takusinnaalernissaannik nassuiaat siunertaqarpoq. Susassaqarfinni tamani pisussat ataasiakkaat nassuiaammi allassimapput.

Ataani atsiortup susassaqrifiisa iluini suliniutit arlaqartut ingerlapput. UKA2024/30-mi, annikitsunik taarsigassarsiissuteqartariaatsinut oqilisaassinissat siunnersuutigineqarput. Aallarnisaasarnerup nukittorsarneqarnissaanik, nalinginnaasumillu inuussutissarsiutinut tunngatillugu inatsisip allanngortinneqarnissaanik, eqaallisarneqarnissaanillu Naalakkersuisut periusissiaanut siunnersuut ilaavoq. Oqilisaanerni suliffeqarfiit typit amerlanerusut inatsimmut ilanngunneqarnissaat, soorluttaaq pisortanut akiitsut taarsigassarsinissamut akimmiffiujunnaarnissaat pineqarput. Pilersaarutip qinnutigineqartup aningaasaqarnera tamakkiisumik suli naliliiffigineqartassaaq, inuussutissarsiutinillu nutaanik pilersitsinissamut periarfissanut akiitsut imminerminni akimmiffiussanngillat.

Taassumap saniatigut takornarialerineq pillugu inatsisissatut siunnersuut saqqummiunneqarpoq, soorluttaaq takornarialerinermit akuersissutinik tunniussisarnermut inatsit saqqummiunneqartoq. Takornarilerinermit ineriartortitsinissamut immikkoortumut pilersaarut ukiunut 10-nut atuuttussaq kiisalu inuussutissarsiutinik siuariartortitsinissami, aallarnisaanermilu suliniutit assigiimmik siunnerfeqarnissaannik qulakkeerissalluni, inuussutissarsiutinillu ineriartortitsinissamut tunngavissiissalluni inuussutissarsiutinik siuariartortitsinissamut, aallarnisaanermullu periusissiaq suliarineqarput, anguniakkat anguneqarniassammata. Inatsisitigut sinaakkutit nutarterneqarnissaat, allanngortinneqarnissaallu siunertaralugu inuussutissarsiutinut tunngatillugu inatsisinik tamanik nutarsaasussanik, ukiuni tulluittuni inatsisinik suliaqarnissaq pilersaarutigineqarpoq. Aatsitassanut tunngatillugu inatsisit nutarterneqarnerat upernaaru naammassineqassaaq. Nutarsaanissaq, allanngortitsinissaq, immikkoortumilu allaffissornermik pisariinnerulersitsinissaq tassani aamma ukkatarineqarpoq. Atortussiassanut periusissiassaq nutaaq, massakut atuuttumut taarsisussaq ukiup nikinnerani atuutilissaaq. Avataanit aningaasaliisartunut pilerinartunik sinaakkuteqartitsinissamik sulineq, nunami periarfissat nittarsaanneqarnerat, suliaqarfiullu aaqqissugaanerata ataavartumik nutarsarneqarnera periusissiami nutaami nanginneqassaaq.

Atortussiassanut periusissiassaq nutaaq, massakut atuuttumut taarsisussaq ukiup nikinnerani atuutilissaaq. Avataanit aningaasaliisartunut pilerinartunik sinaakkuteqartitsinissamik sulineq, nunami periarfissat nittarsaanneqarnerat, suliaqarfiullu aaqqissugaanerata ataavartumik nutarsarneqarnera periusissiami nutaami nanginneqassaaq. Pingaartumik mingutsitsinngitsumik nukissiuteqalernissamut attuumassuteqartillugu aatsitassanut tunngatillugu nunat tamalaat akornanni atassuteqaatit ilaatigut nukittorsarneqarnerisigut Kalaallit Nunaanni, nunarsuarmilu inuiaqatigiinnik piujuartussamik ineriartortitsinissaq periusissiami ukkatarineqassaaq.

Apeqquut:

Aningaasaqarnermut Akileraartarnermullu Ataatsimiititaliap allatsiata isumaqatigiissuteqarfigineratigut 8 aamma 9 Aningaasaqarnermut Akileraartarnermullu Ataatsimiititaliamut utertinneqarput, taakkua Inuutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisup akisussaaffiginngimmagit.

Akissut: Soqanngilaq**Apeqquut:*****Oqaasertaliussat***

Oqaasertaliussat aningaasanut inatsisissatut siunnersuummut ilanngussaq 2-mi ilanngunneqarput. Oqaasertaliussat inatsisip oqaasertaatut atuupput, taamaalillunilu oqaasertaliussat aqqutigalugit inatsisit allat saneqqunneqarnissaat imaluunniit ilassuteqarfigineqarnissaat qinnutigineqarsinnaavoq. Aningaasaqarnermik aqutsinermit tapertassatut aningaasaqarnikkut atugassiissutissanik tigussaasunik iliuuseqarnissamut Naalakkersuisunik piginnaatitsissutitut oqaasertaliussat pingaarnertut iluseqartinneqartarput.

Naalakkersuisup suliassa qarfiata iluani oqaasertaliussat nutaat allanngortitaluunniit Naalakkersuisup nassuiaatigissagai ataatsimiititaliamit kissaatigineqarpoq. Nassuiaanerup imarissavaa allannguutip imaluunniit nutaamik ilanngussinerup kingunerisassaasa nassuiaatigineqarnerat. Kiisalu nassuiaatip imarissavaa oqaasertaliussamik pisariaqartitsinermit tunngavilersuut.

Akissut:

AI2024-mit, AIS2025-mut oqaasertaliussat allannguuteqanngillat.

Apeqquut:***Missingersuutinu ilanngussat:***

AIS2024-mut sanilliullugu AIS2025-mi aningaasaliissutinu allannguutit.

Naalakkersuisup suliassa qarfiata iluani konto pingaarnerni aningaasaliissutinu allannguutit Naalakkersuisumit nassuiaatigineqarnissaat ataatsimiititaliamit kissaatigineqarpoq.

Nassuiaateqarnermi pineqartariaqarput konto pingaarnerni aningaasaliissutit allannguutaat akinik akissarsianillu nalinginnaasumik iluarsiissuteqarnermut tunngasuunngitsut imaluunniit aningaasaliissutit allannguutaat oqartussaaffiit allanngortinneqarnerannut taamaallaat tunngasuunngitsut.

Akissut:

AI2024-mut sanilliullugu AIS2025-mi missingersuutinut ilanngussami aningaasaliissutitigut allannguutaasut tassaapput:

Spiralilersuinermit atatillugu inuit pisinnaatitaaffinik unioqquitsinerup misissuiffigineqarnissaanut, aningaasanut inatsimmi konto 67 01 12 Inatsisinut Immikkoortorta qarfirmut AIS2025-mi 700.000 koruuninik aningaasaliiffigineqassaaq.

Inuussutissarsiunik siuarsaanissamut, aallarnisaanernullu aningaasat amerliniarlugit, aningaasanut inatsimmi konto 67 03 06 Takornarialerinermik ineriartortitsineq, inuussutissarsiutinillu siuarsaneq AIS2025-mi 1.000.000 koruuninik aningaasaliiffigineqassaaq.

Inussiarnersumik inuulluaqqusillunga



Naaja H. Nathanielsen



Aningaasaqarnermut Akileraartarnermullu Ataatsimiititaliaq

**Aningaasaqarnermut Akileraartarnermullu Ataatsimiititaliaq peqatigalugu
siunersiuinissamut aggeqqusissummut apeqqutinut akissutit.**

13-09-2024
Sagsnr. 2024 - 17613
Akt nr. 24561075

Postboks 1029
3900 Nuuk
Tlf: +299 34 50 00
Email: ikin@nаноq.gl
www.nаноq.gl

- Ataatsimiititaliap paasinninnera malillugu atuarfik aningaasanut inatsisissatut siunnersuummi annikitsuaraannarmik ilaatinneqartoq aallarniutigalugu oqaatigineqassaaq. Naak attassiinnarnissamut ineriartortitsinissamullu pilersaarut 2-mi aqqissuusseqqinnissamut sammivik 1-imi atuarfik immikkut qitiutinneqartussatut taaneqaraluartoq, naallu AIP-mi kiisalu Naalakkersuisut ilinniartitaanermut periusissiaanni allassimasutut tigussaasunik iliuuseqarnissaq annertuumik pisariaqartinneqaraluartoq. Atuarfimmi pisariaqartitsinerup AIS2025-mi ukiunilu missingersuusiorfiusuni tigussaasumik aningaasaliissutitigut qanoq ersersinneqarneranik Naalakkersuisut pingaarnerusutigut naliliinerat siuliani allassimasut tunngavigalugit ataatsimiititaliamit kissaatigineqarpoq.***

Akissut:

Naalakkersuisut 2025-mut Aningaasanut Inatsisissatut siunnersuummi paasissutissanik qulaajaanissamut katersinissamullu aningaasat pingaarnertinneqarsimapput, taamaalilluni meeqqat atuarfiini pitsaassutsimik paasissutissanillu meeqqat atuarfiannik ineriartortitsinerumut tunngaviusunik sukumiisumik nalilersuisoqarniassamat.

Tamatuma kingorna nalilersuineq taanna innersuussutigineqartullu tunngavigalugit suliniuteqarfigisassanut kiisalu piffissamut iliuusissatullu pilersaarummut innersuussutissat arlallit suliarineqassapput.

Meeqqat, inuusuttut inersimasullu naqinnernik ilisarinnissinnaanngitsut kiisalu atuarniarnikkut allanniarnikkullu ajornakusoortitsisut ikiorserniarlugit Naalakkersuisut 2025-mut Aningaasanut Inatsisissatut siunnersuutaanni nuna tamakkerlugu iliuusissatut pilersaarummit suliniutinik piviusunngortitsinissamut aningaasaliissutissat pingaarnertinneqarsimapput. Matumani aningaasat meeqqat atuarfianni suliniutinik misileraanissamut aningaasat atorneqarnissaat pingaarnertinneqarsimavoq, suliniut tassani aallartittussaamat.

Tamatuma saniatigut Naalakkersuisut Inatsisartut aningaasanut Inatsisaanni Ilinniartitsinerumut Periusissiaq 2024-2030-p 2024-mi piviusunngortinnissaanut immikkoortinneqarsimasut Konto Pingaarnermi 20.11.70 3 mio. kr. meeqqat atuarfiinut atussallugit eqqarsaatigaat ukununnga immikkoortunut:

- Alisissumit ilinniartitsinerumut atuutilersinneqarnissaanut

- Tunngaviumik atuarfimmik 15-17-inik ukiulinnut piareersaanissamut, pilersaarusiornissamut pilersitsinissamullu
- Meeqqat atuarfianni nuutsitsisarnermut aamma ilitsersuineramik suliniummik piareersarnermut
- Aqutsissutinik pioreersunik pikkorissartitsinermut nutarterinissamullu atugassanngortinneqarnissaat taamaalillutik atuanngitsoortunik nalunaarsuisarnermut, taamaatitsiinnartut pillugit procentinut kiisalu atugarissaarnermut napparsimallunilu atuanngitsoortarnermut kisitsisinut paasissutissanik eqqortunik pissarsisoqarsinnaaniassammat.
- Meeqqat atuarfiini nuna tamakkerlugu skemaliortartunut qaffassaanerit, skemat nikerarsinnaasunik atuarfiup aallartinneranik siumoorsinnaaneranik periarfissaqartitsisunik, atuaqatigiinnernut aammalu ilinniartitsisunik pitsaanerusumik atorluaaneq.

Naalackersuisut ilinniartitaanermit Aqutsisoqarfik suleqatigalugu meeqqat atuarfiata pitsaassusaata pitsanngorsaavigineqarnissaa pillugu ingerlaavartumik oqaloqatigiinneq pisarpoq, naliliinermilu angusarineqartut takutitsiumaarput meeqqat atuarfianni suliani naammassisassat tulleriaarnerini pingaarnersuinerit allanngornissaat pisariaqassanersoq.

1.1. Atuarfiup aningaasanut 2025-mut inatsisissatut siunnersuummi pingaarnertinneqannginneranut suna pissutaava?

Akissut:

Apeqqummut nr. 1.-mut akissut innersuussutigineqarpoq.

- 2. Aalisarnermik aammalu peqqinnissakkut suliaasaqarfimmi ilinniarnert pisariaqartinneqartut kiisalu AIP2 Naalackersuisullu ilinniartitaanermit periusissiaat aqputigalugit pisariaqartitsineq aallaaviginerullugu ilinniartitaaneq Naalackersuisunit aaqqissuussiviginiarneqartoq ataatsimiititaliamit maluginiarneqarpoq. Aningaasatigut atugassiissutissat aalajangersarneqartut iluini Naalackersuisut pisariaqartitsinerit suut aallaavigalugit ilinniartitaaneq allannguuteqartilersaarpaat? Tamannalu aningaasatigut qanoq kinguneqassava?**

Akissut:

Naalackersuisut ilinniartitaanerup aaqqissuussaanerata ineriartortinnissaanut pilersaarutai ilinniartitsinermit Periusissiaq 2024-2030-mit aallaaveqarlutillu allaaserineqarput. Periusissiap takutippaa, Attassinissamut Siuariartornissamullu Pilersaarut 2 taamatullu ilinniartitaanermit pilersaarut peqatigalugu siunissami ilinniartitaanermit aaqqissuussinermik suliaqarnitsinnut ukiut tamaasa tunngaviliisuvoq. Taassuma saniatigut Nunatsinni ilinniartitsinermit Siunnersuisoqatigiit pilersinneqartussat innersuussutai soorunami aamma Naalackersuisut ilannguttassavaat.

- 2.1. Ilinniartitaanermit nunatsinni aaqqissuussaannikkut pisariaqartinneqartunut qinnuteqartoqartarnissaa Naalackersuisunit qanoq pilerinarsarneqarlarsaarpa?**

Akissut:

Naalackersuisut Inatsisartut Aningaasanut Inatsisaat 2024-miit Konto Pingaarneq 20.11.70-miit aningaasat 3 mio.kr.-nit Ilinniartitsineranut Periusissiaq 2024-2030-p 2024-mi atuutilernissaanut immikkoortinniarpaat, inuiaqatigiinni ilinniartitaanikkut periarfissat aamma ilinniarsiit sulisussaaleqiffiusut immikkut isiginiarneqarnissaannut paasititsiniaanermut atorneqassasut pilersaarutigaat. Paasititsiniaanerit taakku ilinniartinnut taakkununga qinnuteqarnissamut kajumilersitsisumik taamatuttaarlu kalaallit suliffeqarfiisa sulisunik amigaatigisaannik takutitsiffiusumik suliarineqassapput.

2.2. Naalackersuisut sulisunik inuussutissarsiutini taakkunani sulisussaaleqiffiusuni sulisooreersunik pikkorissartitsinissamut qanoq pilersaaruteqarpat?**Akissut:**

Inuussutissarsiutini sulisunik amigaateqarfiusuni sulisunik piginnaangorsaaneq isumaginninnermut suliaasaqarfimmi aallartinneqareersimavoq. Taamaalilluni ikiortitut ilinniartinnik amerlanerusunik pilersitsisoqarsimavoq ilaatigut ulloq unnuarlu paaqqinnittarfitsinni sulisunut sammisunik.

Naalackersuisut tamatuma saniatigut tamanna inuussutissarsiummut sorlermut tunngassuteqarnerisooq pillugu qulaajaanissamut kiisalu piginnaangorsaaniissamik suliamut pikkorissartitsinernillu ineriartortitsineranut aningaasat atussallugit eqqarsaatigaat. Aningaasat taakku 2025-mut Aningaasanut inatsisissatut siunnersuummi Konto Pingaarnermit 20.11.70 Ilinniartitsineranut Periusissiaq 2024-2030-p piviusunngortinneqarnissaanut atorneqassapput.

2.3. AIP2 2050-ip tungaanut suliniutaavoq. Piffissamut qanittumut Naalackersuisut pilersaarutaat, tassungalu ilanngullugu ilinniartitaanermi suliniutit sorliit sallerisatut pingaarnerutinneqarnissaat, paasissutissiissutigineqassasut ataatsimiititaliamit kissaatigineqarpoq.**Akissut:**

Naalackersuisunut pingaaruteqarluinnarpoq qulakkiissallugu, ilinniartitaanermut sulissutigineqartut Attassinissamut Siuariartornissamullu Pilersaarut 2-mi aamma Ilinniartitsineranut Periusissiaq 2024-2030-mi tunngaveqarnissaat. Taamaattumik taakkunani marlunni pingaarnertut killiffinnut tamanut innersuussutit anguniakkallu takussutissiarinissaat, ilaatigut suliniutinut taakkununga pilersunut pingaarnersiuiinissamut piffissamut atuutilersitsinissamullu pilersaarusiornissaq kiisalu kingorna missingersuutit aningaasartuutillu ilimagineqartut takussutissiarinissaat pilersaarutigaarput, taamaalilluni suliniutit sorliit aningaasanik pisariaqartitsiffiunersut takussutissalerneqarsinnaaniassammata.

3. Nukappiaqqat niviarsiaqqanut sanilliullutik atuarfimmik naammassinnereernermik kingorna ukiut marluk qaangiunneranni ilinniarnermik ingerlatsilersartut ikinnerusut aammalu inuusuttut pinerluuteqartarneranni imminnullu toquttarneranni angutit inuusuttut amerlanerujussuusut kisitsisit takutikkaat attassiinnarnissamut ineriartortitsinissamullu pilersaarut II-mi paasissutissiissutigineqarpoq. Aammattaaq pinaveersaartitsinikkut suliniutit,

tarnikkut peqqissuunissamik qulakkeerinninnermik saniatigut ilinniarnissamut piareersimanerulernissamik aamalu inuusuttunut ilinniakkamik naammassinninnaanissamik annertusaasinnaasut, tigussaasut anguniagaqarfiusullu pisariaqartinneqarnerannik tamanna takutitsisoq Naalackersuisunit paasissutissiissutigineqarpoq.

3.1. Nukappiaqqanut/angutinut inuusuttunut taakkununga sammititanik suliniutinut 2025-mi aningaasanut inatsisissatut siunnersuummi sooq aningaasanik immikkoortitsisoqareersimannginnersoq siuliani allassimasut tunngavigalugit paasissutissiissutigineqassasoq ataatsimiititaliamit kissaatigineqarpoq.

Akissut:

Naalackersuisut nukappiaqqat/angutit inuusuttut pillugit ajornartorsiuteqarnerup suliniarfigineqarnissaanut aningaasanik atuerusupput, Konto Pingaarneq 20.11.70-mit Aningaasanut Inatsimmi 2024-imi 2025-imilu. Ilinniartitsineranut Periusissiaq 2024-2030-p piviusunngortinneqarnissaanut nukappiaqqanut/angutinut inuusuttunut ilinniartitaanermut suliffinnullu soqutiginnilersitsisunik paasititsiniaanermut, aamma pitsaanerusumik ilitsersuussineranut siunnersuinernullu suliniutinik suliniuteqarnermut aningaasat atorneqarnissaat kissaatigineqarpoq.

Tamatuma saniatigut Naalackersuisut aningaasanik aamma tassanngaanniit imminut toquttarneq pitsaaliorniarlugu digitalikkut attaveqaatini ilaatigut Politiit suleqatigalugit suliniuteqarusupput. Suliniut taanna 2024-mi ukiakkut aallartisarneqarsinnaavoq 2025-milu annertusarneqarnissaa eqqarsaatigineqarpoq.

Tamatuma saniatigut immikkoortitatut Naalackersuisut aalajangiunneqareersimasuniit aningaasanik eqjattanut taakkununga ajornartorsiutit atuuttut qulaajaqqissaarneqarnissaannut Naalackersuisut atuerusupput, taamaalilluni kingorna ikiuinissamut tapersersuinissamullu suliniutit aalajangersimasut immikkuutaarneranni pisariaqartitaat unammillernartitaallu naapertorlugit, aallartinneqarsinnaaniassammata – assersuutigalugu iliniarfinnik nalimmassaanernut inuussutissarsiuutinullu ilinniakkanik naatsunik ineriartortitsineranut, piginnaasaqalersitsisunik ineriartortitsineranut aningaasanik atuerusupput.

Atuarfimmi tunngaviusumi nutaami ilinniarnermut, ilaatigut faginut inuunermut piginnaangorsarneq, imminut naleqartinnermik nammineerlunilu inuunermik aqutsisinnaanermut qulakkeerinnittussanik inerisaanermut Naalackersuisut aningaasaleerusupput.

Tamatuma saniatigut NGO/nammineq suliniutit soorlu Mind Your Own Business aamma Siu Tsiu ingerlareerput.

3.2. Angutit inuusuttut amerlanerit ilinniakkamik naammassinninnissaat siunertaralugu suliniutit tigussaasut suut Naalackersuisunit aallartinneqalersaarnersut paasissutissiissutigineqassasoq ataatsimiititaliamit kissaatigineqarpoq.

Akissut:

Apeqqummut nr. 3.1.-mut akissut innersuussutigineqarpoq.

4. Kiisalu AIP2-p, Naalakkersuisut ilinniartitsinermit periusissiaata aammalu ilinniartitaanermut aningaasanut inatsisikkut aningaasaliissutaasut akornanni pissusissamisoortumik ataqatigiissaarisooqarnissaa kiisalu suliniutit tigussaasut aallartinneqartut malitseqartinneqarnissaat Naalakkersuisunit qanoq qulakkeerneqalersaarnersoq paasissutissiissutigineqassasoq ataatsimiititaliamit kissaatigineqarpoq.

Akissut:

Apeqqummut nr. 2.-mut akissut innersuussutigineqarpoq.

Oqaasertaliussat

Oqaasertaliussat Aningaasanut inatsisissatut siunnersuummut ilanngussaq 2-mi ilanngunneqarput. Oqaasertaliussat inatsisip oqaasertaatut atuupput, taamaalillunilu oqaasertaliussat aqqutigalugit inatsisit allat saneqqunneqarnissaat imaluunniit ilassuteqarfingineqarnissaat qinnutigineqarsinnaavoq. Aningaasaqarnermik aqutsinermit tapertassatut aningaasaqarnikkut atugassiissutissanik tigussaasunik iliuseqarnissamut Naalakkersuisunik piginnaatitsissutitut oqaasertaliussat pingaarnertut iluseqartinneqartarput.

Naalakkersuisup suliassa qarfiata iluani oqaasertaliussat nutaat allanngortitalluunniit Naalakkersuisup nassuiaatigissagai ataatsimiititaliamit kissaatigineqarpoq. Nassuiaanerup imarissavaa allannguutip imaluunniit nutaamik ilanngussinerup kingunerisassaasa nassuiaatigineqarnerat. Kiisalu nassuiaatip imarissavaa oqaasertaliussamik pisariaqartitsinermit tunngavilersuut.

Akissut: Oqaasertaliussat

Siullermik eqqaaneqassaaq Aningaasanut inatsisissatut siunnersuut 2025-mi suliassa qarfik 40-mi oqaasertaliussanik nutarterinermi allaffissornikkut kukkusoqarsimammata. Oqaasertaliussat iluarsaatat Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfiup Aningaasaqarnermut Akileraartarnermullu Naalakkersuisoqarfimmut nassiussai Aningaasanut inatsisissatut siunnersuut 2025-mut ilanngutinngitsoorneqarsimammata. Uani pineqarput oqaasertaliussanut allannguutaasut oqaasertaliussanut nassuiaatini eqqaaneqarnissai nutarterneqanngitsoorsimammata konto pingaarnerni ukunani Konto Pingaarneq 40.02.01 Ilinniartut Ineqarfiisa Allaffeqarfiat, Konto Pingaarneq 40.02.03 Aningaaserivinni taarsigassarsiat taarsigassarsiallu akilerneqartarnerat, aammalu Konto Pingaarneq 40.10.06 Kalaallit Nunaanni efterskolit ingerlanneqarnerinut tapiissutit. Tamanna aaqqinniarlugu allaffissornikkut sulisoqarpoq.

Suliassa qarfik 30-mi oqaasertamik imaattumik allannguuteqartoqarpoq **"Konto pingaarneq manna aqqutigalugu angallatinik tunisisoqarsimappat taakku kontomut matumunnga utertinneqassappu"** Konto Pingaarnerni 30.10.37 Nuna tamakkerlugu meeqqanut inuusuttunullu ulloq unnuarlu paaqqinnittarfiit oqaasertaliussaanut nr. 4-mut ilanngunneqarluni imatut oqaasertaqalerluni **"Naalakkersuisut paaqqinnittarfiimi ineqartunut tulluurtumik angallatinissamut akuersissuteqarnissamut piginnaatinneqarput, tassa taama ittunik pissarsinissaq**

nalinginnaasumik ingerlatsinermut attuumassuteqartutut pissusissamisoortutullu isigineqarpat. Konto pingarneq manna aqquqigalugu angallatinik tunisisoqarsimappat taakku kontomut matumunnga utertinneqassapput.”, taamatuttaarlu asseqqissaanik aamma Konto Pingarnerup 30.13.41 Innarluutilinnut angerlarsimaffiit oqaasertaliussaanut nr. 4-mut ilanngunneqarportaaq allannguut taanna imatut oqaasertaliussaq oqaasertaqalerluni ***“Naalakkersuisut paaqqinnittarfimmi ineqartunut tulluarmik angallatinissamut akuersissuteqarnissamut piginnaatinneqarput, tassa taama ittunik pissarsinissaq nalinginnaasumik ingerlatsinermut attuumassuteqartutut pissusissamisoortutullu isigineqarpat. Konto pingarneq manna aqquqigalugu angallatinik tunisisoqarsimappat taakku kontomut matumunnga utertinneqassapput.”***.

Suliassaqaarfik 40-mi naqqiinerit ukuupput:

- Oqaasertaliussani inatsisinut innersuussinerit konto pingarnernut ukununnga;
 - Konto Pingarneq 40.02.01 Ilinniartut Ineqarfiisa Allaffeqarfiat,
 - Konto Pingarneq 40.02.03 Aningaaserivinni taarsigassarsiat taarsigassarsiallu akilerneqartarnerat,
 - Konto Pingarneq 40.02.07 Immikkut ikiorsiissutit, angalanermut aningaasartuutit il.il., suliffeqarfiit,
 - Konto Pingarneq 40.10.06 Kalaallit Nunaanni efterskolit ingerlanneqarnerinut tapiissutit,
 - Konto Pingarneq 40.91.14 Imarsionermik Ilinniarfik,
 - Konto Pingarneq 40.91.16 Niuernermik Ilinniarfik Nuuk,
 - Konto Pingarneq 40.91.20 Perorsaanermik Ilinniarfik,
 - Konto Pingarneq 40.91.21 Inuussutissalerinermik Ilinniarfik INUILI,
 - Konto Pingarneq 40.91.23 Campus Kujalleq,
 - Konto Pingarneq 40.91.25 Peqqinnissakkut Ilinniartitaanernut Qitiusumik Ilinniarfik,
 - Konto Pingarneq 40.91.31 Suliniutit aallaavigalugit tapiissutit.
- Ukiumut timmisartortartutut ilinniartussat tiguneqarsinnaasut sisamaniit arfinilinnut allanngortinneri
 - Konto Pingarneq 40.02.03 Aningaaserivinni taarsigassarsiat taarsigassarsiallu akilerneqartarnerat.

Suliassaqaarfik 40-mi qaffaalluni allannguinerit ukuupput:

- Tapiissutit nalimmassarneri konto pingarnernut ukungunnga;
 - Konto Pingarneq 40.02.06 Ilinniarnermi tapiissutit meeqqanullu tapit
 - Konto Pingarneq 40.10.06 Kalaallit Nunaanni efterskolit ingerlanneqarnerinut tapiissutit
 - Konto Pingarneq 40.91.31 Suliniutit aallaavigalugit tapiissutit, og
 - Konto Pingarneq 40.92.10 Folkehøjskolit

Missingersuutininut ilanngussat:

Aningaasanut Inatsimmi 2024-mut sanilliullugu Aningaasanut Inatsisissatut Siunnersuummi 2025-mi aningaasaliissutinut allannguutit.

Naalackersuisup suliassa qarfiata iluani konto pingaarnerni aningaasaliissutinut allannguutit Naalackersuisumit nassuiaatigineqarnissaat ataatsimiititaliamit kissaatigineqarpoq.

Nassuiaateqarnermi pineqartariaqarput konto pingaarnerni aningaasaliissutit allannguutaat akinik akissarsianillu nalinginnaasumik iluarsiissuteqarnermut tunngasuunngitsut imaluunniit aningaasaliissutit allannguutaat oqartussaaffiit allanngortinneqarnerannut taamaallaat tunngasuunngitsut.

Akissut: Missingersuutininut ilanngussat

Suliassa qarfik 30-p ataani aningaasaliissutit Konto Pingaarnerni 30.10.45 Meeqqat inuusuttullu immikkut ittumik suliniuteqarfigineqarnerat 7,5 mio.kr Aningaasanut Inatsissatut Siunnersuut 2025-mut aammalu Missingersuut 2026-mut qaffanneqarput, taamatullu aamma 3,75 mio.kr. Missingersuut 2027-mi Missingersuut 2028-milu Tusaannga-mut aningaasaliissutit qaffanneqarnissaanik siunnersuuteqartoqareersorlu qaffaasoqarluni.

Suliassa qarfik 40-p ataani aningaasaliissutinik imaattunik allanngortitsisoqarpoq:

• 40.01.01 Ilinn., Kult., Tim. Ilag. Naalakk.	- 111.000
• 40.01.03 Nun.Ilinn. Siunnersuisoqatigiit	- 500.000
• 40.02.03 Taarsigassarsiat akilerneqar.	- 1.400.000
• 40.02.05 Akilersuutit	+ 700.000
• 40.02.06 Ilinn. Tapiissutit meeqq. tapit	- 1.000.000
• 40.10.12 Efterskolit	- 564.000
• 40.12.35 GUX Aasiaat	+1.831.000
• 40.12.36 GUX Nuuk	+1.031.000
• 40.40.01 Ilinniartitaanermut Aqutsisoqarfik	+2.853.000
• 40.91.14 Imarsionermut Ilinniarfik	+ 4.000
• 40.91.16 Niuernermik Ilinniarfik, Nuuk	- 8.000
• 40.91.20 Persorsaanermik Ilinniarfik	- 106.000
• 40.91.21 Inuutissalerinermik Ilinn., INULI	- 72.000
• 40.91.23 Campus Kujalleq	+1.009.000
• 40.91.25 Qitiusumik Ilinn. Isumaginn. suliass.	- 70.000
• 40.91.27 Teknikkimik Ilinniarfik	+ 795.000
• 40.91.31 Suliniutit aallaavigalugit tapiissutit	+4.483.200
• 40.92.13 Ilisimatusarfik	+1.508.000
• 40.94.14 Suliniaqatigiiffinnut tapiissutit	+ 130.000
• 40.95.01 Tapiissutit allat	- 123.000
• 40.97.03 Kalaallit Nunanni Ilagiit	- 211.000

Inussiarnersumik Inuulluaqqusillunga


Aqaluaq B. Egede



Aningaasaqarnermut Akileraartarnermullu Ataatsimiititaliaq
Att., Siulittaasoq Peter Olsen
/MAANI

AIS 2025-mut tunngatillugu AA-mit apeqputigisanut akissut

AIS 2025-mut tunngatillugu Inatsisartut Aningaasaqarnermut Akileraartarnermullu Ataatsimiititaliaanit apeqputinik tigusaqarpunga. Pineqartunut akissutit tullinnguuttuni takuneqarsinnaapput.

- 1. Attassiinnarnissamut Ineriartortitsinissamullu Naalakkersuisut pilersaarutaat 2 november 2023-mi saqqummiunneqarpoq, ilaatigullu aalisarnermut tunngasut ataanni qulequttat arlallit sammineqarput. Ukiup affaata qaangiunnerani 2024-mi upernaakkut ataatsimiinnermi Inatsisartut aalisarnermut inatsisaat Inatsisartunit akuerineqarpoq. AIP 2-mik suliaqarneq aalisarnermut tunngasuni inatsimmut nutaamut Naalakkersuisunit qanoq ataqatigiissaarneqalersaarnersoq paasissutissiissutigineqassasoq ataatsimiititaliamit kissaatigineqarpoq.**

AKISSUT:

Aalisarnermut Piniarnermullu Naalakkersuisoqarfik akissuteqarnissaminut atatillugu Aningaasaqarnermut Akileraartarnermullu Naalakkersuisoqarfimmit attassisinnaanermut ineriartortitsinermullu pilersaarummut 2-mut akisussaasumit ilanngussassamik noqqaassuteqarsimavoq:

"Attassisinnaanermut Ineriartortitsinermullu Pilersaarut 2-mi aalisarnermullu inatsimmi nutaami apeqputit pingaarnert taakkulu atuutilersinnissaanut suliat ingerlaneri Aalisarnermut Piniarnermullu Naalakkersuisoqarfiup Aningaasaqarnermut Akileraartarnermullu Naalakkersuisoqarfiup akomanni ingerlaavartumik oqaloqatigiissutigineqartarput. Siuliani pineqartut pilersitaanik aningaasaqarnikkut aamma suliffissaqartitsiniarluni sunniutaasinnaasut nalilersorneqartarneri tamatuma saniatigut suleqatigiissutigineqarput.

Naak aalisarnermut inatsimmi akuerineqarsimasumi aaqqiussusseqqinnissat Attassisinnaanermut Ineriartortitsinermullu

04-10-2024
Suliap normua: 2024 - 17356
All. nr. 24551480

Postboks 269
3900 Nuuk
Oqarasuaat (+299) 34 50 00
Fax (+299) 34 63 55
Mail: apn@nanoq.gl
www.naalakkersuisut.gl

Pilersaarut 2-mi aaqqissuusseqqinnissat allaaserinerinit ilaatigut allaassuteqartarluartut, aalisarnermut inatsisissami AIP2-milu siunertat pingaarnersaat qitiusorlu tassaavoq pitsaanagerusunik sinaakkutissaqartitsinikkut pitsaanagerusumik pilersaarusiorsinnaalernissaq, aningaasalersuisinnaalernissaq aningaasaliisinnaalernissarlu aamma aalisarneq oqimaaqatigiissumik ineriartortissinnaajumallugu avataasiorluni aalisarnermi piginnittut siammarneqarnissaat."

Ilanngullugu oqaatigineqassaaq immikkoortumi 4.2.1.3 Aalisarnermi isertitat annertusarnissaannut aamma malitsigisatut pisortat isertitaanni annertusisani toqqammavissat pitsaanagerit, aalisarnermut inatsisissap nutaap 1. januar 2025-mi taassumalu malitsigisaanik nalunaarutissat atuutsilersinnerisigut naammassineqarmata, taakkulu ilaat aalisarnermut inatsisissap atuutsilerfiani atuutsilersinnissaat sulissutigineqarmat. Immikkoortoq 4.2.1.4 *Tunisinissamut pisussaaffigisap allanngortinneqamera isertitaqarnerulersitsisinnaavoq aamma savitunerusumik suliffeqarfimmik pilersitsisinnaalluni* eqqarsaatigalugu Kitaani avataasiorluni qaleralinniarnermi tamakkiisumik tulaassisussaataaneq 1. januar 2024-mi atuutilersinneqarpoq kiisalu raajarniarnermi nammineq tunisassiorlut pisat minnerpaamik 30%-iilik tulaassisussaataaneq aalisarnermut inatsisissap atuutilernera ilutigalugu atuutilersinneqassalluni ukiut tallimat ikaarsaariarnerup kingorna. Maannakkut tulaassisussaataaneq 25%-iuvoq.

- 2. Inuiaqatigiinnut kingunerisassanik naatsorsuinerit, aalisarnermut inatsisissatut siunnersuutip suliarineqarnerani paasinarsisinneqartussatut pisariaqartinneqartut, killiffiat paasissutissiissutigineqassasoq ataatsimiititaliamit kissaatigineqarpoq.**

AKISSUT:

Sunniutissat misissoqqissaarneri pisariaqartinneqartut inatsisissatut siunnersuummut ilaatillugit tamatumalu kingorna Inatsisartuni suliap suliarineqarnissaanut atatillugu tunniunneqarnikuupput. Taamaattoq nalunaarutit attuumassuteqartut aalisarnermut inatsisip atuutilersinnerani suliarineqartussat nalilersornerinut atatillugu aningaasaqarnermut sunniutissat suliarineqassapput.

Oqaasertaliussanut tunngasut

Oqaasertaliussat eqqarsaatigalugit allannguut pingaarneq konto pingaarneq 51.07.40-mut tunngassuteqarpoq, tassani umiatsiaaqqanut 84%-imik tapiissuteqartarnermut tunngatillugu (75%-imut taarsiullugu),

tapiiffigineqarsinnaasunut Paamiut ilanngunneqarmat. Siusinnerusukkut Kommune Kujallermi najugallit kisimik annertusisanik tapiiffigineqarsinnaanikuupput.

Missingersuutitut ilanngussanut tunngasoq 2025-mut aningaasanut inatsisissatut siunnersuummi kontomi pingaarnermi 50.01.01-imi aningaasaliissutit 5,4 mio.kr.-inik amerlineqarput. Taakkunannga 5 mio. kr.-it aalisarnermut inatsisip malitseqartinneqarnissaanut 400 t. kr.-illu qimminut akiuussusersuisarnermi aningaasartuutaasartunut amerliartortunut atorpeqassallutik.

Inussiarnersumik inuulluaqqusillunga



Kim Kielsen